

Թիվ 2 (8), հետքվար - Մայրու, 2006 թ.




# ԻՒՒՏ



# ԱՐԱՐԱՏԻ




**Մխալեղու**  
**իրաւունք չունինք**  
 Գեորգ Աճեմեան  
**A.S.A.L.A.**



**Եթե հա՛յ էք, հա՛յ երիտասարդներ էք, սիրելի էք մեզի համար անպայմանօրէն:**

**Կը հասկնանք ձեզ, ձեր հոգեվիճակը ու կը բաժնենք ձեր գգացումներն ու դառնութիւնը:**

**Յիշեցէ՛ք, թէ Հայութիւնն ու անոր դատը կը պաշտպանէք եւ ոչ թէ՛ պարզօրէն գործ մը կատարած ըլլալու համար կը վտանգէք ձեր կյանքն ու ապահովութիւնը: Եւ ուրեմն՝ կ'ակնկալուի ու կը պահանջուի ձեզմէ՛, որ նախ մտածէք մեր ժողովրդին մասին, Հայութեան, որուն համար կը կատարէք այս աննման զոհողութիւնը: Եւ եթէ ճիշդ ու խոհեմ կերպով մտածէք, պիտի մեկնիք Հայութեան գերագոյն շահերէն՝ հասնելու համար վերջնական, հիմնական, եւ անպայմանօրէն դրական արդիւնքներու: Իսկ Հայութեան շահերը կը պահանջեն, որ իմաստուն ըլլաք, շրջահայեաց, հաւասարակշիռ ու հեռու մնաք բոլոր կարգի արկածախնդրութիւններէն, որ տեղ չեն առաջնորդեր ո՛չ ձեզ եւ ո՛չ ալ ձեր ժողովուրդը:**



Բ Ո Վ Ա Ն Դ Ա Կ ՈՒ Թ Յ ՈՒ Ն		
Խմբագրական	էջ 1	
Հայտարարություն N-2	էջ 1	
Հայտարարություն N-3	էջ 2	
Սխալելու իրաւունք չունինք	էջ 3	Գեորգ Աճեմեան
Նպատակ և ճշմարտություն	էջ 4-5	Գուրգեն Յանկյան
Մեր նահատակները	էջ 6-7	
Հայոց բանակի 14-ամյա տարեդարձը	էջ 8	Լիլիթ Հարությունյան
Մասունքներ հայոց անկրկնելի գրականությունից	էջ 9	
Հայաստանը և Թուրքիան առաջիկա կոնֆերանսում	էջ 10-13	Լև Տրոցկի
Եվրամիությանը թուրքիայի անդամակցության որոշ խնդիրների շուրջ	էջ 14-15	Հայկ Մարտիրոսյան
Թուրքիան և թռչնի գրիպը	էջ 15	Հայկ Դեմոյան
Բաքվի հերոսական ինքնապաշտպանությունը	էջ 16-17	Թամարա Վարդանյան
ԼԴՀ պաշտպանության բանակն ավելի հուսալի խաղաղարար է	էջ 17	Կիմ Գաբրիելյան
Տեսլական ու իրական Հայաստանը	էջ 18-19	Գրիգոր Ջանիկյան
Միհրան Սվազլյան	էջ 20-21	Քնարիկ Ավագյան
Հայ պատմագրության երախտավորը	էջ 22	Սմբատ Հովհաննիսյան
Ազգայինը բնավորություն է՝ ազգի տեսակ	էջ 23	Լիլիթ Մակարյան
Գործով կամրջենք սփյուռքը Հայաստանին	էջ 24	Գայանե Հովհաննիսյան
Դարի ճանապարհ	էջ 24	Հասմիկ Մելքոնյան
Ես ինձ կորցրեցի թատրոնում...	էջ 25	
Ներսիսյան դպրոց	էջ 26	Նանե Սևան
Դավիթ Անհաղթ	էջ 27	Աշխեն Գրիգորյան
Հայոց թագավորների տոհմանշանները	էջ 28	Արա Ջոհրաբյան
Խնձոր	էջ 29	Հայկ Խաչատրյան
Ճապոնական և հայ հեթանոսական աստվածները	էջ 30-31	Մելինե Մեսրոպյան
Հայոց առնչված արարերեն հրատարակություններ 2003-2005թթ.	էջ 32-33	Գուրգ Յազըճյան
Այնթապ	էջ 34	Ջեմմա Բաղդոսյան
Այս աշխարհի մէջ Վան, միւս աշխարհի մէջ դրախտ	էջ 35-36	Հովիկ Սկրտչյան

Լրատվական գործունեությունը իրականացնող «Ուխտ Արարատի» ՍՊԸ, հասցեն Կասյան 6/19, վկայական N-03A 069706, տրված 12.10.2005թ.

Տպագրանակը՝ 1000 Ծավալը՝ 4.5 տպ. մամուլ

Համարի թողարկման պատասխանատուներ՝ Տիգրան Փաշաբեզյան, Գևորգ Յազըճյան

Տպագրված է «ՍԱՄԱՐԿ» տպարանում, ստորագրվել է տպագրության 28.02. 2006

Խմբագրության հասցեն՝ 375010, Երևան, Ագաթանգեղոսի 7բ Հեռ. (37410) 52-51-90

Official periodical of "Oukht Ararati" LTD

EDITORIAL BOARD  
Responsible of the issue:  
Tigran Pashabezian,  
Gevorg Yazedjian

Address: 375010, Yerevan, Agatangeghos 7b  
Tel. (37410) 52-51-90  
E-mail: oukhtaradi@yahoo.com

Գինը՝ 300 դրամ

**«Ուխտ Արարատի» ամսագրից նյութեր արտատպելիս՝ խնդրում ենք հղում կատարել:**

**Հարգելով հեղինակային իրավունքը՝ ստացված հոդվածները չենք խմբագրում:**



**ԽՄԲԱԳՐԱԿԱՆԻ ՓՈՒՍԱՐԵՆ**

**ՄՏԻՊՎԱԾ ԵՆՔ ԸՆՏՐԵԼ ՓՈՔՐ ՍԱՐԴԱՐԱՊՈՍՏՆԵՐԻ ՍԱՐՏԱՎԱՐՈՒԹՅՈՒՆԸ**

Ի՞նչ է մնացել այսօր Հայաստանի երկրորդ Հանրապետությունից ժառանգություն ստացած գիտակրթական և արտադրական հզոր ներուժից, կարողություններից: Արտադրական ներուժը փոշիացվել է «ազատականացման ու սեփականաշնորհման» արդյունքում, կրթականը «օպտիմալացվում է» («օպտիմալացվում է» նաև սփյուռքի կրթական համակարգը հանձին՝ Մելքոնյան վարժարանի փակման որոշման), գիտականը «բարեփոխվելու է»: Եթե ավելացնենք նաև մեր կենսագործունեության մյուս բոլոր ասպարեզներում, այդ թվում՝ հոգևոր-մշակութային, նորանոր հարծակուններն ու ներխուժումները, ապա պատկերը ավելի հստակ կդառնա: Բարվոք չէ վիճակը և արտաքին քաղաքական դաշտում: Եվրամիությունը պարտադրեց ՀՀ սահմանադրական փոփոխություններ, ստիպում է ի հեճուկս ժողովրդի կամքի՝ ահռելի խախտումների գնով, այն անցած համարել, չի դադարում թուրք-ադրբեջանական հակահայկական պաշտոնական հիստերիան, նախագծվում են ՀՀ լրիվ մեկուսացնելու նոր ծրագրեր, Վրաստանը կրկին, ինչպես 20-րդ դարի սկզբին միանում է պանթուրքիստական տարածաշրջանային ծրագրերին:

Ի՞նչ անել: Առաջարկում ենք թույլ չտալ վիճակի էլ ավելի խորացում. դիմադրությունն ու առճակատումը չհետաձգել մինչև նոր Սարդարապատ: Խելամիտ վերադասավորել ազգային ուժերը, յուրաքանչյուր առաջադրվող խնդրին վերաբերվել որպես նոր՝ ուրույն ճակատամարտի, նոր Սարդարապատի և յուրաքանչյուր խնդիր հետապնդել ընդհանուրի համատեքստում՝ մինչև վերջնական հաղթանակ:

**Հ Ա Յ Տ Ա Ր Ա Ր ՈՒ Թ Յ ՈՒ Ն N - 2**

Վերջին շաբաթներին անհամեմատ շատացել են խոսակցությունները Արցախյան հիմնահարցի կարգավորման վերաբերյալ: Աննախընթաց չափերի է հասել հայ ժողովրդի տեղեկատվական-հոգեբանական մշակումը՝ նրան պարտվողական լուծում փաթաթելու համար: Այդ հայադավ ծրագրերի մուկնեղծների դերում են հանդես գալիս ՀՀ պետական պաշտոնյաներ, որոնց շարքում՝ հայությունից ըստ էության հիմնովին օտարված, ՀՀ պաշտպանության նախարարի խորհրդակցանի կարգավիճակ ունեցող, հայերեն չհմացող ուսադավոր հայանուն մի գեներալ՝ փորձելով մեզ փաթաթել տալ այսպես կոչված «ճանապարհի քարտեզը», որը ոչ այլ ինչ է, քան դավաճանություն: Իր հերթին, ՀՀ արտաքին գործերի նախարարը արդեն խոսում է այսպես կոչված խաղաղապահ ուժերից, հերոսաբար նշելով, թե դրանցում չեն լինելու թուրք ասկյարներ: Խոսվում է ՀՀ և հայոց թշնամի Ադրբեջանի նախագահների փետրվարի 10-ին նախատեսված հանդիպման ժամանակ ստորագրվելիք ինչ-որ փաստաթղթի մասին:

«Ուխտ Արարատի» Հայաստանի ազատագրության հայ գաղտնի բանակի /ASALA/ նախկին քաղբանտարկյալների և ազատամարտիկների միությունը հայտարարում է, որ ԼՂՀ, ներառյալ կից ազատագրված տարածքները հայոց հավիտենական հայրենիքի անբաժան մասն են, որոնց նկատմամբ հայ ժողովուրդն ունի գերիշխանության բացարձակ իրավունք: Հայրենիքը, ինչպես և ազգի հոգևոր արժեքները հայ ժողովրդի նախկին, ներկա և գալիք սերունդների համայնական սեփականությունն են, իսկ սեփականությանը տիրություն են անում և ոչ թե անտեր են թողնում կամ դարձնում կեղտոտ բազարների առարկա՝ հանուն սեփական աթոռների պահպանության: Մեզ համար, այդ, Արցախյան հիմնահարցը դեռևս չի լուծվել. այդ լուծումը մենք տեսնում ենք հայոց հայրենիքի՝ այսօր հայ զինվորի գերիշխանության տակ գտնվող շուրջ 43 հազար բառակուսի կիլոմետր տարածքի ամբողջական վերահայացման մեջ, որն է՝ այդ տարածքներում հայկական բացարձակ գերիշխանություն, ազգային արժեքների գերակայում և ազգահավաքի հնարավորություն: Մենք դեռ հայրենի շատ տարածքներ ունենք ազատագրման սպասող, որի ուղղությամբ էլ պարտավոր են գործել ՀՀ իշխանությունները:

ՀՀ սահմանների շրջափակման և տեղեկատվական-հոգեբանական պատերազմի շարունակումը, հայ սպա Գուրգեն Մարգարյանի գազանային սպանությունը, Ջուղայում և այլ վայրերում հայոց հոգևոր ժառանգության պետականորեն ծրագրավորված բարբարոսական ոչնչացումը և բազմաթիվ այլ փաստեր կասկած չեն թողնում, որ թուրքերն ու նրանց ցեղակից ադրբեջանցիները հեռավոր ցանկություն իսկ չունեն ճանաչել իր հայրենիքում հայ ժողովրդի գոյությունն իսկ, ուր մնաց խոսել այնպես կոչված խաղաղ գոյակցության մասին: Նման պայմաններում, հարկավոր է ոչ միայն պարտվողական ոչ մի քայլ չանել, այլև անմիջապես դադարեցնել անիմաստ բանակցությունները դարավոր թշնամիների հետ: Միանշանակ է, որ մենք գոյատևելու և հաղթելու համար պարտավոր ենք ապավինել մտեհյան «Վճռական մեռակի» քաղաքական փիլիսոփայությանը:

«Ուխտ Արարատի» Հայաստանի ազատագրության հայ գաղտնի բանակի /ASALA/ նախկին քաղբանտարկյալների և ազատամարտիկների միությունը հայտարարում է, որ իր համար հիմնովին անընդունելի են, այսպես կոչված, միջազգային խաղաղապահ ուժերի հայտնվելը հայոց հայրենիքում, որոնց ներկայությունը ոչ մի դեպքում և ոչ մի պիտակի տակ չի հանդուրժվի: Ստեղծված իրավիճակում, մենք ելքը տեսնում ենք ոչ թե հայ ժողովրդի բազում զոհողությունների գնով ապահովված ռազմական հաղթանակը հոգեբանական ազգակործան պարտության վերածելու, այլ՝ հայոց ամբողջ ներուժը գերլարելով նշված տարածքի վերահայացումն իրագործելու մեջ: Այս նպատակից շեղումը մենք համարում ենք դավաճանություն, իսկ դավաճանների ճակատագիրը վաղուց հայտնի է հայոց պատմությունից:

Ո՛չ ամեն տեսակի պարտվողական ծրագրերին: Հայ ժողովուրդը արյան գնով է ազատագրել իր հայրենիքի ընդամենը չնչին մասը, որից այսօր ուզում են մեզ նորից զրկել: Դա թույլ չենք տա՝ ԿՅԱՆՔԻ՝ ԳՆՈՎ:

Երևան, 7 փետրվարի 2006թ.

**«Ուխտ Արարատի» Հայաստանի Ազատագրության Հայ Գաղտնի Բանակի /ASALA/ նախկին քաղբանտարկյալների և ազատամարտիկների միություն**



# ԳԵՌՐԳ ԱՃԵՄԵԱՆ

Արծակագիր, հրապարակագիր, վիպագիր, գրաքննադատ եւ տեսաբան Գերգ Աճեմեան. արձատնեղով սատունցի, ծնած է Սուրիոյ հիւսիսը՝ Զալէայի շրջանի Մումպուն գիւղաքաղաքը, 23 Մայիս 1932-ին: Նախնական ուսումը ստացած է Զալէայի Զայկազեան եւ Կիւլաէնկեան վարժարաններուն մէջ, ապա յաճախած է Ալեքսիո Գոլէճ եւ 1948-ին աւարտած ուսման ընթացքը՝ փայլուն յաջողութեամբ: 1954-58թթ. ուսանած է Պէյրութի Ամերիկեան Զամալսարանը՝ հետեւելով իմաստասիրութեան ճիւղին եւ արժանացած Պսակաւոր Արուեստից տիտղոսին: Քանի մը տարի հայերէն եւ անգլերէն լեզու ու գրականութիւն դասաւանդած է Պէյրութի երկրորդական վարժարաններուն եւ Կիպրոսի Մելգոնեան Կրթական Զաստատութեան բարձրագոյն կարգերուն մէջ: Երիտասարդ տարիքէն սկսած է ստեղծագործել, գրած է պատմուածքներ, վէպեր, քննադատական եւ հրապարակագրական յօդուածներ, որոնց մէջ մասը հետագային վերահրատարակած է գիրքերու ձեւով: Պէյրութի Զամրա քաղաքային ժամ տ'Արք փողոցին վրայ հիմնած է «Յէլփ» (օգնութիւն) գրատունը, որ վաթսունականներուն եւ եօթանասունականներուն ժամադրավայրը եղած է անկախ ու յեղափոխական մտածողութեամբ մտաւորականներու:

Ժամանակ մը խմբագիրն էր լիբանանեան անգլիա-տառ «Տը Տելի Սթար» օրաթերթին: Աշխատակցած է

«Գրասէր»ին (Զալէայ), իսկ Լիբանանի մէջ՝ «Զարթօնք», «Շիրակ» եւ «Բագին» թերթերուն: Սիմոն Սիմոնեանի խմբագրութեամբ լոյս տեսած «Սփիւռք» շաբաթաթերթի մնացած աշխատակիցը եղած է առաջին օրէն: 1975ին Սիմոն Սիմոնեան թերթը յանձնած է Գերգ Աճեմեանին, որ հակառակ Լիբանանի քաղաքացիական պատերազմի թոհուրհին, խմբագրած է լոյս ընծայած է թերթը 1975էն 1978: Պարբերագիրքի ձեւով հրատարակած է 3 թիւ (Դեկտեմբեր 1985, Դեկտեմբեր 1986, Դեկտեմբեր 1988):

Ան նաեւ առանձին հատորներով հրատարակած է 18 անուն գիրք, հայերէն եւ անգլերէն. «Անկարելի Պատմութիւն», «Օրերէն Ետք», «Պիտի Զարչարեմ Բառերը», «Յաւերժական ճանապարհ», «Յարդգողի ժառանգորդները», «A Time For Terror» («Ահաբեկչութեան ժամանակը»), «Պիտի Յիշե՞նք Երբեւիցէ Արեւմտեան Զայաստանը» եւ այլն:

Գ. Աճեմեան, հայութեան պարտադրուած այս իրավիճակէն միակ ելքը տեսնելով Արեւմտեան Զայաստանի ազատագրութեան եւ հայ ժողովուրդի հայրենի երկիր վերադարձի մէջ, համախոհներու հետ հիմքը դրաւ հայկական նորագոյն զինեալ ազատագրական պայքարի ռահ-վիրայ կազմակերպութեան՝ Զայաստանի Ազատագրութեան Զայ Գաղտնի Բանակին, խօսքը վերածելով գործի, ու այդ ճամբուն վրայ ալ նահատակուեցաւ 27 Դեկտեմբեր 1998-ին, Ֆրանսայի Լիոն քաղաքը, ուր եւ քաղուած է այժմ, մինչեւ վերադարձը ազատագրուած հայրենի երկիր՝ Արեւմտեան Զայաստան:

## Յ Ա Յ Տ Ա Ր Ա Ր Ո Ւ Թ Յ Ո Ւ Ն N-3

**Մեր վճռական ՈՉ-ով, ամբողջ արաբական աշխարհի, իրանական աշխարհի, իսլամ դավանող մեր մյուս բարեկամների հետ միասին մեր բողոքի ծայրն ենք բարձրացնում** Արևմուտքում՝ Եվրոպայում, իսլամի սրբությունները պղծելու, կրոնական զգացմունքների նկատմամբ սանձարձակ ոտնձգություններ ծավալելու և ազգային - կրոնական հակամարտություններ հրահրելու՝ պետությունների կողմից չկասեցվող գործընթացի նկատմամբ:

**Քաղաքակրթությունները չեն բախվում: Ազգերը, ժողովուրդները, կրոնները չեն պատերազմում.** Եթե համաշխարհային բախումը, պատերազմներն ու հակամարտությունները դավադրորեն չեն կազմակերպվում ու չեն հրահրվում համաշխարհային տիրապետության ձգտող որոշ երկրների ու միջազգային քաղաքական ստվերային, հանցագործ կառույցների կողմից: 1995-96թթ. հանրության ընկալման համար հրապարակ նետված հանտինգտոնյան, այսպես կոչված քաղաքագիտական կամխատեսումները չեն, որ իբրև թե իրականանում են:

Աշխարհին տիրելու, մարդկությանը ստրկացնելու աշխարհը համակենտրոնացման ճամբարի վերածելու հիվանդ մտածողության՝ մոլազարության հասնող այս խնդիրը զալիս է դեռ 1891թ-ից: Զամաշխարհային մեծ խառնակության այս վերջին գործընթացը իրականում դեռևս հարյուր տարի առաջ լորդ Միլների առաջարկած «Զամաշխարհային ընդհանուր պետության» և «Զամաշխարհային կառավարության» ստեղծման չորրորդ փորձն է: Զայտնի է առաջին երկու գործնական փորձերը տապալվեցին, և ըստ այդմ հրահրված I և II Աշխարհամարտերը՝ իրենց առջև դրված խնդրի իրագործման առումով «արդյունավետ» չեղան: Տապալվեց նաև հաջորդ երկու փորձը. Երկրորդ Աշխարհամարտից՝ առանց դադարի Երրորդին անցնելու Չերչիլի (1945-1949թթ.) համառությունը, նաև 1961-ին հրահրված Կարիբյան ճգնաժամով Երրորդ՝ ԱՄՆ - ԽՍՀՄ ջերմամիջուկային պատերազմը սկսելու փորձը: Սա՝ 1965-ից նախագծվող ու 1985-ից լրիվ թափով ընթացք տրված հինգերորդ (հուսանք վեջին) փորձն է:

Ի դեպ, հենց նույն այս համընդհանուր ագրեսիվության ծրագրերի տարածաշրջանային խնդիրներին է ծառայում

Կովկասում եվրոքաղաքականություն իրականացնողների, կովկասյան ընդհանուր պետություն ստեղծելուն հարմարեցված ՀՀ Սահմանադրության փոփոխությունների՝ եվրո-հեղինակության նախագիծը: Զամաշխարհային բոլոր մեծ խառնակություններից մեծապես տուժած հայերիս, ավելի քան հասկանալի և անընդունելի են կրկին համաշխարհային քառս խթանող միջազգային - քաղաքական այս հանցագործ ձեռնարկումները:

**Մուհամեդ Մարգարեն չպետք է դառնա Երրորդ համաշխարհային պատերազմի սկզբնապատճառ՝** նորօրյա «գահաժառանգ Ֆրանց Ֆերդինանտ», ինչպես նախատեսել են Եվրամիության աներևույթ շինարարները՝ աշխարհին տիրել ձգտող մոլազարները:

**Զոհության ԿՈՉ ենք անում իսլամական աշխարհին՝** չսահել դեպի կրոնական ատելություն, ինչպես այդ արվում է Ադրբեջանում՝ վերջին օրերին Հիսուս Քրիստոսի ու Աստվածամոր նկատմամբ ծաղրական թեմաներով հրապարակումներում, ինչպես նաև Ջուղայի խաչքարերը կործանելու փաստում:

**Առաջարկում ենք** միասին պայքարել հեռահար նպատակներ հետապնդող և համայն մարդկության դեմ ուղղված համաշխարհային ծավալման գնացող այս ՉԱՐԻՔԸ դիմակայելու, կասեցնելու խնդրում:

**Արդարացի պատիժ պետք է կրեն** միայն բուն հանցագործները՝ սրբապղծությունն իրագործողները, այն պատվիրողներն ու նրանց հովանավորողները և ոչ այլք՝ անմեղ «մեղավորները»:

**ԿՈՉՈՎ դիմում ենք** ՀՀ, ԼՂՀ և Սփյուռքի հայությանը, որ իրենց բողոքի ծայրը բարձրացնեն և գործնականորեն աջակցեն իսլամադավան մարդու սրբությունները պղծող բոլոր այլանդակությունները կանգնեցնելու և այսօրինակ երևույթների կրկնություն արգելելու խնդրում:

16 փետրվարի, 2006թ., Երևան  
**«Ուխտ Արարատի» Զայաստանի Ազատագրության Զայ Գաղտնի Բանակի /ASALA/ նախկին քաղաքատարկյալների և ազատամարտիկների միություն**



Եթե հայ էք, հայ երիտասարդներ էք, սիրելի էք մեզի համար անպայմանօրէն:

# ՍԽԱԼԵԼՈՒ

ՉԻՆՈՒՄ ԱՃԵՄԵԱՆ

Կը հասկնանք ձեզ, ձեր հոգեվիճակը ու կը բաժնենք ձեր զգացումներն ու դառնութիւնը:

Յուսահատ, հիասթափ ու դառնացած՝ որոշած էք գործնական միջոցներու դիմել: Երիտասարդական ձեր արիւնը մղած է ձեզ գործի, հոգ չէ թէ՛ առանձին եւ ինքնագլուխ: Եւ կրնաք վստահ ըլլալ, թէ ձեր ժողովուրդը՝ Հայութիւնը, որ յուսահատած է եւ ճարահատ ձեզի պէս, ներքին, բայց լուռ գոհունակութեամբ մը պէտք է դիմաւորած ըլլայ ձեր արարքը: Եթե հայ էք՝ անշուշտ:

Հակառակ անոր, որ կրնան տարակարծիք ըլլալ ձեր գործելու, կամ աւելի ճիշդը՝ գործը սկսելու եւ վարելու եղանակին: Ինչպէս մենք տարակարծիք ենք ու կ'արծաճագրենք մեր վերապահութիւնը առանց այլեւայլի:

Ղէմ չենք գործելուն, ձեր հաւատքին, նուիրումին ու վճռականութեան: Բայց անպայմանօրէն ղէմ ենք ձեր գործելու եղանակին-վայրի եւ ժամանակի ընտրութեան:

Կը նկատէք, որ բառերը առանց ծամծմելու կը գործածենք, դիւանագիտութիւն չենք խաղար, պատճառաբանութիւններ չենք որոներ, ու յստակ կերպով կ'արտայայտենք մեր դժգոհութիւնը: Որ կրնաք վստահ ըլլալ, կը բխի մեր գոհունակութենէն: Հակասական չէ: Մտածեցէք: Մենք գոհ ենք եւ ուրախ, որ հասած էք այս որոշումին-գործելու եւ ձեր իրաւունքները պատվով պաշտպանելու գիտակցութեան, բայց կը դժգոհինք, որ այս կերպով կը լծուիք աշխատանքի: Յիշեցէք, թէ Հայութիւնն ու անոր դատը կը պաշտպանէք եւ ոչ թէ՛ պարզօրէն գործ մը կատարած ըլլալու համար կը վտանգէք ձեր կյանքն ու ապահովութիւնը: Եւ ուրեմն՝ կ'ակնկալուի ու կը պահանջուի ձեզմէ, որ նախ մտածէք մեր ժողովրդին մասին, Հայութեան, որուն համար կը կատարէք այս անմասն գոհողութիւնը: Եւ եթէ ճիշդ ու խոհեմ կերպով մտածէք, պիտի մեկնիք Հայութեան գերագոյն շահերէն՝ հասնելու համար վերջնական, հիմնական, եւ անպայմանօրէն դրական արդիւնքներու: Իսկ Հայութեան շահերը կը պահանջեն, որ իմաստուն ըլլաք, շրջա-



հայեաց, հաւասարակշիռ ու հեռու մնաք բոլոր կարգի արկածախնդրութիւններէն, որ տեղ չեն առաջնորդեր ո՛չ ձեզ եւ ո՛չ ալ ձեր ժողովուրդը:

Օրինակ առնենք մեր պատմութենէն, անմիջական անցյալէն եւ ինչու չէ՞ նաեւ հայկական յեղափոխութենէն: Չկրկնենք նույն սխալները: Ու յօնք շտկած ատեն, աչք չհանենք, ինչպէս կ'ըսէ ժողովրդական առածը:

Գործ մը ունիք կատարելիք: Ունիք առաքելութիւն մը, որու կը հաւատայ իւրաքանչիւր հայ, ու մենք վստահ ենք՝ պատրաստ է նուիրաբերելու ինքզինք այդ ճանապարհին վրայ: Բայց պայմանաւ, որ այդ ճանապարհը ըլլայ սերտած, պեղած ու գերծ ամէն կարգի թակարդներէ եւ արգելքներէ: Նախ պէտք է ուսումնասիրէք այդ ճանապարհը, հետախուզութեան ենթարկէք զայն եւ ստուգէք, թէ ապահով է եւ անվտանգ: Այսինքն՝ անարգել պիտի հասցնէ ձեզ ճամբու վերջաւորութեան: Եթէ պիտի չկարենաք հասնիլ ցանկացունած այդ վերջաւորութեան, ու, եթէ պիտի տապալիք կամ սայթաքիք ճանապարհի կէսին, ձեր կորուստը վատնում պիտի ըլլայ. իսկ ձեր ձախողութիւնը՝ վնասակար: Պիտի վնասէ Հայութեան, եւ ամենէն կարելորդ՝ անոր հետապնդած դատին:

Ձեր սխալիլը կրնայ ճակատագրական դեր ունենալ՝ մեր բոլորին ձգտումներն ու երազը անվերականգնելի կերպով կործանելով: Կարելորդ նպատակին հասնիլն է:



Հոգ չէ, թէ ուշ: Եվ, հետեւաբար, իրաւունք չունիք սխալելու, նույնիսկ՝ սայթաքելու: Գամբայ ելլելէ ետք, արտօնուած չէ մեզի ընկրկիլ՝ նոյնիսկ: Ու ոչ մէկ պարագայի տակ նոր դաւերու ու ծուղակներու գոհ դառնալ:

Այո՛, եթե հայ էք, հայ երիտասարդներ էք, եթէ իսկապէս հայր՝ գործ են վերջին շաբաթներուն ընթացքին թրջական հաստատութիւններու դէմ Լիբանանին մէջ գործված արարքները, կը պահանջենք ձեզմէ, որ չսխալիք ու չիյնաք լարուած ծուղակներու մէջ: Որովհետեւ այդ ծուղակները ձեզի համար լարուած չեն, այլ՝ համայն Հայութեան:

Մեր բացատրութիւնը շատ պարզ է: Ձեր գործունեութեան թատերաբեմը Լիբանանը չէ, եւ ոչ էլ արաբական ուրիշ որեւէ երկիր: Պէտք չէ՛ ըլլայ, որովհետեւ թիրքը հոս չէ, իսկ այս երկիրները թրջական չեն: Թիրքը մեր երկրին մէջ է: Մեր եւ մեզի նման հայրենական հողերէ կողոպտուած ու կեղեքուած այլ ժողովուրդներու երկիրը, գործիւրքի կոչած են: Ձեր գործունեութեան թատերաբեմը պէտք է ըլլայ այդ երկիրը, որ մերն է: Եւ ոչ թէ՛ հոս, ուր հիւր ենք: Հայրենիք եւ հող ազատագրելու պայքարը կը մղուի սեպհական հողի վրայ: Որ մեր պարագային եւս կարելի է, հավանական: Հոգ չէ, թէ տեղահան ըրած ըլլան մեզ հոնկէ:

Իսկ եթէ անկարելի ըլլայ կամ թուի ասիկա ձեզի, ապա ուրեմն՝ մտածեցէք այն ընդարձակ եւ անսահման դաշտին մասին, որ աշխարհն է: Բայց երբեք՝ արաբական երկիրներուն, ուր ապաստանութիւն գտած ենք ու վերանորոգուած՝ Ապրիլյան եղեռնէն ետք:

Թիրքը, իր հաստատութիւններով ու պետական եւ քաղաքական ցանցով, ամէն տեղ է, ամէն երկրի մէջ: Եւ եթէ Թիրքի կոչուած երկիրը փակ դուռ մըն է մեզի համար, աշխարհը, սակայն, բաց եւ ազատ դաշտ մըն է բոլոր անոնց համար, որոնք դատեր ունին հետապնդելիք: Նախընտրելի չէ՞ ուրեմն, որ գործենք այդ ազատ ու անսահման դաշտին մէջ, քան հոն, ուր կրնանք վտանգել մեր եւ մեզ հիւրասիրողներուն շահերը:

Ապերախտ չըլլանք: Ու չըլլանք անձնատէր: Չմոռնանք, որ արաբն ալ իր երկրին մէջ ունի իր հաշիւներն ու իր շահերը, մանաւանդ՝ ունի իր հարցերը: Չպարտադրենք անոր մեր հաշիւները, որ կրնան խտտոր համեմատիլ իրենցինն հետ: Այս երկիրներուն մէջ հարց չունինք մենք: Ընդհակառակն՝ ունինք պարտականութիւն: Մեր նպատակը բերել անոնց վերելքին եւ բարգաւաճումին:

Թիրքը պիտի ուզէր, որ ճիշդ հակառակը պատահէր, որպէսզի խախտէր այս ափերուն վրայ մեր գոյութիւնը պայմանաւորող կորիզը: Եւ ի պահանջել հարկին՝ ինք պիտի ծրագրէ նմանօրինակ դաւ մը, այս պարագային եւս: Ձենք մոռցած միւս կարելիութիւնը: Թրջական գործ կրնայ ըլլալ այս ամբողջը՝ մեզ վարկաբեկելու եւ հարուածելու համար: Այսքա՞ն դյուրութեամբ պիտի իյնանք ծուղակը: Բայց ո՛չ: Ձենք կրնար սխալիլ այլեւս:

Իրաւունք չունինք սխալելու մանավանդ:

«Սփիւռք» շաբաթաթերթ, թիւ 8, Մարտի, 1975թ.



# ՆՊԱՏԱԿ ԵՎ ՃՇՄԱՐՏՈՒԹՅՈՒՆ

Կյանքումս միշտ էլ հակառակ էի եղել ուժին, որովհետև դրանով, ոտնատակ տալով մեկ ուրիշի իրավունքները, նույն չափով կորցնում ես և քոնը: Գիտեի, թե ինչ էի անելու առավոտյան (1973թ. հունվարի 27 - խմբ.): Հանդեպ նրանց, որոնք ինքնակամ գալու էին ինձ տեսնելու, ես ոչ մի զգացում չունեի: Նրանք ինձ համար միջոց էին հասնելու ցանկությանս: Եթե լինեին ուրիշները, ինձ համար տարբերություն չէր ունենալու: Զգացի, որ լալիս եմ: Արցունքները թափվում էին աչքերիցս առանց հեկեկանքի, բայց այդ խղճալու կամ տատանվելու արցունքներ չէին, այլ՝ կատաղության, որ դեպքերի ընթացքն այնպես դասավորվեց, որ ես դիմելու եմ մի միջոցի, որին միշտ դեմ եմ եղել: Նպատակիս հասնելու համար պետք է զոհեի իմ տեսակետներից՝ գուցե ամենագլխավորներից մեկը:

Մտքովս երբեք չէր անցնում մի անգամ ևս քննել իմ ծրագրածը. քննելու, փոխելու կամ հրաժարվելու խոսք չէր կարող լինել: Որոշումս վերջնական էր: Նպատակս այնքան սուրբ էր ինձ համար, որ իմ որոշ անձնական տեսակետների զոհաբերելը մի շատ էլ մեծ բան չէր:

...Սրբեցի արցունքներս: Ժամացույցս ցույց էր տալիս մեկ ու կես... Ես ծովի ափը իջա երեկոյան 10-ին. երեք ու կես ժամ... Ինչ արագ էր անցել ժամանակը... Սթափվիր, Գուրգեն, հրամայեցի ինքս ինձ ու քայլերս ուղղեցի դեպի իմ սենյակը... Հեռախոսեցի, որ ինձ արթնացնեն ժամը ութին... Իննին գնացի ու մնաս բարով ասացի իմ կյանքի ընկերոջը: 10-ին արդեն հյուրանոցում էի և իմ սենյակում տեսնում էի վերջին պատրաստությունն ընդունելության համար:



Արևելյան ինտերյեր, գործ Մարտիրոս Սարյանի, 1918թ., Գ. Յանիկյանի նվիրատվությունը Մ. Սարյանի թանգարանին

Ժամը 11-ին իմ հյուրերը գալու էին: Գնացի դուրս ու ման էի գալիս կանաչած բակում և ավելի հանգիստ էի, քան երբևիցե: Մտածում էի, թե արդյոք մի բան չէի՞ մոռացել: Ո՛չ, կարծես ամեն ինչ կարգին էր:

Սպասուհին եկավ, հայտնեց, որ սենյակը պատրաստ է: Վերադարձա և մի անգամ ևս նայելով ու քննելով գենք-գիրքը՝ դրեցի այն հայելու առջևի սեղանի վրա: Քննեցի նաև բրաունինգը ու դրեցի մի կողմ՝ ծածկելով «Թայմ» շաբաթաթերթով:

Ժամը 10-ն անցել էր, երբ գնացի պատշգամբ: Առավոտը բավականին ցուրտ էր, ես վերարկու էի հագել ու գլխիս դրել իմ սովորական բերետը:

Անցնողները բարև էին տալիս: Սովորություն էր, որ մոտիկ ապրողները ծանոթ-անծանոթ «բարի լույս» էին ասում միմյանց, որով ցույց էին տալիս (ըստ իրենց ըմբռումի), որ զարգացած ու խելացի մարդիկ են:

Կողքի սենյակի դուռը բաց էր: Մի խումբ մարդիկ առավոտ կանուխ թուղթ էին խաղում: Հետագայում նրանցից մեկը դատավարության ժամանակ դատախազի վկան եղավ: Պարզվեց, որ մեծ դիրքեր ունեցող անձնավորություններ են: Բոլորն էլ Կալիֆոռնիայի զանազան քաղաքներում դրամատների կառավարիչներ են

եղել և եկել էին ժողովի: Առավոտ վաղ «փոկեր» էին խաղում. լավ ժամանց դրամատների տերերի համար:

...Տեսա՞ ինչպես 2 հյուպատոսները (թուրքեր- խմբ.), դեռ հեռվից լայն ժպիտը դեմքերին, մոտենում էին ինձ: Ես էլ ժպտալով գնացի՝ դիմավորելու: Մեկին, մինչ այդ, ինչպես ասել եմ, տեսել էի, մյուսին՝ ոչ: Մենք ծանոթացանք և, որպես սրտագին հին ծանոթներ, ձեռք մեկնեցինք:

- Ուրախ եմ ծանոթանալու Ձեզ հետ, Յանի խան, - ասաց գլխավոր հյուպատոսը:

- Ուրախությունն իմն է, Ձերո՞ վսեմություն, - պատասխանեցի ես:

- Ինչ լավ, գեղեցիկ տեղ եք ապրում, - շարունակեց նա:

- Ես այստեղ ժամանակավոր եմ ապրում, քաղաքում իմ բնակարանն ունեմ: Երբ ցանկանում եմ հանգստանալ կամ մասնավոր այցելողներ ունենալ, այն ժամանակ ես գալիս եմ այստեղ:

- Ես ծանոթ եմ Սամտա Բարբարային, շատ լավ, սքանչելի, հարուստների քաղաք է:

- Ոչ միայն հարուստների քաղաք է, այլ ամեն տեսակ մարդ էլ ապրում է: Այս կողմ, Ձերո՞ վսեմություն, - և այսպես խոսելով՝ ես առաջնորդեցի նրանց դեպի իմ սենյակ: Առաջարկեցի նստել բազկաթոռների վրա, իսկ ինքս նստեցի անկողնու անկյունին. այնպես էր, որ երկուսն էլ իմ դիմացն էին: Բազկաթոռների մեջտեղը մի սեղան կար, որի վրա դրված էր իմ ճատրակի հավաքածուն: Ժամանակի համար երբեմն ինքս մեծակ լուծում էի որոշ խնդիրներ, որոնք միշտ հրատարակվում էին մասնավոր հրատարակություններում: Փոխհյուպատոսն ուզում էր, որ ես նստեի բազկաթոռին, իսկ ինքը քաշեց մի աթոռ, որ նստի: Ես մերժեցի և ասացի, որ բազկաթոռները հյուրերինն են:

Մի քանի վայրկյան խոսելով ճատրակի մասին՝ հյուպատոսը ուշադրություն դարձրեց մի մեծ նկարի վրա, որը մի քանի ամիս առաջ բարեկամս էր քաշել և մեծացրել:

- Գեղեցիկ նկար է Յանի խան: Դու գեղեցիկ տղամարդ ես: Շատ ուրախ եմ, որ մեր երկիրը ձեզ պես բարեկամներ ունի: Մեր երկիրն էլ գիտե գնահատել իր բարեկամներին: Ահա նամակը, որով ինձ տրվում է իրավունք՝ ստանալ նվերները և ուղարկել Անկարա:

Նամակը մեկնեց ինձ, ես վերցրի և սկսեցի կարդալ:

- Յանի խան, այդ ստորագրություններով տաճկական դրամը կարո՞ղ եմ տեսնել:

- Իհարկե, Ձերո՞ վսեմություն, - պատասխանեցի ես և, հանելով պայուսակիցս, տվեցի իրեն: Նա սկսեց ուշադրությամբ քննել: Ես գիտեի, որ ոչ թե պատկերն էր նրանց հետաքրքրողը, այլ՝ դրամը, որը յուրաքանչյուր թանգարանի համար մի գնան է:

Նա դրամն էր զննում, ես նամակս էի կարդում: Փոխի-



յուպատոսն իրավունք խնդրեց ծխելու:

Կարդացի նամակը, որն ինձ լիովին բավարարեց: Գրված էր իմ ուզածի պես: Կառավարությունը հայտնում էր իր շնորհակալությունը և տեղյակ պահում, որ հարկ եղածն արդեն կարգադրված էր:

Մի օր այդ նամակը դառնալու է թանգարանի առարկա, բայց այժմ դեռ դատախազի մոտ է մյուս բոլոր թղթերի ու իրերի հետ, որոնք, ըստ բացատրության, կարող են վերադարձնել միայն իմ դատավարության ավարտին: Բայց քանի որ վերաքննություն ենք արել, դրանք մնալու են իրենց տրամադրության տակ՝ որպես փաստեր:

Ես որոշել էի, նախքան գործի անցնելը, մի քանի խոսք ասել, որ նրանք գիտենան, թե ինչն է պետք է ոչնչացվեն, և ո՞վ են ես:

Առանց այլևայլության ասացի.

- Դուք գիտե՞ք, որ ես ՀԱՅ եմ, ծնվել եմ Երզրումում:

Մի վայրկյան եղավ նրանց շփոթությունը: Կիսազարմանքով նայում էին ինձ վրա:

- Ես գրող եմ և շատ անգամներ եմ գրել ընդդեմ ձեր կառավարության:

Հյուպատոսն ավելի դիվանագետ էր, քան իր օգնականը:

Դեմքի վրա մի ժպիտ ցույց տալով, որից պարզ երևում էր, թե կեղծավորի ժպիտ է, ասաց.

- Շատ էլ լավ ես արել, Յանի խան: Բայց դա անցյալում է եղել: Այսօրվանից ամեն ինչ փոխվելու է: Տեսե՞ք, դուք նվերներ եք տալիս մեր երկրին: Մեր երկիրն էլ՝ որպես շնորհակալություն, ձեզ 2 շքանշան պիտի տա: Ես էլ իմ կողմից խոսք եմ տալիս, որ մի 5.000 դոլար դրամ էլ ձեզ կտրվի, որ դուք այլևս մեզ հակառակ բաներ չգրեք: Չէ՞ որ մենք հիմա բարեկամներ դարձանք:

Ծիծաղելով պատասխանեցի.

- Բայց դուք չգիտեք իմ իսկական անունը: Ես Յանի խան եմ ձեզ համար, միաժամանակ ես Նեգրուզն եմ:

Այս անունը, որ իմ Գուրգեն անվան հակառակ կարդալն է, ես տասնյակ տարիներ, որպես կեղծանուն, օգտագործել էի իմ գրությունների համար, մանավանդ այն գրվածքների, որոնք տաճիկներին էին վերաբերում: Շատ ոտանավորներ նույն անունով հրատարակված էին զանազան երկրներում և նույնիսկ Տաճկաստանում: Երկի այդ անունը նրանք գիտեին, որովհետև հյուպատոսի ձեռքից դրամը, որը զննում էր, ցած ընկավ: Բայց չկորցրեց իր սառնարյունությունը:

Մի քիչ գունատված, բայց շատ սիրալիկ ասաց.

- Ասացի, որ հիմա բարեկամներ ենք և մոռանալու ենք ամեն ինչ:

Ես, արդեն չկարողանալով զսպել ինձ, մի կողմ թողի դերասանությունս, որը մինչ այդ անում էի հաջողությամբ: Կատաղած նայելով ուղղակի հյուպատոսի աչքերի մեջ՝ ասացի:

- Բարեկամներ՞ր, զազանների հետ բարեկամ չեմ կարող լինել: Ձեր ցեղը 2 միլիոն մեր ազգից մորթել է: Հիմա ինձ դրամ եք առաջարկում: Դուք փոխել եք ձեր երկրի կառավարելու ձևը, բայց մնացել եք նույն կեղտոտ ազգը:

Այս խոսքերը դեռ չէի վերջացրել, երբ փոխհյուպատոսը, վերցնելով իր կողքին գտնվող աթոռն, ասաց.

- „You, son of a bitch, dirty Armenian,“ (Դու, բոզի տղա, կեղտոտ հայ),- ուզեց հարվածել ինձ: Մի ձեռքով աթոռը իմ գլխից ետ հրելու, վեր ցատկելու ու դեպի սեղա-

նը գնալու մի վայրկյան տևեց: Վերցնելով գիրքը, որի մեջ պարաբելումն էր պահված, ասացի.

- Այժմ դուք գիտե՞ք ով եմ. ես պետք է ձեզ ոչնչացնեմ:

Իմ այս անսպասելի խոսքերը, մանավանդ ձեռքիս գտնվող անմեղ երևացող գիրքը մի վայրկյան նրանց շփոթության էր մատնել: Չախ ձեռքով բռնած կողքը, երբ բացի, միայն հյուպատոսն էր, որ տեսավ, թե ինչպես ատրճանակը բուռն մտավ, փոխհյուպատոսը տեսնում էր միայն գրքի կազմի կողքը, որի վրա անգլերենով գրված էր վերնագիրը:

- Պիտի ոչնչացնեմ երկուսիդ էլ,- ասացի և հետո ուրիշ խոսքեր էլ ասացի, բայց, անկեղծ ասած, չեմ հիշում, թե՛ ինչ:

Երկու հարված տալով հյուպատոսին՝ գիրքը դեմ շարտեցի և զենքն ուղղեցի երկրորդին: Քանի՞ անգամ կրակեցի և երկուսից որի՞ն, չեմ հիշում, միայն երբ վերջին իններորդը կրակեցի, երկուսն էլ արդեն գետնին էին ընկած:

Ձեռքիս զենքը դնելով սեղանի վրա, վերցնելով բրաուզին և մոտենալով դիակներին՝ մի 2-2 փամփուշտ էլ ուղարկեցի զանգերին: Ֆրանսիացիք կոչում են “coup de grace”, այսինքն՝ «խղճալու հարվածներ», որ եթե կյանքի նշույլ է մնացել, այն էլ ոչնչանա:

Մոտեցա հեռախոսին, կանչեցի հյուրանոցի հեռախոսավարին և ասացի, որ ինձ միացնեն ոստիկանապետ Գարբենթի հետ, որովհետև իմ սենյակում 2 դիակ կա:

Նա չհավատաց և տալով անունս՝ հարցրեց. «Ի՞նչ եք ասում»:

- Հեռախոսեք ոստիկանապետին, որ զա այստեղ, որովհետև 2 չարիքներ ես ոչնչացրի իմ սենյակում:

Հագա վերարկուս, դրեցի բերետս ու դուրս եկա պատշգամբ, որտեղ արդեն հավաքվել էին հյուրանոցի ծառայողները:

Խնդրեցի մի բաժակ ջուր:

2-ն հիշում՝ ով բերեց: Հսկում էի, որ ոչ ոք մերս չմտնի: Սպասում էի:

Մի 5-10 րոպե անցավ. ոչ ոք չէր երևում: Խնդրեցի մեկին (հյուրանոցի կառավարիչն էր), որ գնա և հեռախոսի ոստիկանապետին, թե ինչն է չեմ գալիս: Մեկ ուրիշին էլ, որ ուզում էր մտնել խոսակցության մեջ, նույնպես ասացի, որ լավ կլինի, եթե նա գնա և շտապեցնի ոստիկանությանը:

- Գուցե դեռ ողջ եմ և կարիք ունեմ օգնության,- մի ինչ-որ խելացի ծառայող ասաց ինձ:

- 2 փամփուշտ ուղեղում՝ ոչ ոք չի կարող ողջ լինել,- պատասխանեցի ես:

Վերջապես լսվեց շտապ օգնության մեքենայի ձայնը: 2 մարդ զանազան օգնության պիտույքներով շտապեցին դեպի սենյակ: Մի քանի վայրկյան հետո մեկը դուրս եկավ և կարգադրեց, որ բերեն պատգարակը: Բերեցին, և տեսա, թե ինչպես դուրս տարան նախ՝ հյուպատոսի մնացորդը, ապա՝ մեկ ուրիշ օգնության մեքենա էլ եկավ ու տարավ նրա օգնականի մնացորդը:

Ոստիկանապետի գրասենյակից դեռ մարդ չէր եկել: Երկի շատ զբաղված էին: Ես, հանգիստ նստած, սպասում էի: Վերջապես տեսա՝ 5-6 ոստիկաններ բավականին հեռվից շրջապատել են պատշգամբը:


Շարունակությունը՝ էջ 6-ում




Նկարի համընթաց պահը Մ. Սարյանի թանգարանին, 1972թ.



# Մ Ե Ր Ն Ա Յ Ա Տ Ա Կ Ն Ե Ր Ը



**ԼԵՎՈՆ ԷՔՄԵՔՃՅԱՆ (1958-1983)**  
 1982թ. օգոստոսի 7-ին ՀԱՅԳԲ-ի «Խրիմյան Հայրիկ անձնապանական ջոկատը» հարձակվեց Անկարայի Էսանպողա օդակայանի վրա: Գործողությունն իրականացրեցին Ջոհրապ Սարգսյանն ու Լևոն Էքմեքճյանը: Ջոհրապը կռվեց երկուսուկես ժամ և երբ զինամթերքը սպառվեց, ինքնասպանություն գործեց: Լևոնը վիրավորվեց, անգիտակից վիճակում գերի ընկավ և Թուրքական դատարանի կողմից դատապարտվեց մահվան, որն ի կատար ածվեց 29 հունվար 1983-ին:



**ԱՐՇԱԿ ՏԵՐ-ՍԱՅԱԿՅԱՆ (1963-1986)**  
 Նահատակվել է Լիբանանում:

## Սկիզբը՝ էջ 5-ում

Ջարմանալու բան չկա: Նրանք էլ չեն ցանկանում զոհ գնալ: Որտեղի՞ց գիտեն. գուցե ես ցնորված կամ հիվանդանոցից փախած մեկն եմ, որը զինված է ու կարող է կրակել աջից ձախ: Ես հասկացա խեղճերի դրությունն ու, դիմելով նրանց, ձեռքի նշանով կանչեցի:

Քաղաքացիական զգեստով մեկը վախվխելով մոտեցավ ինձ ու հարցրեց. «Ձեռք ունե՞ս...»: Երբ իմացավ, որ զենքերս սենյակում եմ, ոստիկաններին նշանով հրավիրեց մոտենալ:

Միանգամից կարծես բոլորը լծվեցին գործի: Սկսեցին ներս ու դուրս անել սենյակից, խոսել միմյանց հետ և հավաքված ժողովրդին կարգի հրավիրելով՝ մի որոշ տարածության վրա պահել:

Ինձ մոտեցողն ու հետս խոսողը ոստիկանության հասարակ ծառայող չէր եղել, այլ՝ գաղտնի ոստիկան: Երբ իմացավ, որ զենք չունեմ, ինձ կանգնեցնելով, սկսեց քննել ոտքից մինչև գլուխ, կարծես կոշիկիս մեջը պահած լինեի: Հանեց գրպանից բազուկի շղթաներ և ուզում էր ինձ շղթայել:

- Լավ մարդ,- ասացի ես,- մոտ 20 րոպե ես այստեղ նստած ձեզ եմ սպասում, հիմա դու ուզում ես ինձ շղթայել, որ չփախչե՞մ: Առանց շղթայելու էլ ես կգամ քեզ հետ, ուր որ տանելու ես:

Հանդիսականները հետաքրքրությամբ լսում էին մեր այս խոսակցությունը, որը հետագայում դատավարության ժամանակ ևս պարզաբանվեց: Հանդիսականներից ոմանք, որ կանչված էին դատախազի կողմից, բացատրում էին, որ ես ցանկանում էի ինձ տանեն առանց շղթայի:

Պատմեցին, որ ես 20 րոպե սպասում էի:

Գաղտնի ոստիկանը մերժեց իմ առաջարկը՝ ասելով, որ օրենքը պահանջում է, որ ինձ շղթայեն:

Պաշտոնյան մի քանի անգամ փորձեց, բայց տեսնելով, որ ձեռքերս մինչև իր ուզածի չափ ետ չի գնում, որովհետև ես չէի թողնում, ստիպված եղավ բազուկներս շղթայել՝ դեպի առաջ միացնելով: Սա առաջին սուտն էր, որ ես ասացի ինձ ձերբակալողներին:

Արդեն եկել էին և բարձր պաշտոնյաներն ու բարձրաձայն կարգադրություններ էին անում:


Ես, նայելով շղթայված ձեռքերիս, հիշեցի իմ անմոռանալի հայրիկին, որը միշտ կրկնում էր.

«Տղաքս, ձեզ փող թողի կամ ոչ, նշանակություն չունի ինձ համար: Բայց ես պիտի ձեր բազուկին ոսկի ապարանջան տամ ուսումով, որ երբեք չկորչի»:

Որքան իրավացի էիր դու, սիրելի՜ հայրիկ, իմ անցած կյանքն ապացուցեց: Ափսոս, սիրելիս, որ չես տեսնում այս պողպատե շղթաները, որոնցով հիմա շղթայված եմ, որ համոզվես, որ քո տված ուսումնապարտություն չանցավ: Գիտեմ, հայրիկ ջան, եթե դու ողջ լինեիր, պիտի ունենայիր մի ցանկություն, համբուրել ճակատը քո ամենափոքր որդու ու ասել. «Ապրիս տղաս, շատ ապրի՛ս: Ես ցանկություն ունեի քեզ նվիրել Ամենակարողին: Դու քո կամքով քեզ նվիրեցիր քեզ կյանք տվող ազգին: Ապրի՛ս, Գուրգեն ջան, շա՛տ ապրիս: Հպարտ եմ քեզնով, որ տվածս ուսումնապարտություն չի անցել: Մեր անթիվ զոհերի անթաղ ոսկորները հիմա կհանգստանան: Դու իմ սիրելի՛, ջահակիր որդի՛ս, այստեղ էլ դու մնացել ես նույնը, ինչ էիր քո երիտասարդության ժամանակ: Մի՛ զղջա, տղաս»:

Կարծես ես զգացի մի համբույր իմ դեմքին: Սթափվեցի:






**ՍԱՐԳԻՍ ԴԵՐՉԱԿՅԱՆ (1962-1985)**  
Նահատակվել է Լիբանանում, փետրվար 28-ին:



**ՀՐԱԶ ԹՐԹՈՅԱՆ (1962-1986)**  
Նահատակվել է փետրվարի 11-ին, ԱՄՆ-ում:



**ԽԱՉԱՏՈՒՐ ԽՈՒՐՇՈՒԴՅԱՆ (1966-1987)**  
Նահատակվել է Լիբանանում, փետրվարի 24-ին:  
Կյանքի գնով պաշտպանեց Հայկական ժողովրդային շարժման գրասենյակը օտար պետության հատուկ ծառայությունների աշխատակիցների հարձակումից:



**ԱՐԱՄԱՅԻՍ ՕՂԱՆՅԱՆ (1961-1998)**  
Հայկական ժողովրդային շարժման գործունյա անդամներից էր:  
Նահատակվել է Սիրիայում ավտովթարից:



**«Նորագույն շրջանի հայ ազատագրական պայքար ասելով՝ հարկ է առաջին հերթին նկատի ունենալ Հայաստանի Ազատագրության Հայ Գաղտնի Բանակի գործունեությունը»:**

Ստեփան Պողոսյան, Հայկական հարցի և Հայոց ցեղասպանության պատմություն, Նահատակներ հավերժության, Երևան - 2005, էջ 115



## ՀԱՅՈՑ ԲԱՆԱԿԻ 14-ԱՄՅԱ ՏԱՐԵԴԱՐՁԸ ՋԵՐՄ ԸՆՈՐՀԱՎՈՐԱՆՔ ԱՐԿԱԴԻ ՏԵՐ-ԹԱԴԵՎՈՍՅԱՆԻՑ

Յունվարի 28-ին հայ ժողովուրդը նշեց Յայոց բանակի տարեդարձը: Ամեն հայ գիտակցում է ուժեղ բանակի կարևորությունը և գոհունակությամբ ինքն իրեն շնորհավորում է, որ իր երկիրն ունի քաջ ու նվիրված զինվորներ, ովքեր իրենց պատրաստվածությամբ միշտ կարող են սարի պես կանգնել պատերազմի վտանգի առջև:

Մեր ժողովրդին և, հատկապես, բանակայիններին շնորհավորում է զինվորական կյանքի բովով անցած մեծ հերոս՝ Արկադի Տեր-Թադևոսյանը:

- Ես շնորհավորում եմ աշխարհի բոլոր հայերին այդ նշանակալից օրվա կապակցությամբ: Ուզում եմ առաջին հերթին մեր զինվորներին մաղթել առողջություն, բարի ծառայություն, շուտ վերադառնալ տուն, հասնեն իրենց սրտատրուփ սպասող ծնողներին: Ցանկանում եմ, որ մեր զինվորներին սպասող աղջիկները քաջալերեն ու միշտ ջերմ նամակներ գրեն նրանց, որպեսզի ծառայությունն անցկատ անցնի, ինչպես նաև սպաներին, գեներալներին մաղթում եմ առողջություն, համբերություն և ընտանեկան երջանկություն: Ցանկանում եմ, որ նրանց մեջ ավելի հաճախ արթնանա զինվորների հանդեպ ծնողական վերաբերմունքը, որպեսզի ծնողաբար հոգ տանեն մեր զինվորների մասին: Այդպես հնարավոր կլինի ապահովել ամուր ու միասնական բանակ: Եթե բանակը միշտ պատրաստ լինի պատերազմի, վտանգը շատ քիչ կլինի: Չէ՞ որ ուժեղների վրա չեն հարձակվում: Եթե միշտ լինենք ուժեղ ու պատրաստված, կապրենք ապահով ու երջանիկ՝ չվախենալով պատերազմներից:

Մենք այդ նշանակալից օրվա առիթով միջոցառումներ ու սեմինարներ անցկացրեցինք, որոնք պատրաստել էր մեր երիտասարդական կազմակերպությունը: Ի դեպ, շատ կարևոր է այն փաստը, որ մեր երիտասարդական մասնաճյուղի միջոցով 2006-ին ավելի շատ կլինեն շփումները մեր բանակայինների, ինչպես նաև մեր մյուս երիտասարդների հետ, հետևաբար, հրավիրում ենք ցանկացողներին մեզ հետ համագործակցել:

Եվս մեկ անգամ շնորհավորում եմ՝ մաղթելով մեր զինվորներին ուժ, իսկ ծնողներին՝ մեծ համբերություն:



## ՀՀ ՊՍՏՀԿ (ՂՕՍԱՖ) ԵՐԻՏԱՍԱՐԴԱԿԱՆ ԿԱԶՄԱԿԵՐՊՈՒԹՅՈՒՆ

Մեր երկրում կան բազմաթիվ երիտասարդական կազմակերպություններ, որոնք մեծ հնարավորություններ ու հորիզոններ են բացում նոր սերնդի առջև: Ի նուրբությունն ակտիվ կյանքի սիրահար երիտասարդների, որոնք դեմ չեն ձեռք բերել ֆիզիկական ու մարտական պատրաստվածություն, ՀՀ ՊՍՏՀԿ-ի (Պաշտպանա-մարզատեսնիկական, հասարակական կազմակերպություն) աշխատակազմը Արկադի Տեր-Թադևոսյանի գլխավորությամբ հիմնել է երիտասարդական մասնաճյուղ, որի նախագահ է ընտրվել երիտասարդ տնտեսագետ Դավիթ Դավթյանը: Մինչ կազմակերպության փաստացի ստեղծումը գործում էին առանձին խմբակներ: Դառնալով այս կազմակերպության անդամ՝ երիտասարդները հնարավորություն են ստանում ձեռք բերել մարզական և մարտական պատրաստվածություն, ամրապնդվում է նրանց ռազմահայրենասիրական ոգին, որը մեծ նշանակություն ունի մեր ազգի համար: Անդամագրվող երիտասարդներին առաջին հերթին այստեղ է բերում հետաքրքրասիրությունը, իսկ երբ նրանք հաջողությունների են հասնում, աստիճանաբար այդ պարագաները նրանց համար իմաստ են ձեռք բերում:



Դ. Դավթյանը պատմեց կազմակերպության նպատակների ու առաջիկա ծրագրերի մասին: Գլխավոր նպատակն է մասնակցել ժողովրդական լայն զանգվածների հայրենասիրական ոգու ամրապնդմանը՝ համագործակցելով պետական մարմինների և բոլոր շահագրգիռ կազմակերպությունների հետ: Ինչպես նաև նպաստել երիտասարդների ու պատանիների ռազմատեսնիկական, ֆիզիկական և բարոյական դաստիարակությանը, հայրենիքի

պաշտպանության սուրբ գործին անմնացորդ նվիրվելու և բարոյական բարձր հատկանիշների ձևավորմանը՝ գուցորդելով դրանք ռազմական գիտելիքների գործնական ուսուցման հետ: Կազմակերպությունը համագործակցում է ՀՀ պաշտպանության նախարարության հետ և պետական պատվերով Ազգային բանակի համար պատրաստում է ռազմատեսնիկական մասնագետներ: Հաճախ են կազմակերպվում մրցույթներ ու մրցելույթներ, որոնք նպաստում են Հայաստանում տեսնիկական և ռազմակիրառական մարզաձևերի զարգացմանը: Կազմակերպությունն այսօր արդեն ակտիվ գործունեություն է ծավալում երիտասարդության շրջանում և, մշտապես, նյութապես ու տեսնիկապես կատարելագործվելով, անհրաժեշտ օգնություն է ցույց տալիս ժողովրդական կրթության համակարգին դեռահասների նախնական զինվորական ուսուցման բազայի ստեղծման և կատարելագործման ուղղությամբ: Նորաստեղծ կազմակերպությունը մոտ ապագայում նախատեսում է վերակառուցողական աշխատանքներ անցկացնել շուրջ երկու տասնյակ մարզակառույցներում (մայրաքաղաքում և մարզերում), որոնց անցյալում պատշաճ ուշադրություն չի դարձվել: Դրանց նորոգումն ու վերակառուցումը հնարավորություն կտա տասնյակ հազարավոր երիտասարդներ ընդգրկել մարզումների և մրցումների հորձանուտ:



Յուսանք՝ ՀՀ ՊՍՏՀԿ երիտասարդական կազմակերպությունը կհասնի իր նպատակներին, դաստիարակելու նոր սերունդը՝ որպես ուժեղ, արդար ու հայրենասեր երիտասարդություն:

ԼԻԼԻԹ ՀԱՐՈՒԹՅՈՒՆԱՆ



## ՎԻԿՏՈՐԻԱ

# ՄԱՍՈՒՆՔՆԵՐ ՀԱՅՈՑ ԱՆԿՐԿՆԵԼԻ ԳՐԱԿԱՆՈՒԹՅՈՒՆԻՑ

Երկու-երեք քարընկեց էր մնացել, որ հասնեի Սուրբ Աղբերիկ, երբ իմ առաջ բացվեց լեռնային աշխարհի անկրկնելի մի տեսարան:

Մի խումբ սասունցիներ, ձորի խոր հատակից քարքաշով, դեպի սարի գլուխն էին հանում մի վիթխարի ջրաղացքար: Քարքաշը երկճղանի կոշտ ու կոպիտ մի փայտ էր՝ ուղղահայաց մի ցից կենտրոնում:

Գլխի հաստ կողմում կացնի նեղ բերանով փորված մի անցք կար: Ջրաղացքարը պառկեցրել - հագցրել էին ցցի վրա, փորանցքից մի երկայն շղթա էին անցկացրել, շղթայից՝ հորիզոնական ձողեր: Երկու կողմից երեքական տղամարդ ձեռքերով պինդ բռնած և կրծքերը դեմ տված այդ ձողին, հսկում էին, որ հավասարակշռությունը չխախտվի: Լծել էին նաև յոթ լուծ եզ՝ հոտաղները լուծքերին, և անդունդի թեք քարքարոտ կողերով դեպի վեր էին տանում հսկա քարը՝ ամեն րոպե պատրաստ քարքաշով, ջրաղացքարով և լծկաններով ձորը գլորվելու: Թվով տասնութ - քսան հոգի էին՝ բոլորն էլ դարչնագույն թուխ դեմքերով, բրոյա գդակներով և կռնակներին այծանորթի: Ամենից բարձրահասակը մի հաղթանդամ ծերունի էր՝ ալրոտ հագուստով: Նա ետևից էր գալիս, զգուշորեն հետևելով, որ քարը չպոկվի քարքաշից:

...Ամբողջ գիշերը ջրի գորավոր հոսանքը աչքերիս առաջ ուժգնորեն դարձնում էր ջրաղացի թափանիվը, և ես, այդ պտուտակի մոտ կանգնած, մտածում էի հեղեղից քանդված և վերականգնված ջրաղացի մասին և այն գարնանալի տոկուն ջրաղացպանի մասին, որի անունը Միրո

էր, այն լեռնականների մասին, որոնց կամքը պելի հզոր էր, քան լեռնային ամեհի հեղեղը: Միայն հավատքի ուժը կարող էր անդունդի հատակից վեր բարձրացնել խորտակված այլուրաքարը: Եվ ակամայից ես մեր ժողովրդի բախտը համեմատում էի խութեցի Միրոյի ջրաղացի հետ: Պատմության դաժան հեղեղը մեր ազգի բախտի ջրաղացքարը նետել էր անդունդ: Ո՞վ պետք է վերևից զգաստ աչքով նկատի ահեղ վտանգը և, սարից - սար գոռալով, առաջինը շտապի օգնության: Ո՞վ պիտի այդ տեղահանված քարը անդունդից հանի և վերստին հաստատի իր հիմքի վրա:

Այդ պետք է անենք մենք: Պետք է անեն հավատի ուժը և հավատավոր մարդիկ: Եթե բոլորս ի մի գորվենք և մեր կամքը դարձնենք մի հսկա քարքաշ, անկարելի բան է, որ մեր բախտի քարը հեղեղից պարտված մնա անդունդում:



*Միրելի ընթերցող.*

*Վիկտորիանայի հարցերին առաջինը ճիշտ պատասխանելու դեպքում Ձեզ սպասվում է հաճելի անակնկալ՝ բացառիկ հանդիպում Հայաստանի ազատագրության հայ գաղտնի բանակի /ASALA/ մարտիկների հետ:*

**Ո՞վ է այս պատումի հեղինակը:**

**Ինչպե՞ս է այն կոչվում:**

**Որտե՞ղ և ե՞րբ են տեղի ունեցել գրքում նկարագրված իրադարձությունները:**

## « Հ Ա Յ Ո Ց Ց Ե Ղ Ա Ս Պ Ա Ն Ո Ւ Թ Յ Ո Ւ Ն » Ֆ Ի Լ Մ Ի Պ Ի Ե Մ Ի Ե Ր Ա

Ապրիլի 17-ին, ժամը 10-ին Միացյալ Նահանգների հանրային հեռուստատեսությամբ (PBS) տեղի կունենա փաստագրական ֆիլմի պրեմիերա: «Հայոց ցեղասպանություն» փաստագրական ֆիլմն ամբողջական պատմություն է 20-րդ դարի առաջին ցեղասպանության մասին:

Աննախադեպ և ազդեցիկ մեկժամյա այս ֆիլմը նկարահանել է «Էմմի» մրցանակակիր, պրոդյուսեր Էնդրյու Գոլդբերգը «Թու քեթս փրոդաքշընս» ստուդիայում «Օրեգոն փաբլիկ բրոդքաստինգի» հետ համատեղ: Հարցազրույցներն արված են ոլորտի առաջատար այնպիսի փորձագետների հետ, ինչպիսիք են Պուլիցերյան մրցանակակիր, հեղինակ Սամանտա Փաուերը և «Նյու Յորք թայմսի» բեստսելեր հեղինակ Պիտեր Բալքայանը: Ֆիլմը ներկայացնում է 20-րդ դարի դեպքերի մինչ այդ երբևէ չցուցադրված պատմական կարգեր և դեռևս չպատմված պատմությունների

դերակատարներին: Ֆիլմի տեքստը կարդում է Ջուլիան Մարգուլիսը, ընդգրկված են նաև Էդ Հարիսի, Նատալի Պորտմանի, Օրլանդո Բլումի և այլոց պատմական խոսքերը:



Միացյալ Նահանգներում, Ֆրանսիայում, Գերմանիայում, Բելգիայում, Թուրքիայում և Սիրիայում նկարահանված այս ֆիլմը ներկայացնում է քննարկումներ բուրդ և թուրք քաղաքացիների հետ ժամանակակից Թուրքիայում, որոնք բացահայտ ներ-

կայացնում են իրենց ծնողների և պապերի պատմած պատմությունները: Մինչդեռ այսօր Թուրքիան ժխտում է ցեղասպանության փաստը: Ֆիլմը ներառում է նաև նախկին թուրք դիվանագետ Գունդուզ Աքթանի վկայությունը Մ. Նահանգների օրենսդիրների առջև, որտեղ նա բացատրում է պաշտոնական Թուրքիայի դիրքորոշումն այս հարցի կապակցությամբ: «Թուրք ժողովուրդն իսկապես հավատում է, որ այն, ինչ պատահել է հայ ժողովրդին, ցեղասպանություն չէր», - ասում է Աքթանը:

Ըստ ֆիլմի ռեժիսոր Գոլդբերգի՝ «Քանի որ Թուրքիան ցանկանում է միանալ Եվրոպական միությանը, 90 տարի անց այս ֆիլմը կարող է մարդկանց ավելի լավ պատկերացում տալ, թե ինչո՞ւ այս հարցն այդքան կարևոր է»:

**ԱՂԱՎՆԻ ՀԱՐՈՒԹՅՈՒՆՅԱՆ**



# ՀԱՅԱՍՏԱՆԸ ԵՎ ԹՈՒՐԹԻԱՆ ԱՌԱՋԻԿԱ ԿՈՆՏԵՐԱՆՍՈՒՄ՝

L. Ք. ՏՐՈՑԿԻ (իրական ազգանունը ԲՐՈՆՇՏԵՅՆ, հրապարակվել է Ա. ՍԿԱՉԿՈՎ կեղծանունով)

Արևելյան չորս պետությունների **Սովետական Ռուսաստանի, Ադրբեջանի** և իմպերիալիզմի դեմ կռվող **Թուրքիայի** առաջիկա կոնֆերանսը բացառիկ կարևոր նշանակություն ունեցող իրադարձություն է<sup>2</sup>: Այն շրջադարձային կետ պիտի հանդիսանա Համաշխարհային Հեղափոխության պատմության մեջ: Այդ կոնֆերանսում պետք է կատարվի երկուսից մեկը. կամ արևելյան պետությունները իրար հետ պետք է կապ հաստատեն, և այն ժամանակ իմպերիալիզմի դեմ մղվող պայքարը կստանա չտեսնված ուժ ու ծավալ, կամ, փոխադարձ համաձայնության չգալով և մեկը մյուսից երես դարձնելով, նրանք դրանով իսկ հարված կհասցնեն հեղափոխության զարգացմանը արևելքում: Իսկ հեղափոխության մասնատումը արևելքում առաջ կբերի հեղափոխության հարատև ձգձգում արևմուտքում:

Համաշխարհային սոցիալիստական հեղափոխության հաղթանակն այժմ հավասարապես կախված է ինչպես հեղափոխական պրոլետարիատից, այնպես էլ իմպերիալիզմի կողմից ճնշված արևելյան երկրներից: Այդ իսկ պատճառով անհրաժեշտ է գործադրել բոլոր ջանքերը, որպեսզի կոնֆերանսի մասնակից արևելյան երկրները միահամուռ ճակատով ելույթ ունենան ընդդեմ արևմտաեվրոպական իմպերիալիզմի: Դրա համար անհրաժեշտ է, որ այդ պետությունները իրար նկատմամբ այնպիսի զիջումներ անեն, որոնք ի վիճակի լինեն վերացնելու փոխադարձ դժգոհությունը և անվստահության բոլոր առիթները:

Ինչպիսիս պետք է լինեն այդ զիջումները, և ով պիտի իր վրա վերցնի զիջումների նախաձեռնությունը՝ արևելքում բարեկամական հարաբերություններ ստեղծելու համար: Այստեղ չպետք է աչքաթող անել այն հանգամանքը, որ կոնֆերանսում հանդիպում կունենան **երեք սոցիալիստական<sup>3</sup> և մեկ բուրժուա-նացիոնալիստական** պետություններ: Կհանդիպեն երկու աշխարհայացքներ և այդ աշխարհայացքների տևությունից կբխի, թե ինչ զիջումներ պետք է արվեն: Եվ այդ զիջումներն ուն համար կլինեն կարևոր: Այն ժամանակ, երբ ազգայնա-պետական շահերը հետապնդող Անկարայի կառավարության համար չափազանց կարևոր նշանակություն ունի թուրքական տերիտորիայի պահպանման և **գուցե նաև նորերի վերցման<sup>4</sup>** հարցը, որոնք Սոցիալիստական պետությունների համար ոչ տերիտորիայի և ոչ էլ ազգային միասնության համար կարևոր դեր չեն խաղում: Առաջիկա կոնֆերանսում սոցիալիստական պետությունները, իհարկե, կդեկլարվեն ընկեր 4. Լենինի կողմից ազգային-զաղութային հարցերի մասին առաջ քաշած սկզբունքով, որն ասում է.

«Պրոլետարական ինտերնացիոնալիզմը պահանջում է.

*Առաջին` մեր երկրում պրոլետարական պայքարի շահերը ենթարկել համաշխարհային մասշտաբով նույն պայքարի շահերին:*

*Երկրորդ` պահանջում է, որպեսզի բուրժուազիայի դեմ հաղթանակ տարած ազգային մեծագույն զոհաբերությունների ընդունակություն և պատրաստակամություն ցուցաբերի հանուն միջազգային իմպերիալիզմի տապալմանը»:*

Ներկայացված հոդվածը կարևոր է իր արդիականությամբ, երբ կրկին հայության առաջ դրվում է փոխզիջումների, ըստ էության, **զիջումների** խնդիրը: Այն-հայտ է, սակայն, որ հայությունը զիջումների ու նահանջի տեղ չունի այլևս, և որ Արցախյան հիմնախնդրի կարգավորումը ենթադրում է նախ և առաջ 1921թ. մարտի 16-ի Ռուս-թուրքական դաշնագրով Հայաստանին պարտադրված դրույթների վերանայում - խմբ.:

Համաշխարհային մասշտաբով պրոլետարական պայքարի շահերը պահանջում են իմպերիալիզմի լծից ազատագրել միջազգային կապիտալիզմը սնող զաղութային և կիսազաղութային երկրներին: Հենց դրանով իսկ այդ պայքարի շահերը պահանջում են ամեն կերպ պաշտպանել Թուրքիան, որն առայժմ ԱՆՏԱՆՏԱ-ի իմպերիալիստական պետությունների դեմ ակտիվ պայքարող արևելքի միակ կիսազաղութային երկիրն է: Այդ պայքարում Թուրքիային օժանդակելու համար պայմանավորվող երկրները **պետք է բավարարեն** նրա ազգային պետական պահանջները: Անկարայի ազգային բուրժուական պետությունը չի ցանկացել և այժմ էլ չի ցանկանում հաղթահարել իր նացիոնալիզմը: Սակայն **սոցիալիստական պետությունները<sup>5</sup>**, այնուամենայնիվ, **պետք է** հաղթահարեն իրենց նացիոնալիզմը և համաշխարհային հեղափոխության շահերի համար **զոհաբերեն ոչ միայն իրենց տերիտորիաները, այլև նույնիսկ իրենց ցեղակիցների խմբերին:** Եթե մենք հավատ

ունենանք պրոլետարական հեղափոխության նկատմամբ, ապա պետք է հասկանանք, որ այդ բոլոր զոհաբերությունները միայն ժամանակավոր են: Համաշխարհային հեղափոխության հաղթանակից հետո նրանք ամբողջովին չեղյալ կհամարվեն: **Եթե նույնիսկ Անկարայի պետությանը կասկածենք** համաշխարհային իմպերիալիզմին հարելու մեջ, **որ նա ցանկություն ունի իր իշխանության տակ պահելու հայկական բնակչության տերիտորիաները** և նույնիսկ **ցանկանում է գրավել Կովկասը**, ապա այդ դեպքում էլ **հարկ չկա վախենալու Թուրքիայից**, քանի որ նրա իմպերիալիստական մտադրությունները, եթե իրոք գոյություն ունեն, ապարդյուն կլինեն հենց այն պատճառով, որ Եվրոպայում պրոլետարական

հեղափոխության հաղթանակի դեպքում անխուսափելի կլինի կոմունիզմի հաղթանակը նաև Թուրքիայում, **որը չունի իր սեփական արդյունաբերությունը և չի էլ կարող եվրոպայից անկախ գոյություն ունենալ:** Սոցիալիստական պետությունները, հավատալով պրոլետարական հեղափոխության անխուսափելիությանը, պետք է հանուն այդ հեղափոխության հաղթանակի **զիջումներ** անեն նացիոնալիստական պետություններին՝ հիշելով որ այդ **զոհաբերությունները** միայն ժամանակավոր բնույթ են կրում: **Եթե 1920-ին Ռուսաստանը կարող էր զոհաբերել Ուկրաինան<sup>6</sup>**, այսինքն՝ ըստ էության ինքն իրեն, հանուն նոր բուցավառվող կոմունիզմի օջախի փրկության, ապա այժմ արևելքում հեղափոխության զարգացման շահերի համար սոցիալիստական պետությունները պետք է որոշ զիջումներ անեն Թուրքիային, որն արևելյան երկրներում իմպերիալիզմի դեմ պայքարի օջախ է: **Այս բոլոր նկատառումները վերաբերում են Հայաստանին**, քանի որ ոչ Ռուսաստանը և ոչ էլ Ադրբեջանը Թուրքիայի հետ **վիճելի հարցեր** չունեն: **Կոնֆերանսում գլխավոր հարցը Հայկական հարցն է**, այսինքն՝ այն, որ Թուրքիայի և Հայաստանի միջև վերացվեն բոլոր **թյուրիմացությունները** և **հաստատվեն բարեկամական հարաբերություններ<sup>7</sup>:** Հայաստանն անպայմանորեն **պետք է դեկլարվի ազգային մեծագույն զոհաբերությունների** վերաբերյալ **լեզինյան սկզբունքով:** **Նա պետք է հրաժարվի** ոչ միայն ծովից ծով Հայաստանի մասին դաշնակցական իմպերիալիստական մտադրություններից, այլև **նույնիսկ հայկական անվանվող հողերը**



**միացնելու համեստ ցանկությունից<sup>8</sup>:**

Այսպես՝ Հայաստանը պետք է հրաժարվի Վանի ու Բաղեշի (Բիթլիսի) վիլայեթները վերադարձնելու պահանջից, քանի որ ներկա պայմաններում այդ պահանջները պետք է համարել անհիմն: Գիշտ է, այդ վիլայեթներում հայկական բնակչությունը կազմել է 40%, իսկ որոշ սանջակներում նույնիսկ բացարձակ մեծամասնություն: Գիշտ է և այն, որ պատերազմի ժամանակ հայկական բնակչությունը էնվերի կառավարության կողմից ենթարկվել է բռնության, արտորվել է, կոտորվել է, ջնջվել, իսկ մի մասն էլ ցրվել է ամբողջ Փոքր Ասիայում, Կովկասում, սակայն Գիշտ է նաև այն, որ այդ տերիտորիաներում հայկական բնակչության թիվը այժմ կազմում է 5-10%, ըստ 1919թ. Հարբորդի ամերիկյան հանձնաժողովի տվյալների:

Հանձնաժողովը ոչ մի հավակնություն չուներ պակասեցնելու հայկական բնակչության թիվը: Բացի դրանից, Վանի և Բիթլիսի **իսկական տերերը** (ըստ ռեալ ուժի) **ոչ թե թուրքերն են, այլ քրդերը<sup>9</sup>**, որոնք ոչ մի կերպ չեն համաձայնվի Հայաստանին հանձնելու **իրենց հողերը**: Երբ **թուրքական արտակարգ դեսպանության ներկայացուցիչը Մոսկվայից<sup>10</sup>** վերադառնալուց հետո Անկարայի ազգային ժողովին զեկուցեց, թե Ռուսաստանը հաշտության պայման է դնում Վանի ու Բիթլիսի զիջումը Հայաստանին, քուրդ դեսպանները տեղերից գոռացին՝ «չհանձնել, թող հայերը փորձեն գալ ու վերցնել»: Ուժերի լրջմիտ հաշվառման դեպքում հայերը պետք է հասկանան, որ իրենք ուժեր չունեն այդ վիլայեթները վերցնելու համար: Հայերը կարող են այդ վիլայեթները գրավել միայն Ռուսաստանի օգնությամբ, սակայն, դրա հետ միասին, նրանք պետք է հասկանան, որ Կարմիր բանակը տվյալ պայմաններում նրանց համար չի գրավի Վանը և Բիթլիսը: Հայաստանի շահերի համար Կարմիր բանակի մտնելը **Թուրքիա՝ կնշանակեր թուրք ժողովրդին և ամբողջ արևելքին ապացուցել, որ Սովետական Ռուսաստանը շարունակելու է ցարական Ռուսաստանի քաղաքականությունը, որ ռուսական կոմունիզմը դա ռուսական քողարկված իմպերիալիզմ է**: Պայքար սկսել **Թուրքիայի դեմ, նշանակում է տապալել հեղափոխությունը և անգլիական իմպերիալիզմի դեմ պայքարը ամբողջ արևելքում**: Պարզ է, որ Սովետական Ռուսաստանը երբեք այդ քայլը չի կատարի, նույնիսկ եթե Հայաստանում Վանից և Բիթլիսից խառնված փախստականները ենթարկվեն անտանելի գրկանքների: Եթե **Թուրքիայում մնացած հայությունը կառավարության կողմից այժմ հետապնդվի ու ճնշվի, միևնույնն է, Հայաստանին, մի որոշ ժամանակ, ոչինչ չի մնում անել, քան հաշտվել ստեղծված դրության հետ և հանուն համաշխարհային հեղափոխության շահերի զոհաբերել, թե՛ իր նախկին տերիտորիաները և թե՛ Թուրքիայում մնացած սեփական ժողովրդի մի մասը**:

**Հայաստանը պետք է հրաժարվի ոչ միայն այդ տերիտորիաներից, այլ նաև այն տերիտորիաներից, որոնք այժմ գտնվում են անկախ Հայաստանի կազմի մեջ<sup>11</sup>:**

Հայկական **Կարսի և Արդահանի մարզերը չպետք է կռվախնձոր դառնան Հայաստանի և Թուրքիայի միջև<sup>12</sup>**: Հայկական կառավարության կողմից այդ տերիտորիաների վերագրավումը պետք է դիտել որպես իմպերիալիստական ակտ, քանի որ այդ տերիտորիաների 67%-ը մահմեդականներ են, այդ իսկ պատճառով Հայաստանը ոչ մի իրավունք չունի ազգային ինքնորոշման սկզբունքով այդ տերիտորիաների նկատմամբ պահանջ<sup>13</sup> ներկայացնելու:

Արցախյան հիմնախնդրի կարգավորումը չի ենթադրում միայն գոյություն ունեցող հայ - ադրբեջանական խնդիրների կարգավորում: 1920-ական թթ. հայությանը պարտադրվեցին այնպիսի «փոխզիջումներ», որոնք Հայկական հարցը վերածեցին մի ավելի բարդ թնջուկի, որի լուծումը հարցի համապարփակ վերանայումն է, այդ թվում Կարսի և Լոզանի դաշնագրերի «ժառանգությունը» հաղթահարելու ճանապարհով: Տես՝ նաև ծանոթագրություն 14, 15 - խմբ.:

Իհարկե, կարելի է ասել, որ Կարսով և Արդահանով շահագրգռված է ոչ միայն Հայաստանը, այլև Ռուսաստանը, քանի որ այդ վայրերը Կովկասում պլացդարմ են ու մատուցներ: **«Ով տիրում է Կարսին, նա տիրում է Կովկասին»**: Սովետական Ռուսաստանը միջազգային հարցերը չի դիտում իր պետական շահերի տեսակետով, նա հավատ ունի համաշխարհային հեղափոխության հաղթանակի նկատմամբ և գիտի, որ այդ հաղթանակից հետո բոլոր պլացդարմներն ու մատուցները կորցնում են իրենց նշանակությունը: Հենց այդ պատճառով **Ռուսաստանը ընդունելի կհամարի Կարսի և Արդահանի զիջումը<sup>14</sup>** և նրանց **ժամանակավոր թողնումը Թուրքիայի իշխանության ներքո<sup>15</sup>** մինչև այն ժամանակ, երբ համաշխարհային հեղափոխությունը ամեն ինչ կարգի բերի:

Եթե աշխատավոր Ռուսաստանը և Հայաստանը հանուն արևելքում հեղափոխության զարգացմանը կարող են հայտնի զիջումներ անել **Թուրքիային, ապա Անկարայի կառավարությունը պետք է հասկանա, որ ժամանակակից Սովետական Հայաստանը դաշնակցական Հայաստան չէ, որ հայ կոմունիստների և դաշնակցականների միջև որևէ հաջորդականություն չկա, և որ անմտություն է նրա կողմից Սովետական Հայաստանի նկատմամբ ցուցաբերել թշնամական վերաբերմունք, ինչպես այդ եղել է դաշնակցականների<sup>16</sup>** ժամանակ: Անկարայի կառավարությունը հայ կոմունիստներից չպետք է պահանջի կատարելու դաշնակցականների հետ կնքված պայմանագրերը: Անկարայի կառավարությունը պետք է հասկանա, որ հեղափոխական Թուրքիայի թշնամին դաշնակցական Հայաստանը, մահացած է, եթե նա փորձի հարություն առնել, ապա դաժան կերպով կջախջախվի ինչպես Հայ ժողովրդի, այնպես էլ նրան պաշտպանող Սովետական Ռուսաստանի կողմից: Այդ իսկ պատճառով կարիք չկա վախենալու դաշնակցականների հարություն առնելուց, այլ կարելի է համարձակ կերպով հավատալ կոմունիստների կողմից ղեկավարվող Հայ ժողովրդի բարեկամական հարաբերություններին և չպահանջել նրանցից ոչ մի **ստորացուցիչ երաշխավորումներ, ինչպիսին է զինաթափումը<sup>17</sup>** և այլն:

Անկարայի կառավարությունը քաջ գիտե, որ **հայ-թուրքական թշնամությունը մեծ տերությունների քաղաքական արդյունքն է<sup>18</sup>: Չկա ցարական Ռուսաստանը<sup>19</sup>**: Այժմ, երբ չկա ցարական Ռուսաստանը և Հայաստանը ազատվել է ԱՆՏԱՆՏ-ի ազդեցությունից, հայության **թշնամության պատճառները վերանում են** և ոչ մի հիմք չկա նոր շարունակության:

Ազդեցիկ հրապարակախոս Մ. Պավլովիչ Որոնտյովը իր վերջերս լույս տեսած «Ազգային և գաղութային» գրքում գրել է. **«Հայաստանում սովետական կարգերի հաստատումը մի քայլ է<sup>20</sup> Կովկասի, Վրաստանի, Հայաստանի և Անատոլիական Թուրքիայի<sup>21</sup> ֆեդերացիայի ստեղծման համար, ֆեդերացիա, որի կորիզը կլինի և որի շուրջը կհամախմբվեն արևելքի մյուս պետությունները**:

Անկարայի կառավարությունը պիտի հասկանա, որ Հայաստանի սովետականացումից արդեն **հնարավորություն է ստեղծվում ոչ թե նրա դեմ պայքարելու<sup>22</sup>, այլ նրա հետ համախմբվելու** իմպերիալիզմի դեմ ընդհանուր պայքարի համար: Եթե մի կողմից Անկարայի կառավարությունը հասկանա դա և կարողանա բարձր կանգնել կույր և տարրերային ազգային ատելությունից, իսկ մյուս կողմից **Հայաստանը հետևի Լենինի ազգային զոհաբերության մասին**



**պատգամին**, ապա այդ ժամանակ կարելի կլինի համոզվածությամբ պնդել, որ առաջիկա կոնֆերանսը վերջ կտա բոլոր **թյուրիմացություններին, անվատահարություններին** ու մասնակից պետություններին կմիավորի անխախտելի բարեկամության ամուր շղթայով: Ահա այդ ժամանակ արևելքում հեղափոխության համար կբացվի իմպերիալիզմի դեմ հաղթանակի փայլուն դարաշրջան:

**Ա. ՍԿԱՉԿՈՎ**

**Ծանոթագրություն**

1. Նկատի ունի 1921թ. փետրվարի 26 - մարտի 16-ի Մոսկովյան Ռուս-թուրքական կոնֆերանսը, որը սույն հոդվածը հրապարակելու պահին արդեն ընթացքի մեջ էր, և Հայաստանի ու հայությանն առնչվող բոլոր հարցերի շուրջ պայմանավորվող կողմերը՝ Թուրքիան և ՌՍՖՍՌ-ը արդեն իսկ եկել էին վերջնական համաձայնության, որն էլ մարտի 16-ին ամրագրվեց՝ որպես 1921թ. մարտի 16-ի Ռուս-թուրքական եղբայրության և բարեկամության պայմանագիր:

2. Հոդվածը գրված է եղել ամիսներ առաջ, այդ իսկ պատճառով թվարկման մեջ չորրորդ պետության անունը բացակայում է: Չորրորդ պետությունը Սովետական Հայաստանն էր, որը 1921թ. փետրվարի 18-ից մինչև մայիսի վերջ (ըստ՝ ավելի քան խիստ գաղտնիության պատճառով, դեռևս չճշտված տեղեկությունների) հենց Ալեքսանդր Մյասնիկյանի նախաձեռնությամբ, իրերի դրությունը փրկելու, վերահաս Մեծ Աղետից խուսափելու նպատակով, իրագործված հակահեղափոխության արդյունքում այլևս սովետական չէր:

3. Երրորդ պետություն ասելով, հեղինակը նկատի ունի Սովետական Հայաստանը, որի մասնակցությունը կոնֆերանսին՝ Թուրքիայի պահանջով, ՄեՐԺՎԵՑ դեռ հունվարի վերջին, ի դեպ, 1920-ի աշնանը մերժել էր նաև կոնֆերանսը նախապատրաստող ՌՍՖՍՌ-ի Թուրքիա բանակցություններին Հայաստանի Հանրապետության մասնակցությունը, չնայած նրան, որ բանակցության հիմնական թեման վերաբերում էր Հայաստանին ու հայությանը:

4. Նկատի ունի Կարսի, Արդահանի, Սուրմալուի, նաև Նախիջևանի ու Ջանգեզուրի տարածքները: Նախիջևանը Ջանգեզուրի հետ միասին Գարեգին Նժդեհի և Ջանգեզուրի բնակչության ջանքերով փրկվեց Թուրքիային բռնակցվելու վտանգից, սակայն, ինչպես հայտնի է, չփրկվեց Հայաստանից բռնանշատվելու և, ըստ թուրքական կողմի առաջարկի նոր տարբերակի, Ադրբեջանին բռնակցվելու ճակատազրից:

5. Նկատի ունի միայն Հայաստանին ու հայությանը, քանզի՝ ինչպես նախատեսված էր կոնֆերանսից դեռ 1-2 տարի առաջ՝ նախապարաստական քննարկումների ժամանակ և դրանց արդյունքը ամրագրող «1921թ. մարտի 16-ի Ռուս-թուրքական» կոչվող (ներկայումս գործող) պայմանագրով միակ երկիրն ու ժողովուրդը, որը տվյալ գործարքով դրվեց համաշխարհային հեղափոխության ՁՈՂՄՍԵՂՎՆԻՆ, դա Հայաստանն է ու հայ ժողովուրդը, քանզի հենց միայն Հայաստանն էր ու հայությունը, որ այդ գործարքի արդյունքում «**զոհաբերեց ոչ միայն իր տերիտորիաները, այլև նույնիսկ իր ցեղակիցների խմբերին**»: Ի դեպ, այդ պայմանագիրը Գորբաչովի կողմից 1991թ. մարտի 12-ին երկարած գրվեց և 20 տարով՝ մինչև 2011թ.:

6. Ինչպես տեսանք, նույն ձեռագրով, Ռուսաստանը վերջերս կրկին «զոհաբերեց» Ուկրաինային: Կարծում ենք՝ կարիք չկա բացատրել, թե հիմա հանուն ինչ ապագայի է Ուկրաինան բաղաբերվում:

7. «Թուրքիայի և Հայաստանի միջև վերացվեց բոլոր **թյուրիմացությունները և հաստատվեց բարեկամական հարաբերություններ**». կատարյալ ցինիզմի այս խնդիրն, ի դեպ, մեր օրերում, հիմա էլ, որպես Եվրամիության քաղաքականություն, կրկին կյանքի է կոչվել. սկսել էին իրագործել ԽՍՀՄ-ի ինքնափլուզման «Պերեստոյկայի» դեռ առաջին օրերից, զորօրինակ՝ Վարդգես Պետրոսյանի «13 դատարկ աթոռներ» կամ «Կրակե շապիկ» վերտառությամբ

գիրքը, որը Կրեմլի պատվերով գրվեց 1986-ին: Հիշենք նաև 1990-ից իշխանության եկած ՀՀԿ-ի արտաքին քաղաքական գաղափարախոսությունն առ այն, որ մեր ՀԱՅԻ ու ԼիտեՆԼՈՒԹՅԱՆ ճանապարհը, ոչ այլ ոք, քան բարեկամ Թուրքիան է, որն այլևս այն չէ, ինչ էր 1915-23թթ.:

8. Հեղինակը նկատի ունի միջազգային քաղաքականությունում մոտ հարյուր տարի արծարծվող «Հայկական Հարց» վերտառությամբ Արևմտյան Հայաստանի ու արևմտահայության խնդիրները:

9. Ձուգահեռներ տանենք Եվրոամերիկյան ներկայիս քաղաքականության հետ, ըստ որի, խնդիր է դրվել առաջիկայում, երբ Իրանի հյուսիսային մասը կանջատվի, զուգահեռաբար կանջատվի նաև Իրաքի հյուսիսային մասը, որի նախապատրաստական աշխատանքներն արդեն իսկ ավարտված են, ու կստեղծվի Քուրդիստան կոչվող երկիր՝ իր մեջ ներառելով Արևմտյան Հայաստանի արևելյան մասը:

10. Նկատի ունի 1919-ի բանակցությունները:

11. Ինչպես ժամանակին՝ 1918-20թթ., անկախ, իսկ 1920 դեկտեմբերից մինչև 1921թ. հուլիսի սկիզբը, ըստ Սովետական Ադրբեջանի վկայության, Հայաստանի անբաժանելի մաս կազմող Արցախի ազատագրումը, անգամ ՀՀ-ին չմիացած Ազատ և Անկախ լինելը, պարզվեց, որ այսօր էլ կրկին տրամագծորեն հակառակ է ու կրկին և լրջորեն խանգարում է միջազգային նույն ծրագրին՝ դրա նորովի իրագործմանը:

12. Ուշադրություն դարձնենք նրան, որ հենց «1921թ. մարտի 16-ի Ռուս-թուրքական» պայմանագրով էր, որ հայկական այդ մարզերը տրվեցին Թուրքիային, իսկ այն օրինական ՌԺժ ստացավ 1921թ. հոկտեմբերի 13-ին ՀԽՍՀ-ի նույն Կարսի պայմանագիրը ստիպողաբար կնքելուց հետո միայն: Միջազգային պրակտիկայում աղաղակող այս տարբերակից հրաժարվելու համար էր, որ Եվրամիության հարկադրանքով ՀՀ Սահմանադրության փոփոխությունների 2001-2005թթ. բոլոր տարբերակներում՝ հոդված 6-ով, Հայաստանի Հանրապետության ՀԱՄԱՐ միջազգային պայմանագիր կարող են առանց ՀՀ-ի մասնակցության կնքել ցանկացած երկու և ավելի երկրներ, որն ուժի մեջ կմտնի ՀՀ նախագահի հաստատումից կամ ՀՀ Ազգային ժողովի վավերացումից հետո:

13. Հեղինակը նկատի ունի ՀՀ վտարանդի կառավարությունը, որը, համաձայն 1920թ. նոյեմբերի 29-ին ՀՀ-ի և ՌՍՖՍՌ-ի միջև կնքած պայմանագրի, լքել էր Հայաստանը և մինչև 1922-ի աշունը գտնվում էր Պարսկաստանում: Թուրքիան, նաև բոլշևիկյան Ռուսաստանը անհամաձայնություն էին նրանից, որ վտարանդի կառավարությանը կարող էր հաջողվել ազատագրել Արևմտյան Հայաստանը՝ առաջնահերթորեն Կարսն ու Արդահանը, քանզի նրանք տեղյակ էին, որ հայությունը՝ Արևմտյան Հայաստանը ազատագրելու խնդրով, փորձում էր հենց Պարսկաստանում վերամիավորել իր գինյալ ուժերը: Ի դեպ, խնդիրն այդ տարվեց ՌՍՖՍՌ-ի ջանքերով, քանզի 1921-ին՝ Ռուս-թուրքական պայմանագիրը Թուրքիայի կողմից վավերացնելուց 6 օր հետո, նույնպիսի դիմեց Պարսկաստանին հայկական ուժերը այնտեղից դուրս հանելու հարցով: Այնուհետև մինչև 1922թ. դեկտեմբեր, նույնների հեղեղ տեղաց, և միայն համաձայն 1921թ. փետրվարի 26-ի Ռուս-պարսկական պայմանագրի 5-րդ կետի, Պարսկաստան գորբեր մտցնելու ՌՍՖՍՌ-ի նույնիսկ հետո, Պարսկաստանը խնդրեց հայերին հեռանալ երկրից (պատմաքաղաքական մանրամասները տես՝ Սիմոն Շահափոյանի, «Ժամն է անկախ քաղաքականության ճանապարհով քայլելու» հոդվածում, ՌԻԲԱԹ շաբաթաթերթ, 26 ապրիլի և 3 մայիսի 1991թ., Երևան):

14. Այստեղ ուշադրության է արժանի երկու հանգամանք. առաջին, որ բոլշևիկյան Ռուսաստանն է որոշում Կարսն ու Արդահանը զիջել Թուրքիային, և երկրորդ՝ ՁԻՋՈՒՄՆԵՐ հասկացությունը, որն այսօր՝ շուրջ 11 տարի է հնչեցնում են, թե Եվրաքաղաքական դեկավարությունը և թե ՀՀ իշխանությունները, որպես ազատագրված Արցախի կարգավիճակի լուծման միջոց:

15. Ժամանակի առումով, հայտնի է, որ այն տրված էր 20



տարով, սակայն առ այսօր ժամկետը ԽՍՀՄ-ի կողմից պարբերաբար երկարաձգվել է կրկին 20-ական տարով. չնայած նրան, որ եթե ոչ 1950-ականներին, ապա առնվազն 1991-ին և հենց Գորբաչովին էր քաջ հայտնի, որ համաշխարհային սոցիալիստական հեղափոխությունն այլևս չի հաղթելու:

16. Կարելի է կարծել, թե 1980-90-ականներին, կամ էլ հենց միայն 1918-20թթ., դեռևս 1915-ից ընթացքի մեջ գտնվող հայերի ցեղասպանությունը թուրքիան իրագործում էր հենց միայն դաշնակցության պատճառով ինպե՞րիալիստական Հայաստանի Հանրապետությանը սոցիալիստական դարձնելու համար: Չմոռանանք, որ Քեմալ Աթաթուրքի Նոր թուրքիան շարունակեց Հայերի ցեղասպանության պետական քաղաքականությունը մինչև 1923թ.:

17. Այն ժամանակ զինաթափման հարցն արդեն ավելորդ էր, քանզի նախկին ՀՀ-ն զինաթափված էր համաձայն ՌՍՖՍՐ - ՀՀ պայմանագրի, և 1920թ. նոյեմբերի 29-ից Սովետական Հայաստանը իբր պաշտպանվելու էր Կարմիր բանակի կողմից, որն ինչպես հայտնի է, իր խնդիրն, ըստ էության, այդպես էլ չկատարեց մինչև 1922թ.:

18. Սա հեղինակի միակ ճիշտ պնդումն է, այն էլ սակայն օգտագործում է միայն իր հաջորդ՝ մեծ խաբեություն հանդիսացող սուտ պնդումը իբր հավաստի ու վստահելի դարձնելու համար:

19. Հիմա էլ նույն քաղաքականությունը ասում է. «Չկա Սովետական Միությունը»:

20. Ըստ էության, նույնն է ասում և մեզ փորձում համոզել Եվրամիության և ԱՄՆ-ի քաղաքական ղեկավարությունը, ասել, թե իբր 2006-ին բացառիկ հնարավորություններ են ստեղծվել «Ղարաբաղյան կոնֆլիկտը» լուծելու համար, քանի որ 2006-07թթ. Հայաստանում և Ադրբեյջանում նախագահական և պառլամենտական ընտրություններ չկան: Կարելի է կարծել, թե 1991-ից Հայաստանում և Ադրբեյջանում ամեն տարի ընտրություններ էին, որոնք էլ խանգարում էին «կոնֆլիկտի» եվրակարգավորմանը: ԵՃմատությունը նույնն է Սկաչկով-Տրոցկի ձեռագրով, կրկին նույն որպես պարտադրող՝ գաղափարախոսական-առաջնորդող տարբերակով, ասված է օրեր առաջ «Ռեզնիում» ինտերնետ կայքում դրված Մամեդ Առաքելով կեղծանունով «Անդրկովկասյան ֆեդերացիայի երրորդ փորձը» վերնագրով հոդվածում, ուր բառացիորեն ասված է՝ «Между тем формирования Закавказской или, как принято сейчас говорить, Южнокавказской федерации или конфедерации продолжает литься в воздухе и даже обретать некие зримые очертания. кроме очень медленно, но все же набирающей обороты Южнокавказской парламентской инициативы, в конце 2005 года произошли события, которые некоторые наблюдатели склонны увязывать именно с перспективой создания такого гособразования. Речь идет о состоявшемся 29 ноября 2005 в Армении референдуме по конституционным поправкам, который очень активно лоббировался европейскими структурами.»:

21. Հարկ է լուրջ ուշադրություն դարձնել այստեղ նրան,

որ այն ժամանակ խնդիր չէր դրված այդ անդրֆեդերացիան ստեղծել միայն Հայաստան, Վրաստան և Ադրբեյջան երկրներով: Այն ժամանակ, ինչպես և հիմա, այդ նորաստեղծ երկրում իր կարևոր դերը պետք է ունենար նաև թուրքիան: Մի բան, որն այսօր, շուրջ 14 տարի է ինչ՝ սկսած 1992-ից, այդուհանդերձ աստիճանական համբերությամբ, քայլ առ քայլ կառուցում է Եվրամիությունը. դեռևս բավարարվելով այսպես կոչված «Սևծովյան երկրների համագործակցությունով», ուր խնդիր է դրվել ապագա այդ նորաստեղծ երկրում, որը դեռ 1903-08թթ. աշխարհատիրակալական արևմուտքն անվանում էր «Եվրասիական Միացյալ Նահանգներ», քանզի այն պետք է ներառեր ոչ միայն ամբողջ Կովկասի տարածքը, այլև Բալկանյան թերակղզու երկրների, Քրիթոսի - Մոսուլի և Պարսկաստանի հյուսիսային տարածքներով, Դրիմի և Օդեսայի, նաև Աֆղանստանի տարածքները: Ի դեպ, հիշեցման կարգով նշենք ներկայիս «Սևծովյան համագործակցության» երկրների ցանկը. 1.Ալբանիա, 2.Հայաստան, 3.Ադրբեյջան, 4.Բուլղարիա, 5.Վրաստան, 6.Սուդան, 7.Ռումինիա, 8.Ռուսաստան, 10.Սերբիա և Մոնտենեգրո, 11.Թուրքիա, 12.Ուկրաինա: Կարծում ենք՝ ակնհայտ է, որ 1920-ականների քաղաքականությունը ոչ միայն չի փոխվել, այլև շատ ավելի նեգատիվ զարգացում է ապրել: Պարզ է, անթաքույց է, ուստի և հեշտ է պատկերացնել Կովկասյան ընդհանուր պետություն ասվածը ստեղծելու խնդիրը, որպես նախկին անվանումով Եվրասիական Միացյալ Նահանգներ, ինչպիսի հեռանկարներ է ներառում:

22. Ասել է թե, Թուրքիայի կողմից դեռևս իրագործվող ցեղասպանությունը, ըստ Տրոցկու, ռուսական բուլշևիզմի, դա ընդամենը հայերի դեմ պայքարել է, իսկ Հայաստանը Թուրքիայի, որ Ադրբեյջանի հետ միավորել մեկ ընդհանուր ֆեդերացիայի մեջ, հայությունը, երբ թուրքերը դադարեցնեն ցեղասպանությունը, թուրքերի հետ ձեռք-ձեռքի և մեծ ոգևորությամբ պետք է պայքարի համաշխարհային ինպերիալիզմի դեմ: Հարց է, թե հիմա, այս նոր ֆեդերացիայում, հայությունը թուրքերի, ադրբեյջանցիների ու վրացիների հետ ո՞ւմ դեմ պետք է պայքարի իբր հանուն ժողովրդավարության ու մարդու իրավունքների: Հարց, որի պատասխանը, ի տարբերություն Տրոցկու հողվածի, դեռևս տրված չէ Մամեդ Առաքելով կեղծանվան տակ թաքնված հեղինակի հողվածում:

Հ. Գ. - Տրոցկու սույն հողվածը լույս է տեսել «Ժիզն և ցիոնալնուստեյ» թերթում՝ Ազգային գործերի ժողովրդական կոմիսարիատի պարբերականում, 4 մարտի, 1921թ., Մոսկվա:

### ՊԵՏՔԱՐԱՏՈՒԿԱՐՈՒԹՅԱՆ ԳԱՂՏՆԻ ՀԱՂՈՐԿԱԳՐՈՒԹՅՈՒՆՆԵՐԸ ՀԱՅ ԴԱՏԻ ՀԱՆՁՆԱԽՄԲԻ ՉԵՌՔՈՒՄ

ԱՄՆ պետքարտուղարության դիվանագիտական հաղորդագրությունների մի քանի հարյուր էջ փաստաթղթեր, այդ թվում՝ «գաղտնի» մեկնաբանությամբ, հայտնվել են ՀՅԴ Հայ դատի հանձնախմբի ձեռքում: Հանձնախմբի գործադիր տնօրեն Արամ Համբարյանի խոսքերի մեջբերմամբ, «Ռեզնում» գործակալությունը տեղեկացնում է, որ այդ փաստաթղթերը վերաբերում են Օսմանյան Թուրքիայում Հայերի ցեղասպանությանը, ընդ որում, ըստ այդ թղթերի, 2000-ին Պետդեսպարտամենտն աշխատանք է իրականացրել Հայոց ցեղասպանության բանաձևի ուղղությամբ: Բանաձևը ծրագրվում էր հանձնել Կոնգրեսի Ներկայացուցիչների պալատի քվեարկությանը, սակայն վերջին պահին արդեն էքս նախագահ Բիլ Կլինթոնի ցուցումով փաստաթուղթը հետ է կանչվել պատճառաբանությամբ, թե «կարող է Միացյալ Նահանգների համար ունենալ հնարավոր բացասական հետևանքներ»:

Փաստաթղթերի մի մասը, նույն աղբյուրի համաձայն, վերաբերում է Պետքարտուղարության և Հայ-թուրքական հաշտեցման հանձնաժողովի կապերին: «Փաստաթղթերը վկայում են, որ 2000թ. աշնանը Պետքարտուղարության չինովնիկները գիտեին թուրքական սպառնալիքի անհիմն լինելու մասին: Չնայած դրան, նրանք մոլորության մեջ էին զգել Կոնգրեսին և ամերիկյան հասարակությանը, պնդելով, որ Հայերի ցեղասպանության բանաձևի ընդունումը կարող է լուրջ վնաս հասցնել ամերիկա-թուրքական հարաբերություններին», - հայտարարել է Արամ Համբարձումյանը:



# ԵՎՐԱՄԻՈՒԹՅԱՆԸ ԹՈՒՐԹԻԱՅԻ ԱՆԴԱՄԱԿՑՈՒԹՅԱՆ ՈՐՈՇ ԽՆԴԻՐՆԵՐԻ ՇՈՒՐՋ

Թուրքիան երկար ժամանակ է համառորեն ցանկանում է ինտեգրվել Եվրամիությանը: Վերջապես 2005թ. հոկտեմբերին Լյուքսեմբուրգում ընդունվեց մի որոշում, որով նախատեսվում է բանակցություններ սկսել Թուրքիայի Հանրապետության հետ: Այդ բանակցությունների վերջնարդյունքը, կարծես թե, պետք է լինի Թուրքիայի լիիրավ անդամակցությունը Եվրամիությանը: Սակայն, նախևառաջ, մեծ ուշադրություն պետք է հատկացվի այն հիմնական կետերին, որոնք ընկած են այն փաստաթղթի հիմքում, որին իրենց համաձայնությունն են տվել և՛ Եվրամիությունը, և՛ Թուրքիան: Այս խնդիրներն են՝ կիպրական, քրդական, Հայերի ցեղասպանության հետ կապված խնդիրները, երկրի ներսում ժողովրդավարության, խոսքի ազատության, մարդու իրավունքների ոտնահարման, անչափահաս երեխաների աշխատուժի օգտագործման հետ կապված որոշ խնդիրներ և այլն:

Կիպրական խնդիրն արդեն ավելի քան երեք տասնամյակի պատմություն ունի: Այն սկիզբ է առնում 1974թ., երբ թուրքական զորքերը ներխուժեցին Կիպրոս և զավթեցին կղզու զգալի հատվածը՝ այնտեղ հիմնելով աշխարհի կողմից չճանաչված մի նոր պետական միավորում՝ Հյուսիսային Կիպրոսի Թուրքական Հանրապետություն: Կիպրական կնճռոտ այս խնդիրը Թուրքիայի ամենամեծ գլխացավանքներից մեկն է: Առավել ևս, որ Կիպրոսին աջակցում է Հունաստանը: Այս երկու պետություններն արդեն իսկ Եվրամիության անդամ են և ի դեմս այս երկու պետությունների՝ Թուրքիան արդեն իսկ ունի լուրջ խոչընդոտներ:

Քրդական գործոնն էլ լուրջ խնդիրներ է հարուցում Թուրքիայի առջև: Քրդերն ամենամեծ փոքրամասնությունն են կազմում այստեղ և Թուրքիային խստորեն անհանգստացնում է երբեմն-երբեմն արծարծվող (թեկուզ ոչ ամենաբարձր մակարդակներում և ոչ շատ բարձրաձայն) քրդական անկախ պետության ստեղծման տեսլականը:

Կնճռոտ հարց է Հայոց ցեղասպանության ճանաչման հետ կապված խնդիրը: Գնալով ավելի ու ավելի շատ երկրներ են ընդունում, ճանաչում և դատապարտում Օսմանյան կայսրության կողմից նախորդ դարակազմի իրականացված Հայերի ցեղասպանությունը: Դրանցից ոմանք Եվրամիության անդամներ են՝ Ֆրանսիա, Հունաստան, Բելգիա, Լիտվա, Լեհաստան, Սլովակիա, Ռումինիա, Շվեդիա, Գերմանիա: Քանի որ Թուրքիայի Հանրապետությունը հանդիսանում է ցեղասպանություն իրականացրած Օսմանյան կայսրության իրավահաջորդը, նա պատասխանատու է նաև դրա համար: Նորանոր երկրների կողմից ցեղասպանության ճանաչման և դատապարտման հանգամանքն էլ ավելի բարդ խնդիրներ է առաջացնում Թուրքիայի կառավարության համար: Նրանք փորձում են հակազդել տնտեսական, ռազմավարական և այլ գործոններով՝ շահարկելով այս կամ այն հանգամանքը: Թվում էր ուր որ է Միացյալ Նահանգներն էլ կճանաչի Հայոց ցեղասպանությունը, բայց առայժմ, արհեստականորեն, առաջին պլան են մղվում միջպետական հարաբերություններն ու երկրի շահերը: Կարևոր հանգամանք է նաև թուրք-հայկական դիվանագիտական հարաբերությունների բացակայությունը, պաշտոնապես չարունակվող տն-

տեսական շրջափակումը:

Այս ամենից բացի Թուրքիան լուրջ շտկումների կարիք ունի այլ բնագավառներում ևս: Խոսքը վերաբերում է երկրի ներքին կյանքին: Այստեղ լայնորեն օգտագործվում են անչափահաս երեխաների աշխատուժը, որոնց թիվը, ըստ որոշ մասնագետների, անցնում է մեկ միլիոնից:

Թուրքական բանտերում առկա ծանր վիճակի բարեւավումը ևս բխում է Թուրքիայի շահերից Եվրամիությանն անդամագրվելու ճանապարհին: Կարևոր գործոն է նաև կանանց սոցիալական դերի բարձրացման անհրաժեշտությունը:

Երկրում կա ժողովրդավարության խնդիր ևս: Բնականաբար, ազատ մամուլի բացակայության հանգամանքը ևս մեծ հարված է Թուրքիային այս փորձության ճանապարհին: Միայն վերջին ժամանակահատվածում դատական հայցեր են ներկայացվել ավելի քան քսան լրագրողների նկատմամբ՝ էրթան Աքայ, Ազիզ Օզեր, Օրհան Փամուլը, Հրանտ Դինը և շատ ուրիշներ: Սա լուրջ մտորումների տեղիք է տալիս, քանի որ պարզ է դառնում, որ երկրում ազատ մամուլի գոյության մասին խոսելն իսկ ավելորդ է:



Թուրք ցուցարարների պաստառին գրված է. «Հայկական հարցը միջազգային մի սուտ է»:

Բացի այդ, եթե մի պահ մոռանանք Թուրքիայի եվրոպական մասը և ծովեզրը, Թուրքիան բավականին աղքատ երկիր է: Այդ աղքատությունը հատկապես աչքի է ընկնում երկրի արևելքում, որտեղ ապրում է քուրդ ազգաբնակչությունը: Միաժամանակ, եվրոպական երկրների կառավարությունները հասկանում են, որ անդամակցության դեպքում իրենց երկրները կողողվեն էժան աշխատուժով: Առանց այդ էլ թուրքերը զգալի թիվ են կազմում Եվրոպայում: Նրանց ամենամեծ զանգվածը բնակություն է հաստատել Եվրամիության հսկաներից մեկի՝ Գերմանիայի Դաշնության տարածքում: Տարբեր հաշվարկներով նրանց թիվը այստեղ տատանվում է 3,5-ից 6 միլիոնի սահմաններում: Ընդհանրապես, էմիգրանտների և փախստականների «ջանքերով» տարեկան Գերմանիայից տեղի է ունենում ավելի քան 5 միլիարդ ԱՄՆ դոլարի արտահոսք: Եվ եթե հաշվի առնենք թուրքերի մեծաթիվությունն այստեղ, ապա պարզ կդառնա, թե այդ գումարները հիմնականում, որ երկրներում են «հանգրվանում»: Հետաքրքիրն այն է, որ եվրոպական երկրներից կապիտալի ամենամեծ արտահոսքը հենց Գերմանիայից է:

Գերմանիայի հետ կապված պետք է մի կարևոր հանգամանք ևս հաշվի առնել. այստեղ բնակչություն հաստատած թուրքերի բնական աճը ևս շատ բարձր է գերմանական «չափանիշներից»: Այն առնվազն չորս անգամ գերազանցում է գերմանական ընտանիքներում ծնվող երեխաների միջին թվին:

Պետք է նշել նաև, որ Թուրքիան բնակչության թվով (70 միլիոն) Եվրամիությունում կգիջի միայն ավելի քան 82 միլիոն բնակչություն ունեցող Գերմանիային: Սակայն հաշվի առնելով երկու երկրներում բնակչության աճի տեմպերը, կարելի է ենթադրել, որ սարերի հետևում չէ այն





օրը, երբ թուրքիան իր բնակչության թվով կգերազանցի Գերմանիային (իսկ եթե պայմանականորեն Գերմանիայի բնակչության թվից հանենք մինչև 6 միլիոն գերմանաբնակ թուրքերին...): Բացի էժան աշխատուժից, խնդիրներ կհարուցեն նաև էժան, թող որ ոչ շատ որակյալ ապրանքները: Այսինքն՝ տնտեսական գործոնը, ամենայն հավանականությամբ, այստեղ խաղալու է ոչ վերջին դերը:

Պետք է հաշվի առնել նաև, որ թուրքիայի անդամակցության դեպքում կարող են տատանվել Ֆրանսիայի ու Գերմանիայի այսօրվա ամուր դիրքերն այս միության շրջանակներում: Թուրքիան կարող է դիտվել որպես լուրջ հակառակորդ՝ հաշվի առնելով նաև Միացյալ Նահանգների աջակցությունն ու պատրաստականությունը՝ շատ ու շատ հարցերում զորավիճակում թուրքիային: Եթե հաշվի առնենք նաև այն փաստը, որ Միացյալ Նահանգները

մեծ տեղ է հատկացնում թուրքիային՝ իր հետագա ռազմավարական մտահղացումներն իրագործելու համար, պարզ կդառնա, որ թուրքիան այնքան էլ հարմար անդամ կամ, առավել ևս, «դաշնակից» չէ մեկ միության շրջանակներում երկու հսկաների համար:

Թուրքիայի վերնախավում անդամակցության վերաբերյալ տարածայնություններ կան վճռորոշ խոսքը մշտապես ասող բանակում, քանի որ կա մտավախություն, որ անդամակցության դեպքում ստիպված կլինեն որոշակիորեն նվազեցնել զորքերի քանակը և դերը երկրի քաղաքականության ձևավորման ու իրականացման մեջ: Կա մտավախություն նույնիսկ, որ կարող է արգելվել քրդերի նկատմամբ ժամանակ առ ժամանակ իրականացվող «զապող ուժի» գործադրումը:

**ՀԱՅԿ ՄԱՐՏԻՐՈՍՅԱՆ**

## ԹՈՒՐԹԻԱՆ ԵՎ ԹՈՉՆԻ ԳՐԻՊԸ

Հայտնի ասացվածքն ասում է. «Կարկուտը ծեծած տեղն է ծեծում»: Այս խոսքերն առավել քան տեղին են թուրքիայի, իսկ ավելի ճիշտ՝ տասնամյակներ շարունակ հետամնաց և համարյա թե նախնադարյան կենսակերպ վարող արևելյան հիմնականում քրդաբնակ վիլայեթների դեպքում:

Ի՞նչ կորուստներ կրեց թուրքիան տարեսկզբին գրանցված թռչնի գրիպի համաճարակի տարածման արդյունքում և ի՞նչ հետևանքներ այն կարող է ունենալ ապագայում:

Առաջին հերթին, իհարկե, լրջորեն խաթարվեց թուրքիայի միջազգային հեղինակությունը: Համաշխարհային լրատվամիջոցների ուշադրության կենտրոնում «վարակված» կերպարով ներկայանալը լուրջ հարված էր թուրքական պետության միջազգային հեղինակությանը: Իսկ որ այն ուղղակիորեն ներագրելու է նաև թուրքիայի եվրոպական քաղաքականության, ավելի ճիշտ՝ միացյալ եվրոպայի «թուրքական» քաղաքականության վրա, կասկածի որևէ տեղիք չի թողնում: Թուրքիայի բացասական կերպարը հատուկ կերպով շեշտվեց հենց եվրոպական լրատվամիջոցների կողմից, հընթացս անելով շատ ճիշտ հարցադրում. ինչպե՞ս կարելի է մտնել եվրոպական Միություն՝ նման պայմաններ ունենալով սեփական



երկրում: Այսպիսով, կարող ենք փաստել, որ այս խնդիրը թուրքիայի համար դեռ երկար ժամանակ արարծվելու է:

Թռչնի գրիպի հետևանքները աղետալի են լինելու նաև տնտեսական ու քաղաքական առումներով, որոնք կարող են դրսևորվել ավելի ուժգին կեր, քան 1999թ. օգոստոսյան երկրաշարժից հետո: Սա հասկանալի է, քանզի այս հիվանդության առաջին զոհը դարձավ բնակչության այն չքավոր զանգվածը, որի սննդի հիմնական աղբյուրը հանդիսանում է հենց թռչնամիսը, որը փաստորեն վերացավ նրանց կերակրացանկից՝ այն էլ ձմեռվա կեսին: Ինչպես երկրաշարժի ժամանակ, այս անգամ էլ բնակչության շրջանում բողոքի լայն ալիք տարածվեց իշխանությունների անգործության կամ ավելի ճիշտ կլինի ասել՝ անկարողության դեմ: Սա որակական նոր դրսևորում է թուրքական բնակչության շրջանում, քանզի նախ-

կինում պետության, կամ ինչպես թուրքերն են ասում, «դեվլեթ-բաբա-յի» հեղինակության վերանայումն ու վերաթեքավորումը լուրջ քաղաքական հետևանքներ կարող է ունենալ:

Պետք է նշել նաև, որ եթե ձմեռային պայմաններում հայտնի վարակը կարող է կենսադադարի (անաբիոզ) վիճակում հայտնվել և դրանով հանդերձ մեղմացնել հիվանդության տարածումը, սակայն թուրքական զբոսաշրջիկության վրա հիվանդության և նրա շուրջ ստեղծված քարոզական-տեղեկատվական հոսքերը կաթվածահար կարող են անել թուրքական գանձարանը միլիարդավոր դոլարներ ապահովող տնտեսության այս ոլորտը: Զբոսաշրջիկների հոսքը դեպի թուրքիա կարող է կրճատվել երեք անգամ: Սա կարող է թուրքական տնտեսության նոր ու երկարատև ճգնաժամի պատճառ լինել նույն սցենարով, ինչ՝ 1999-2001թթ.:

Նշենք, որ այս ընթացքում թուրքական կողմը փորձեց իբրև թռչնի գրիպի տարածման աղբյուր մատուցույց անել նաև Հայաստանի Հանրապետությանը, ակնհայտորեն քաղաքական և հեռուն գնացող նպատակներով:

**ՀԱՅԿ ԴԵՄՈՅԱՆ**  
**Պատմական գիտությունների**  
**թեկնածու**

### ԹԵՒՐԱՆԸ ՇԱՀԱԳՐԳՈՎԱԾ Է ԻՐԱՆ - ՀԱՅԱՍՏԱՆ ԳԱԶԱՍՈՒԴԻ ԵՐԿՐՈՐԴ ԾՅՈՒԴԻ ՇԻՆԱՐԱՐՈՒԹՅԱՄԲ

Թեիրանը շահագրգռված է Իրան - Հայաստանի գազամուղի շինարարությունն արագորեն ավարտելու հարցում, ինչպես նաև պաշտպանում է այդ գազամուղի երկրորդ ճյուղի կառուցման նախագիծը, - հայտարարել է Իրանի էկոնոմիկայի և ֆինանսների նախարար Դավուդ Դանեշա Չաֆարին Թեիրանում բացված հայ - իրանական միջկառավարական հանձնախմբի վեցերորդ միտի ընթացքում:

Նախարարն ասել է, որ Իրանը պատրաստ է կատարել տարբեր բնագավառներում Հայաստանի հետ համագործակցության վերաբերյալ ավելի վաղ ստորագրված բոլոր համաձայնագրերը: Չաֆարին նշել է, որ իրանական ընկերությունները կմասնակցեն գազով աշխատող ջերմաէլեկտրակայանի, էլեկտրահարողման գծերի և Հայաստանից Իրան էլեկտրաէներգիայի մատակարարումների համար էլեկտրական ենթակայանի շինարարությանը:



## ԲԱՔՎԻ ՀԵՐՈՍԱԿԱՆ ԻՆՔՆԱՊԱՇՏՊԱՆՈՒԹՅՈՒՆԸ 1905Թ. ՓԵՏՐՎԱՐԻ 6-9-Ը

1905թ. Բաքվի փետրվարյան դեպքերով սկսվեցին հայ-թաթարական ընդհարումներն Այսրկովկասում: Բաքվի անգեճ հայությունը դատապարտված էր կործանման, եթե հայ մարտիկներն արագ չկազմակերպեին Բաքվի հերոսական ինքնապաշտպանությունը:

Հայերի համար թուրքերի հարձակումն անսպասելի էր: Հայկական ուժերը ցրված էին քաղաքին հարող շրջաններում, իսկ զենքի թաքստոցը թուրքական թաղում էր: Այսպիսով, մեծ ջանքեր էին պետք ուժերը կենտրոնացնելու և զենքը տեղափոխելու համար: Ոստիկանությունը փակել էր փողոցները, խոչընդոտում էր մարտիկների անցումը դեպի քաղաք, զինաթափում նրանց: Մեկ ու կես օր սպասելուց հետո, համոզվելով, որ թաթարները մտադիր չեն դադարեցնելու արյունոտ սպանող, հայ մարտիկները որոշեցին բեմ մետվել եղած փոքրաթիվ զենքերով ու փամփուշտներով:

*Նիկոլ Դումանը* (Նիկողայոս Տեր-Հովհաննիսյան) Բալախանիի նավթահանքերից անմիջապես անցավ Բաքու և կազմակերպեց ինքնապաշտպանությունը: Նա մտավորական մարտիկ էր՝ օժտված մեծ վճռականությամբ, կամքի ուժով, բնական խելքով: Դումանը հայ մարտնչող երիտասարդության իղեպալն էր: Այնտեղ էին Մարտիրոս Չարուխչյանը, Մկրտիչ Աղամալյանը, Աբրահամ Գյուլխանդանյանը, Հմայակ Ջանփոլադյանը և ուրիշներ:

Պայքարն անհավասար էր. թաթարներին օգնում էին ռուս կոզակները:

Մելիքյանի լուսանկարչատան սենյակը վերածվեց զինանոցի: Ն. Դումանը կտրուկ ու վճռական հրահանգներ տվեց. «Ովքեր զենք ունեն անմիջապես ելնեն փողոց, դիրքավորվեն փողոցի անկյուններում և խփեն առանց վարանելու ամեն հանդիպած զինված թուրքի, աստիճանաբար պետք է լայնացնել շրջանակը, որպեսզի քաղաքի տարբեր մասերը չկտրվեն իրարից, և մենք կարողանանք անվտանգ անցուդարձ անել»: Թաթարները իրենց ձեռքն էին վերցրել Շենախինկա, Հայոց և Վարանցովկա փողոցները, Պարապետի որոշ մասը մինչև ծովափ, Սև քաղաքի կողմից մինչև Տելեֆոնայա փողոցը: Նրանք գալիս էին դեպի կենտրոն՝ Մալականսկայա և Տորգովայա փողոցները, որպեսզի կտրեն հայկական կենտրոնները իրարից՝ ճանապարհին կոտորելով հանդիպած հայերին: Եթե մի փոքր դանդաղեր հայ խմբերի մուտքը կռվի թատերաբեմ, թաթարները կգրավեին կենտրոնը և Բաքվի հայությունն ամբողջությամբ հրոսակների զոհ կդառնար:

7-8 հոգի հայ մարտիկներ դիմադրեցին թվով 12-15 հոգի զինված թաթարական խմբին, ջարդեցին նրանց, մաքրեցին բոլոր դիմադրական օղակները, լայնացրեցին կենտրոնի շրջագծը, և հայկական թաղամասերի մեծ մասը կապվեցին իրար: Այս մարտական գործողությունը հնարավորություն ստեղծեց հայերին գրեթե անվտանգ անցնել կայարանից մինչև հայոց եկեղեցու հրապարակը՝ Պարապետը, իսկ տներում թաքնվածները կարողացան շարժվել կենտրոն ու միանալ կռվողներին իրենց հետ բերելով նաև իրենց ունեցած զենքերը: Դժբախտաբար, Բաքվի հայությունը մեծամասամբ անգեճ էր:

Մի պահ Ն. Դումանը նկատեց, որ Կոլյուբիակինսկա-

յա փողոցում թաթարները թալանում են հայերի խանութները զորքի անտարբեր ներկայությամբ: Նա անմիջապես դուրս եկավ փողոց, դիրքավորվեց մոտ 150-200 քայլ հեռավորության վրա, չոքեց և սկսեց կրակել թալանչիների վրա, որոնք մեկը մյուսի ետևից վայր ընկան Նիկոլի արծակած դիպուկ գնդակներից: Հայ երիտասարդները այդ տեսարանից առյուծ կտրեցին. նույնպես դուրս եկան փողոց, և մի քանի թուրքեր ամբողջ փողոցը մաքրված էր, և ամենուրեք թափված էին թաթար թալանչիների դիակները: Այդժամ ռուսական զորքը կրակ բացեց կռվող հայերի վրա: Երբ հայերը համոզվեցին, որ թաթարներին օգնում են ռուս զինվորները, նոր տակտիկայի մշակման անհրաժեշտություն առաջացավ: Պարզ էր, որ եղած զենքն արդեն բավարար չէր, իսկ կռվի պատրաստ հայերի թիվը ժամ առ ժամ ավելանում էր: Չորս երիտասարդներ գիշերով աննկատ մտան թուրքական թաղ, որտեղ գտնվում էր Դաշնակցության զենքերի պահեստը և տեղափոխեցին 10-12 հրացաններ, այնուհետև ռուսական բանակի մի քանի հայ զինվորներ անցան հայոց ինքնապաշտպանական ջոկատի շարքերը՝ իրենց հետ բերելով զենք ու փամփուշտներ պետական գորանոցից: Ծովափի և հայոց եկեղեցու միջև, Վելիկոնյաժեսկայա փողոցում գտնվում էր Պետրոսյանի կառավարության կողմից թույլատրված զինախանութը: Անհրաժեշտ էր փողոցը ազատել թաթարներից և վերցնել խանութի զենքերը: Այս առաջադրանքը նույնպես իրագործվեց մի գիշերվա ընթացքում, մի քանի խիզախ մարտիկների կողմից: Հրահանգ էր տրված մարտիկներին, դիմադրել, եթե ոստիկանները փորձեն խուզարկել և խլել իրենց զենքերը: Հայերի այդ պահվածքը վախեցրեց նաև ոստիկաններին, որոնք այլևս չէին համարձակվում զինաթափել հայերին:

Հայկական խմբերը ավելի ազատ էին գործում գիշերը, իրար ճանաչելու համար նշանախոս արծակվեց «կռիվ» բառը, որի շնորհիվ դիրքերի պահապանները տարբերակում էին յուրայիններին:

Երրորդ օրն արդեն հնարավոր դարձավ մտածել թաթարական թաղերում բնակվող անպաշտպան հայերի մասին: Որոշվեց գնալ օգնության. դա նշանակում էր պաշտպանական մարտավարությունից անցնել հարձակողականի: Դումանի գծած շրջագծով հայոց ուժերը սկսեցին հարձակումը: Թուրքերը, տեսնելով մեր մարտիկներին և լսելով նրանց զենքի կրակոցները, սարսափահար փախան: Մոտ 100 հայ դեռ ողջ էր մնացել թաթարական թաղամասերում: Նրանք փրկվեցին և արագ տեղափոխվեցին անվտանգ վայրեր:

Փոքրաթիվ ուժերով հայ մարտիկների մուտքը թատերաբեմ ապշեցուցիչ էր: Հռչակավոր հայրուկապետի դեկավարությամբ կազմակերպված, հմուտ, փորձված հայ ռազմիկների անվրեպ գնդակները մեկ մյուսի ետևից գետնին էին փռում հակառակորդի դիակները:

Ինքնապաշտպանության հաջորդ օրն արդեն հայկական թաղերը մաքրվել էին թուրքական հրոսակներից: Թուրքերը կենտրոնացել էին Ղուբա և Շենախինկա թաղերում: *Ինքնապաշտպանության մեկ օրվա ընթացքում Բաքվի չորս հինգերորդ մասը գտնվում էր հայ պաշտպանների ձեռքին:*

Կռվողներին մեծ օգնություն էին ցուցաբերում ռուս կանայք, հայ կանայք և մանավանդ հայ օրիորդները: Նրանք զնդակների տարափի տակ անցնում էին թշնա-



մու միջով և կարևոր հրահանգներ կատարում՝ տեղափոխում տեղեկություններ, ռազմամթերք, նույնիսկ կռվող ուժեր:

Հայության հակահարվածը պայթող ռումբի ազդեցություն ունեցավ, այն անակնկալ էր թե՛ թաթարների և թե՛ ռուսական իշխանությունների համար:

Ի տարբերություն թալանչի ու բարբարոս թուրքի, որ այդ օրերին կողոպտում էր հայկական խանութները, հրկիզում տները և կոտորում անզեն հայությանը, մեր մարտիկները չափազանց բարձր գտնվեցին և թուրքական խուժանից ազատագրված թաղերում գտնվող թուրքերի խանութներն ու տները մնացին անվնաս: Չորս օրվա ընթացքում հայերը ունեցան 205 սպանված, 121 վիրավոր, իսկ թաթարները՝ 111 սպանված և 128 վիրավոր: Ոչ մի թաթար երեխա կամ կին չէր սպանվել հայ մարտիկների զնդակներից (միայն 2 թաթար կին պատահական զնդակից էին զոհվել): Փոխարենը սպանված հայերի մեծ մասն անզեն ու անպաշտպան կանայք, ծերեր ու երեխաներ էին:

Բաքվի հերոսական ինքնապաշտպանությունը ունեցավ մի շարք հետևանքներ.

Առաջին՝ ապացուցվեց, որ հայերը տիրապետում են մարտավարական փայլուն հմտությունների և կարող են պայքարի ընթացքում ռազմավարական աննախադեպ գիտելիքներ դրսևորել:

Երկրորդ՝ հայության, հատկապես կռվող հատվածի համար, պարզ դարձավ, որ հայոց ազատագրական պայքարի աշխարհագրական շրջանակներն ընդլայնվում են, որ հայն անզան քրիստոնյա Ռուսաստանի հովանու ներքո պետք է միշտ զգոն լինի, պատրաստ՝ զենքով պաշտպանելու ինքն իրեն, իր կյանքն ու պատիվը:

Երրորդ՝ որը թերևս այդ պահի համար ամենակարևորն էր, այն, որ անհրաժեշտ է զինել ու զինական հմտությունների վարժեցնել ողջ հայությանը:

Չնայած Բաքվի դեպքերը անակնկալ էին հայերի համար, այնուամենայնիվ, մեր կողմին հաջողվեց ոչ միայն արժանի հակահարված տալ թշնամուն, այլև, անցնելով հարձակողական մարտավարության, ստիպել հակառակորդին, որպեսզի վերջինս հաշտություն աղերսի մեզանից:

**ԹԱՍԱՐԱ ՎԱՐԴԱՆՅԱՆ**  
**Պատմական գիտությունների թեկնածու**

## ԼՂՀ ՊԱՇՏՊԱՆՈՒԹՅԱՆ ԲԱՆԱԿՆ ԱՎԵԼԻ ՀՈՒՍԱԼԻ ԽԱՂԱՂԱՐԱՐ Է



յացնելով Արցախի բանակում անցյալ տարվա կատարած աշխատանքը, 2005 թվականը Ղարաբաղի բանակի համար համարեց հաջողությունների տարի: Մինևույն ժամանակ նա նշեց, որ ինչպես նախորդ տարիներին, 2005 թվականը ևս լարված տարի է եղել, առանձնապես առաջնային գծում: Այդ լարվածությունը որոշ զորամասերում հակառակորդի կողմից վերածվել է սադրանքների՝ ընդհուպ վերածվելով փոքր մարտական գործողությունների:

Պաշտպանության բանակի մարտիկները բոլոր դեպքերում համարժեք պատասխան են տվել հակառակորդին: Որպես նորարարություն Ս. Օհանյանը մատնանշեց ՊԲ-ում մարտական հերթապահության նախապատրաստումը: Նա իր գոհունակությունը հայտնեց այն փաստի առթիվ, որ ռազմական տեսչության կատարած ստուգումներով՝ զորա-

մասերում մարտական պատրաստականության և այլ առումներով լավ գնահատական է տրվել:

Զգալի աշխատանք է տարվել նաև զինծառայողների սոցիալական ու բնակարանային պայմանների բարելավման ուղղությամբ: Մասնավորապես շուրջ 750 մլն դրամ է հատկացվել զինծառայողների համար բնակարաններ ձեռք բերելու նպատակով: Եվս 300 մլն դրամ հատկացվել է զոհված ազատամար-



տիկների ընտանիքներին բնակարաններով ապահովելուն: Ըստ նախարարի, նշված գումարները ընթացիկ տարում կավելանան՝ կազմելով համապատասխանաբար 1 մլրդ 200 մլն և 600 մլն դրամ:

Ադրբեջանը վերջերս երկու նոր նախարարություններ է ստեղծել՝ ի դեմս ռազմական արդյունաբերության և արտակարգ իրավիճակների

գերատեսչությունների: Ս. Օհանյանը հիշեցրեց, որ Ադրբեջանը միշտ էլ սպառնացել է Ղարաբաղի հիմնախնդիրը նաև ռազմական ուղիով լուծել: Հայկական կողմն այսօր ոչնչով չի զիջում Ադրբեջանին, իսկ թե ի՞նչ համարժեք քայլեր են արվում Ադրբեջանի այդ նախաձեռնությունների դեմ՝ նա զերծ մնաց մեկնաբանելուց՝ պատճառաբանելով դրանց պետական գաղտնիությունը:

Իրանի սահմանների անհանգիստ դառնալու հավանականությանը՝ ատոմային էներգիայի ծրագրի առաջացրած միջազգային աղմուկի առնչությամբ, նախարարն ասաց, որ դա անցանկալի կլինի Ղարաբաղի համար, իսկ այդ դեպքում՝ Ադրբեջանի հետ ռազմական շփման փորձը և բանակի իրական ուժը բավարար են լինելու ԼՂՀ-ի անվտանգության ապահովման համար:

ԵԱՀԿ-ի պարբերաբար դիտարկումները ԼՂՀ պաշտպանության նախարար Սեյրան Օհանյանը դրական գնահատեց ամենից առաջ այն առումով, որ դիտարկումների ընթացքում առաջնագծի տարբեր հատվածներում ստեղծված լարվածությունը թուլանում է:

**ԿԻՍ ՉԱԲՐԻԵԼՅԱՆ**  
**Ստեփանակերտ**



# ՏԵՍԼԱԿԱՆ ՈՒ ԻՐԱԿԱՆ ՀԱՅԱՍՏԱՆԸ

Փարիզի մերձակա Քլամար քաղաք-թաղամասում նա թերևս միակ հայն է, որ մորուք է պահում: Եթե անգամ սափրվում է՝ առիթից առիթ: Երբ հարցնում են պատճառը, ասում է՝ «Ղարաբաղի պատերազմից մնացած սովորություն է»: Ժորժը շարունակում է իր պատերազմը: Յուրովի: Բարձրահասակ է, վճռական, լավատես թվալու չափ ժպտադեմ: Իր ճակատագիրն ինքն է ընտրել ու համոզված է, որ ճիշտ է ապրում: Ուրեմն, երջանիկ է: Ժորժը երջանիկ:

Մորը չի հիշում, չգիտի, երբ են ծնողները բաժանվել, ինչու են իրեն ու քրոջը հոր խնամքին հանձնել: Եթե անգամ գիտեր՝ չասաց: Թեկուզ այն պատճառով, որ իր նկատմամբ կարեկցանք, առավել ևս խղճահարություն չի կարող հանդուրժել: Խորթ մայրն իրեն ու քրոջը չէր ընդունել, հայրը ճարահատ նրանց Բեյրութի հայկական «Ման-սուրիե» որբանոցն էր հանձնել: Հետո, իհարկե, զոջացել, ապաշխարել, գավակներին տուն էր տարել, բայց ժորժը չէր ներել: Ապրել էր փողոցներում, քնել՝ տանիքներում: Հիմա, անցյալը հիշելիս, ժպտում է.

- Շատ շուտով Բեյրութի պատերազմը սկսվեց, ու տան կարիք ընդհանրապես չգզացի: Դեռահաս պատանիներ էինք, բայց գեները ուսերիս պաշտպանում էինք հայկական թաղերը: Բուրոս էլ մեր ժողովրդի հանդեպ պարտքի, պատվախնդրության այնպիսի զգացումով էինք համակված, որ օրերով, շաբաթներով դիրքերից չէինք հեռանում, հազվադեպ, իրար փոխարինելով էինք քնելու գնում:

Պատերազմի ավարտից հետո ժորժը, ինչպես հասակակիցներից շատերը, դրոշում է Բեյրութից Փարիզ մեկնել՝ եկամտաբեր գործ ձեռնարկելու, ինչպես նաև քրոջը եղբայրաբար թիկունք կանգնելու: Նա գրպանում վեց հազար ֆրանկ ուներ, ֆրանսերեն ոչ մի բառ չգիտեր: Հակառակի պես Փարիզ հասնելու օրը հայի չի հանդիպում, արաբներ են պատահում, որոնք խոստանում են օգնել ու նույն գիշերը դրամները գողանում, անհետանում են: Ընկերները Բեյրութից հեռագրով փող են հասցնում, որպեսզի վերադառնա:

- Օղակայանի ճանապարհին, սակայն, ինքս ինձ աստեցի: «Ժորժ,- ասացի,- այս ի՞նչ ես անում: Նոր-նոր կյանք ես մտնում, ինքնուրույն քայլ ձեռնարկում ու առաջին իսկ դժվարությունից ընկճվում, ընկրկո՞ւմ ես»: Մի խոսքով, տոնսս հանձնեցի, հետ եկա Փարիզ:

Այդ օրերից շատ չէ, ընդամենը մի քանի տարի պիտի անցներ, որ նա հյուսվածքեղենի իր արհեստանոցը, ամերիկյան ինքնաշարժը, կահավորված հարկաբաժինն ունենար: Մտածում է, որ ժամանակն է քրոջը Ֆրանսիա տեղափոխել, սկսվում է Ղարաբաղի պատերազմը:

- Ես, իհարկե, ունեի հայ լինելու ոչ միայն զգացումը, այլև ըմբռնումը, մասնակցում էի Փարիզի ապրիլքսանջորսյան քայլերթերին, Թուրքիայի դեսպանատան առջև կազմակերպվող բողոքի ցույցերին, պաստառներ էի գծանկարում ու թափահարում, բայց Հայաստանն ինձ համար տեսլական հայրենիք էր, որի խորհրդանիշների՝ Արարատ լեռան, Սևանա լճի, Անդրանիկ Ջորավարի նկարները փակցրել էի աշխատասենյակիս պատերին: Երբ Ղարաբաղի պատերազմը սկսվեց, Հայաստանը Լի-

բանանի, Ֆրանսիայի նման իրական երկիր դարձավ, երկիր, որը մեր՝ իր գավակների կարիքն ուներ:

Արցախյան ազատամարտի ժամանակ ֆրանսահայերը հանգանակություններ էին կատարում. գինամթերք, հանդերձանք, դեղորայք հայթայթում, օրինակ՝ Սոնթեի ղեկավարած զորամիավորումներին, որոնք կանոնավոր պարբերականությամբ տեղ էր հասցնում Ֆրանսիայի հայ մարտիկներին սատարող ընկերակցության նախագահը՝ Աշոտ Շմավոնյանը: Հերթական անգամ, սակայն, նա Արցախից, ավելի ճիշտ՝ Մարտունու դիրքերից, տրտում է վերադառնում:

- Խրամատները մտնում, ամաչում էի,- ասում է 60-ն անց Աշոտը,- մեր տարած օգնությունն ի՞նչ է, Արցախին զինվոր է պետք, մարտնչող մարտիկ: Հակառակ դեպքում...

Ընկերակցության գրասենյակից ժորժը վերադառնում է տուն ու, ո՛չ, անքուն գիշեր չի անցկացնում, մինչև լույս անկողնում անհանգիստ շուռումուռ չի գալիս: Նախ՝ տանում, ինքնաշարժը պահ է տալիս ընկերոջը: Հետո վերադառնում, հերթով թակում է հարևանների դռները:

- Այսքան տարի դուք ինձ հարազատի պես եք վերաբերվել,- ասում է,- մեկ-մեկ մտք է սենյակները, ինչը որ հավանում եք, վերցրեք: Ես գնում եմ:

- Ո՞ր,- անակնկալի են գալիս հարևանները:

- Եթե վերադառնամ կասեմ, իսկ եթե չվերադառնամ, ինքներդ կիմանաք...

Ինքնաթիռը Երևանի օդանավակայանում վայրէջք է կատարում կեսգիշերին: Ժորժը նստում է պատահած առաջին ինքնաշարժը և խնդրում.

- Ինձ Ղարաբաղ հասցրու:

Վարորդը արգելակվում է նոր գործի գցած շարժիչը.

- Հո՞ ու գիշերվա շառ չես: Ղարաբա-

ղում պատերազմ է...

- Ուրեմն, մոտակա զորանոցը տար...

Վարորդը համառում է.

- Տղա ջան, լավ մտածիր, հլա մի տեսքիդ, շնորհքիդ մայիլ, Փարիզի ինքնաթիռից նոր չիջա՞ր...

- Շուտ արա, առանց այն էլ ուշացել եմ...

Ինքնաշարժը ցուրտ, խավար Երևանում պտտվում, պտտվում, կանգ է առնում առաջին իսկ զորամասի առջև: Հաջորդ առավոտյան նա արդեն Արցախում էր:

Նոր են նկատում, որ ժորժը, որքան խոսակցությունը երկարում, այնքան հաճախակի է ծխում: Ու երբ գլանակը մոտեցնում է շրթունքներին, մատները դողում են: Պատերազմի հուշերի՞ց: Պարզվում է՝ ոչ:

- Եթե ասեմ, որ դրանք իմ կյանքի ամենաերջանիկ օրերն էին, հավատա: Գիտե՞ս՝ Հայրենիքի համար կռվել ի՞նչ է նշանակում:

Դու էլ ինձ հավատա, ընթերցող, ժորժը կարոտով, այո՛, կարոտով էր պատմում անտառային՝ մշտապես խոնավ զինվորական վրանի, մսի պահածոների մասին, որ զցում էին անթեղված կրակի մեջ, տաքացնում, ուտում: Ու քանի որ երկու զինվորին մեկ տուփ էր հասնում, յուրաքանչյուրը դանդաղ էր ուտում, որ ընկերոջն ավելի շատ հասներ: Հետո, վերջապես, դիրքավորվելու իրաման ստացան, ինքն առաջին ճակատամարտին մասնակցեց: Ժորժը պահունակ պահունակի հետևից պարպում ու չէր հանգստանում, որովհետև կրակում էր Արցախը բռնազավթել ձգ-





տողների ու նաև նրանց դեմ, ովքեր Լեռնային Կիլիկիայում սրախողխող էին արել իր նախնիներին, ողջ մնացածներին լլկել, վտարանդի էին դարձրել: Ժորժը կրակում էր Արարատի, Սևանի, Անդրամիկի համար, որոնք այլևս Քլամարի տան պատին փակցված խորհրդանիշներ չէին, իր եռթյունն էին ու իրենից անբաժան էին մնալու: Զերթական ճակատամարտի ժամանակ նա վիրավորվեց, բայց ոչ մեկին չասաց, որ թիկունք չուղարկեն: Վրեժխնդրություն, քինախնդրություն, չէ, չէր զգում, արդարության էր ձգտում:

Աչքերն անսպասելի խոնավանում են:

- Միր Բաշիրի դիրքային փոխհրաձգության պահին, կողքիս զոհվեց ընկերու՛ր՝ բաքվեցի Վալդդը: Ու ես, մինչև հիմա ամոթով եմ հիշում, չհիմացա, հոնգուր-հոնգուր լաց եղա...

Ուրքի կանգնեց, շարտեց կիսավառ ծխախոտը.

- Գիտե՞ս իսկական հայերն ովքեր են: Իսկական հայերն իմ մարտընկերներն են՝ Ջարգանդը, Խուրդոյ Դավիթը, Բաշոկ Աշտը, ովքեր ընդմիշտ այնտեղ՝ Դարաբաղում, մնացին:

Պատերազմի ավարտից հետո ժորժն էլ է ուզում Արցախում հաստատվել. Ունուդլույում մի տուն շատ է հավանում, զնում, բայց ձևակերպման ժամանակ պարզվում է, որ արտասահմանյան քաղաքացի է, մի անսվա թույլություն է ունեցել, մի տարուց ավելի Արցախում է եղել: Ուղարկում են Հայաստան: Հայաստանում, թե դու միջազգային բոլոր չափանիշները խախտել ես՝ պիտի Ֆրանսիա վերադառնաս, ուղեթղթերդ կանոնավորես: Հրամանատարները՝ հայկական բանակի բարձրաստիճան սպաներն, անձամբ զնում, բացատրում, վիճում են, թե՛ էս տղան կանավոր եկել, մեր երկրի համար կռվել է, հիմա դուք մեր երկրից դուրս եք անում:

Զե, որ չէ, խախտել է...

Ժորժը ձայնը բարձրացնում է

- Արմինե...

Ներս է մտնում մի դեռատի, հմայիչ հայուհի:

- Հայաստանից հո առանց ավարի չէի վերադառնալու, Արմինեի պես աղջկա հետ ամուսնացա: Երկու հարսանիք ենք արել, մեկը՝ Երևանում, մյուսը՝ Փարիզում:

Ավելի է բարձրացնում ձայնը.

- Նարեկ, Մարո...

Մի տղա ու մի աղջիկ են հայտնվում՝ երկուսն էլ սևաչ, սևահոն, համակ հայություն...

- Չավակներս են, Հայաստանում են կնքել, ամառները Երևան են ուղարկում, որ մայրենի լեզուն լավ սովորեն:

Դրա համար էին երևի հետս խոսելիս շիկնում, արևելահայերենն ու արևմտահայերենը խառնում:

Ժորժն իր ձեռնարկությունն էլ է ինձ ցույց տալիս, որ իր ազգանունով «Պողոսյան հաստատություն» է կոչվում:

- Վերջերս 80. 000 եվրո եմ տվել, հյուսվածքի յոթը արդիական համակարգ զնել, բայց եթե հայրենիքս ասի՝ «Ժորժ, քո կարիքը զգում եմ, արի՛», այս ամենը կթողնեմ, կնոջս, երեխաներիս կվերցնեմ, կգամ:

Փարիզում, նույնիսկ քաղաքաներձ արվարձանում, երբ գիշերը վրա է հասնում, փողոցները ոչ թե մթնում են, այլ դեղնակարմրավուն, շենշող լույսերով, գովազդների գունեղ ճայթյունով են լցվում: Ասես տոնական հրավառություն է սկսվում, որի միջով քայլում ենք ես ու ժորժը: Նա չի խոսում, բայց և չի շտապում: Հասկանում եմ, թե ինչու: Մետրոյի կայարանի մատույցներում կանգ առանք:

- Բարևներս կտանես Հայաստան:

- Ո՞ւմ:

- Ո՞ւմ ասեմ: Հենց իջնես օդակայան, կասես՝ ժորժ շատ բարև էր անում: Բա՛րձր կասես:

Շարժասանդուղքով իջնելիս՝ ուզում էի, բայց հետ չըջվեցի: Գիտեի, որ կանգնած ինձ է նայում: Ու մտքով գալիս է հետս:

Հայաստան:

**ԳՐԻԳՈՐ ԶԱՆԻՎԱՆ**  
**Լուսանկարները՝ ԱՇՈՏ ՇՄԱՎՈՆՅԱՆԻ (Փարիզ)**

## «ԵՎՐԱՄԻՈՒԹՅՈՒՆԸ ԵՎ ԵՍ» ԼՈՒՍԱՆԿԱՐՆԵՐԻ ՑՈՒՑԱՀԱՆԴԵՍ

Հունվարի 31-ին, Հայաստանում մեկնարկած «Եվրամիությունը և ես» ցուցահանդեսը կազմակերպել էին Հայաստանում Բրիտանական Խորհրդի գրասենյակը և Հայաստանում Եվրոպական հանձնաժողովի պատվիրակությունը:

Լուսանկարների հեղինակների աշխատանքների և կարծիքների հիման վրա փորձել էին ցույց տալ Հայաստանի և Եվրոպայի մարդկանց առանձնահատկությունները:

«Մեր սերունդը սովոր է ապրել անկայուն և խառը իրավիճակում: Հանգամանքների բերումով դարձել ենք հարմարվող: Եվրամիությանն անդամագրվելու դեպքում բոլոր անհարմարություններին զուգահեռ մեզ հնարավորություն կտրվի չփվել այլ ազգերի հետ»:

«Եվրամիությանը Հայաստանի անդամակցության դեպքում կարող ենք կանգնել ազգային արժեքների կորստի վտանգի առջև: Ինչ կարող է սովորել հայ երիտասարդությունը



Եվրոպացու՝ համասեռամուլությունից բացի»:

«Առաջին բանը, որ պետք է սովորել Եվրոպայից ժողովրդավարությունն է, և մարդու դերը հասարակության մեջ»:

Այսպես էին արձագանքում հայ երիտասարդները Հայաստանի Եվրամիությանը ինտեգրվելու հարցե-

րին:

Ցուցահանդեսը Հայաստանում Բրիտանական Խորհրդի «Եվրամիություն և ես» ծրագրի մի մասն է կազմում: Ծրագրի նպատակն է իրար ճանաչելու և ընկալելու հնարավորություն ստեղծել հարավարևելյան 10 երկրների Հայաստան, Ադրբեջան, Բուլղարիա, Կիպրոս, Հունաստան, Ռումինիա, Մակեդոնիա, Սերբիա, Թուրքիա և Միացյալ Թագավորության երիտասարդների միջև (երկրների այս հետաքրքրական ցանկը տես՝ նաև էջ 13-ում ծանոթագրություն 21-ում - խմբ.):

Ցուցահանդեսի բացման հանդիսավոր արարողությանը ներկա էր Մեծ Բրիտանիայի դեսպան Տոմի Քենթրին:

Երևանում ցուցահանդեսը յոթ օր ներկայացնելուց հետո ներկայացվեց նաև Հայաստանի տարբեր մարզերում:

**ԱՆԻ ՄԱՅԱՎԱՆՅԱՆ**



# ՄԻՅՐԱՆ ՍՎԱԶԼՅԱՆ

ԱՄՆ-ՈՒՄ ՀԱՅ ԱՌԱՋԻՆ ԼՈՔԲԻՍՏԱԿԱՆ ԿԱԶՄԱԿԵՐՊՈՒԹՅԱՆ ՀԻՄՆԱԳԻՐ

«Որքան անհրաժեշտ է Հայ ցեղին համար ունենալ տեսիլք մը, բեռնային աստղ մը, անոր ուղղելու համար մեր բոլոր քայլերը»: «Ինծի համար հայրենասիրութիւնը արժանապատվութեան խնդիր է»: (Մ. Սվալպյան)

Ազգային, հասարակական, քաղաքական գործիչ, իրավաբան, դիվանագետ, հրապարակախոս, գրող Միհրան Սվալպյանը (Սվալպը) (1863, Ջնյուռնիա - 1935, Բոստոն) սովորել է Ջնյուռնիայի անգլիական կոլեջում: Դեռևս 18 տարեկանից անգլերենի իմացության շնորհիվ քարտուղարի և գանձապետի պաշտոնով ծառայել է Կիպրոսի անգլիական կառավարական պալատում:

Ավարտելով Ֆրանսիայի Էքսի համալսարանի իրավաբանական բաժինը՝ 1888 թ. Մանչեսթրի հայերի կազմակերպած հանգանակություններով ժամ Պրուսայային հետ Լոնդոնում հրատարակել է Հայ դատը Եվրոպային առաջին անգամ ներկայացնող «Հայաստան» թերթը, որտեղ իրենց հոդվածներն են տպագրել և հայասիրությամբ թրծվել անգլիացի և ֆրանսիացի քաղաքական գործիչներ Լորդ Ջեյմս Բրայսը, Էմիլ դը Լավլեն, ինչպես նաև թերթի շուրջ են համախմբվել եվրոպացի առաջավոր մտածողներ՝ Ռոլեն ժաքմենար, Լյուսիեն Ժյուլ, Միմոնը, Բարթելենի Սենթ Յիլերը, Ուիլյամ Էվարթ Քլարկսոնը և ուրիշներ: Լորդ Ջեյմս Բրայսի նախագահությամբ, Միհրան Սվալպյանը մարդաշատ հավաքներ է կազմակերպել Լոնդոնում, աշխատակցել «Դեյլի Նյուզ» և «Նյուզ ռիվյու» պարբերականներին: Արդյունքում հիմնադրվել է Անգլո-հայկական ընկերությունը, որին անդամակցել են Սըր Էդուարդ Գրեյը, Ջեյմս Բրայսը, Շուան և ուրիշներ: Հրատարակել է հասարակական-քաղաքական բնույթի հայերեն, ֆրանսերեն, անգլերեն բազմաթիվ հոդվածներ եվրոպական և ամերիկյան մամուլում:

1893թ., վերադառնալով Կիպրոս, զբաղվել է փաստաբանական գործունեությամբ՝ միաժամանակ աշխատակցելով Բոստոնում լույս տեսնող «Արմենիա» (1890-ական թթ.) պարբերականին: Կիպրոսում տասը տարի իրականացրել է հայանպաստ գործունեություն, մասնակցել հունական քաղաքական կյանքին, ազատական գաղափարներով հանդես եկել տեղի մամուլում: Մասնակցել է Եվրոպայի հեղափոխական շարժումներին՝ ձգտելով Հայկական հարցը ծանոթացնել օտարներին և հայասեր բարեկամներ ձեռք բերել: 1908թ. մեկնել է ԱՄՆ:

Մ. Սվալպյանն աջակցել է Հնչակյան կուսակցությանը (1887թ.), եղել Վերակազմյալ Հնչակյան (1896թ.), ապա՝ միացյալ Ռամկավար-Ազատական (1921թ.) կուսակցությունների հիմնադիր-ղեկավարներից: Նա եղել է 1917թ. մարտին Բոստոնում հիմնադրված Ամերիկայի հայ ազգային միության նախագահ, Փարիզի Հայ ազգային պատվիրակության ներկայացուցիչը Վաշինգտոնում, իսկ զինադադարից հետո՝ նաև Աթենքում:

Ըստ նրա՝ ժամանակակից Կ. Դարբինյանի, Մ. Սվալպյանը եղել է «հայ ազատագրական պայքարի առաջին ռաիվորաններեն՝ մինչև վերջը մնացած է պատմեշին վրայ անդրդուելի, առաջին շարքերում մեջ, երիտասարդի մը խանդավառութիւնով ու տարեցի մը փորձառութիւնով»: Իսկ Արշակ Չոպանյանը նրա մասին գրել է. «Միհրան Սվալպը... ժամանակակից հայ կեանքի ամենէն ինքնուրոյն ու սիրելի դէմքերէն միւսն է: Վճիտ ու թրթռուն սիրտ մը, խանդավառ ու ազնիւ միտք մը, հայ ցեղին լաւագոյն աւանդութեանց շունչով կազմուած, հելլէն քաղաքակրթութեան աստուածային ժպիտին մէկ կայծովը լուսաւորուած, ֆրանսիական յստակ ու

վեհանձն մշակոյթին ցերմութեամբ տոգորուած, անշահախնդիր գործով մը, մշտադալար աւիւնով մը հայրենիքի կոնքին նուիրուած,- այս է եւութիւնը ազգային դատի այդ վեթերան ախոյեանին բարոյական դիմագծութեան: ...Լաւ տեսակի «ռոմանթիկ» մը, ահա՛ մէկ բառով Միհրան Սվալպը: ...Խանդավառութիւնը միացած ողջմտութեան, հոգեկան ցերմութիւնը՝ լուրջ դատումի եւ ինքնագազարմի կարողութեամբ ընկերացած, երեւան կը բերեն մարդկային տիպար մը, այնքան բեղմնաւոր, որքան զրաւիչ»:

Մ. Սվալպյանի ղեկավարած Ամերիկայի հայ ազգային միությունը ներառում էր համերաշխ գործելու պատրաստակամություն դրսևորած հայ քաղաքական չորս կուսակցությունների (Սոցիալ-Դեմոկրատ Հնչակյան, Վերակազմյալ Հնչակյան, Հայ Հեղափոխական Դաշնակցություն, Հայ Սահմանադրական Ռամկավար), ազգային երկու եկեղեցիների (Առաքելական, Ավետարանական) և Հայ Բարեգործական Ընդհանուր Միության (ՀԲԸՄ) ներկայացուցիչներ:

Առաջին աշխարհամարտն սկսելուց ի վեր առաջին անգամն էր, որ հայ քաղաքական կուսակցությունները (մասնավորապես՝ ՀՀԴ) միասնականություն էին հանդես բերում ազգային կարևոր ձեռնարկների իրականացման գործում: «Քոր կուսակցութիւնները» միավորելու առիթով Մ. Սվալպյանը գրել է. «Ես յաւակնոտ ու պարծեցող չեմ, ու չեմ ալ սիրեր այդպիսի մարդիկ, սակայն թոյլ տուէք ինձ անգամ մը այդպիսի թերացումի մէջ գտնուելու, եթէ ինքզինքս հռչակեմ այս միութեան հայրը: Գիտե՞ք, ի՞նչ մեծ մխիթարութիւն մըն է ինծի պէս անգաւակ մարդու մը համար ունենալ այդպիսի միութիւն մը իբր զաւակ: Տասը տարի առաջ յղացած էի այդպիսի միացում մը»: Ապա միասնականության իր իմաստուն պատգամն է հղել հայ քաղաքական կուսակցություններին. «...Թող ձեր մեծութիւնը, ձեր արժանիքը եւ փառքը ընդհանուրին, ազգին ու հայրենիքին երջանկութեան բոցին մէջ աներեւութանայ եւ դուք, իբր խոնարհութեան, միութեան, համերաշխութեան տիպարներ, արժեցնէք կուսակցութիւններու դիրքն ու համբաւը մեր դժբախտ ազգի մէջ: Հեղինակ մը ըլած է տեղ մը ազատութեան եւ անկախութեան գինը մշտնջենական աշալոջութենէն կախում ունի: Միացած կը յաղթենք, անմիաբան կը յաղթուինք: Կեցցե՛ միութիւնը»:

ԱՄՆ-ում ստեղծվել էր միության 187 մասնաճյուղ: Միության նպատակն էր ամերիկահայ համայնքի նյութական ու բարոյական ուժերը համախմբել և դրանք ի սպաս դնել Հայաստանի ազատագրմանը, նաև հայանպաստ քարոզչություն և դիվանագիտական ձեռնարկներ իրականացնել:

Ամերիկայի հայ ազգային միությունը Մ. Սվալպյանի խմբագրությամբ լույս է ընծայել «Դը Արմինյըն Հերալդը» (1917-1919 թթ., Բոստոն) պաշտոնաթերթը:

Հեռավոր հայրենիքին ու թշվառության մեջ հայտնված հայրենակիցներին սատարելու նպատակով նշանակալից գործունեություն ծավալած Ամերիկայի հայ ազգային միության ընդհանուր դրամագումարն իր գոյության հինգ տարիների ընթացքում կազմել է շուրջ 930.000 դոլար: Ամերիկայի հայ ազգային միության իրականացրած կարևոր ձեռնարկներից էր ամերիկահայության շրջանում կամավորական շարժման կազմակերպումը: Կարճ ժամանակում՝ 1917թ. հունիսի 9-նոյեմբերի 3, Ֆրանսիայի հովանավորության ներքո Կիլիկիայի ազատագրման համար սկսված կամավորական շարժման իրենց մասնակցությունը բերելու նպատակով ԱՄՆ-ի գրեթե բոլոր հայաշատ նահանգներից արձանագրվել էր 5.000 ամերիկահայ, սակայն փոխադրական միջոցների սղության պատճառով մեկնելու հնարավորություն էր ընձեռվել միայն 1.172-ին: Առաջին աշխարհամարտին ԱՄՆ-ի ներքաշումով նրանցից շատերն իրենց ուժն ու կարողությունը ծառայեցրել են նաև որդեգրած հյուրընկալ երկրի պաշտպանությանը՝ անդամագրվելով դաշնակ-



ցային զինված ուժերին: Պատերազմի ավարտից հետո ԱՄՆ-ի կառավարությունը, զնահատելով հայերի նվիրվածությունը, նրանցից շատերին արժանացրել էր բարձր պարգևների, շնորհել մեծ արտոնություններ ու նպաստներ: Ամերիկայի հայ ազգային միության շնորհիվ էր, որ ամերիկահայ շատ ու շատ վիրավոր ու կարիքավոր կամավորներ ստացել էին նյութական օգնություն, բազմաթիվ կամավորների շնորհիվ էր Միության Պատվո Վկայագիր:

Միությունը 1919թ. փետրվարի 1-ին՝ գաղութի պատմության մեջ առաջին անգամ իրականացրել ազգային մակարդակի ընտրություններ՝ Փարիզում գումարվելիք Համազգային ժողովին ներկայացնելով 4 պատգամավոր:

Միությունն ամերիկյան մամուլում և հասարակության շրջանում հայանպաստ շարժում սկզբնավորելու նպատակով 1918-ի սկզբին Նյու Յորքում հիմնել է Հանրականության գրասենյակ, որը հետագայում դարձել է Մամուլ գրասենյակ, ապա՝ Հանրականության կոմիտե: Վերջինս իր ծրագրերի իրականացման համար 1920-ին որոշել էր ստեղծել կազմակերպված մի միավոր, որը պետք է միջազգային շրջաններում ջատագովեր Հայաստանի անկախության ճանաչումն իր պատմական սահմաններում, հայ կարիքավորներին ապահովեր ամերիկյան օգնությամբ, մինչև որ Հայաստանի Հանրապետությունը (1918-1920թթ.) դառնար ինքնաբավ երկիր, ինչպես նաև՝ աջակցեր հայ կանանց ու աղջիկների ազատագրմանը մահմեդական հարեմներից ու տներին և այլն: Ազգային Միությունը, հավանություն տալով Հանրականության կոմիտեի այդ ծրագրին, դրա իրագործմանն ի խնդիր տրամադրել էր 15.000 դոլար: Միությունը ԱՄՆ-ի, ինչպես նաև եվրոպական երկրների ամտեղյակ հասարակայնությանը Հայ դատին ծանոթացնելու նպատակով հրատարակել ու տարածել է քաղաքական, պատմական ու գեղարվեստական բնույթի մի շարք աշխատություններ:

ԱՄՆ-ի ղեկավարության ու կոնգրեսականների շրջանում Ամերիկայի հայ ազգային միության և անձամբ Մ. Սվազյանի ծավալած հայանպաստ գործունեությունը շուտով տվել է իր դրական արդյունքները. ԱՄՆ-ի նախագահ Ուուդրո Ուիլսոնը Հայաստանի Հանրապետություն է առաքել գեներալ Ջեյմս Հարբորդի ղեկավարությամբ քննիչ հանձնախումբ՝ տեղում ուսումնասիրելու հայերի տեղահանումներն ու կոտորածները, ինչպես նաև՝ Հայաստանի նորահաստատ հանրապետությանը տնտեսական օգնություն ցույց տալու առաջնահերթ հարցերը, իսկ կոնգրեսի Արտաքին հարաբերությունների հանձնաժողովի ենթահանձնաժողովը (Նախագահ՝ Ուորդը Հարդինգ) 1918թ. սեպտեմբերին և հոկտեմբերին ունկնդրության էր դրել հայ ներկայացուցիչների և հայասեր ամերիկացիների՝ Հայոց հարցին առնչվող հաղորդումները: Ելույթ էին ունեցել Ամերիկայի հայ ազգային միության ատենապետ Մ. Սվազյանը, նրա գործակից Վարդան Մալքոնը, ԱՄՆ-ի Արտաքին գործերի քարտուղարի օգնական Ու. Ֆիլիպսը, Նպաստամատույց կոմիտեի քարտուղարի օգնական Հ. Իեքուիթը:

Միության ջանքերի շնորհիվ 1919թ. մարտին ամերիկյան առաջավոր հասարակայնության 15.300 ներկայացուցիչներ (15.000 բողոքական և 75 եպիսկոպոսական եկեղեցականներ, 35 նահանգների կառավարիչներ, 200 քուլեջների ու համալսարանների նախագահներ) խնդրագիր են ներկայացրել ԱՄՆ-ի նախագահին՝ փութացնելու Ազատ Հայաստան ստեղծելու ուղղությամբ Փարիզի խաղաղության ժողովում ձեռնարկվելիք ջանքերը, և դրանք վերածելու գործուն քայլերի: Միությունը գաղութի հայրենամուտեր ազգային ու կուսակցական գործիչների հետ միասին ոչ մի ջանք չի խնայել՝ հարթելու ՀՀ ստեղծումով Փարիզի Ազգային պատվիրակության ներսում առաջացած երկփեղկվածությունը, երբ նախագահ Պողոս Նուբարի կողքին ազգային խնդիրների իրականացման համար, որպես նորաստեղծ պետության ներկայացուցիչ, 1919թ. սկսել էր հանդես գալ նաև դաշնակցական գործիչ Ավետիս Ահարոնյանը:

Այդ մասին Մ. Սվազյանը մասնավորապես գրել է. «Ու-

նենալ Բարիզի մեջ երկու տեղեկատու պիւրօներ առ երեւոյթս նոյն նպատակի ձգտող երկու պատուիրակութիւններու յարակից, ամենատարօրինակ երեւոյթներէն մէկն էր մեր ժամանակակից պատմութեան մէջ: Դրամի եւ ժամանակի կորուստ լինելէ զատ, երկու պատուիրակութեանց միջեւ արտաքին աշխարհի առջեւ աչքի զարնող աններդաշնակութեան կենդանի ապացոյցն էր»:

Ամերիկայի հայ ազգային միությունը երկրի ողջ հայության հետ միասին իր գործուն մասնակցությունն է ունեցել ամերիկյան Մերձավոր Արևելքի Նպաստամատույց կոմիտեի՝ Եղեռնից հրաշքով վերապրած հայ որբերին ու կարոտ-յալներին օգնություն ցույց տալու գործին, ՀՀ առաջին վարչապետ Հովհաննես Քաջազնունու՝ ԱՄՆ-ում ի նպաստ հայոց բանակին կազմակերպված հանգանակությանը, ինչպես նաև Ազգային պատվիրակության նախագահ Պողոս Նուբարի հանձնարարությամբ 1919թ. նոյեմբերին Ջորավար Անդրանիկի և հրամանատար Հակոբ Բոնապարտյանի Ամերիկա կատարած ազգանպաստ առաքելությանը, քաջալերել ու նյութապես օգնել է նաև նույն ժամանակ կազմավորված Ամերիկահայ տիկնանց միությանը, որը ամերիկացի քվեատու կանանց և բարձրաստիճան պաշտոնյաներին լուսաբանում էր Հայ դատը՝ փորձելով նրանց միջոցով ազդել կոնգրեսի վրա՝ վավերացնելու հայանպաստ որոշումները:

Ամերիկայի հայ ազգային միության և ամերիկահայ համայնքի ջանքերի շնորհիվ հնարավոր էր դարձել համախմբել հայասեր ամերիկացիներին՝ 1919-ին կազմելով Հայաստանի անկախության ամերիկյան կոմիտեն, որն իր առջև խնդիր էր դրել բոլոր միջոցներով օգնել Հայաստանին, ամերիկյան ժողովրդին ու քաղաքական բարձրաստիճան շրջաններին լուսաբանել Հայկական հարցը, հայերի հանդեպ հանակարան ստեղծելու նպատակով փաստացի ներկայացնել Առաջին աշխարհամարտի տարիներին հայերի կրած տառապանքները, ինչպես նաև ճնշում գործադրել ամերիկյան կառավարության վրա՝ ճանաչելու Հայաստանի լիակատար անկախության իրավունքը: Կոմիտեի նախագահն էր ամերիկացի փաստաբան, Բեռլինում ԱՄՆ-ի նախկին դեսպան, սենատոր Ջեյմս Ջերարդը:

Հայաստանի ամերիկացի բարեկամների Հայաստան - Ամերիկա ընկերությունը ֆիլադելֆիացի հայտնի իրավաբան, հայասեր Ուոլթեր Ջորջ Սմիթի նախագահությամբ (քարտուղար՝ Ջ. Մոնթգոմերի) իր հայկական հանձնախմբի խորհրդակցությամբ, մինչև Լոզանի վեհաժողովը (1922թ. նոյեմբեր 20 - 1923թ. հուլիս 24) ամերիկյան հասարակության և կառավարության առջև իրականացրել է Հայ դատին ի նպաստ ձեռնարկներ:

Մ. Սվազյանի անմիջական գործուն ջանքերի շնորհիվ էր, որ ԱՄՆ-ի հայասեր նախագահ Ու. Ուիլսոնը հայկական վիճելի տարածքների նկատմամբ ԱՄՆ-ի մանդատային վերահսկողություն հաստատելու առաջարկով 1920թ. հանդես էր եկել երկրի կոնգրեսի առջև:

Առաջին աշխարհամարտից հետո միությունը ԱՄՆ-ի և եվրոպական պաշտոնատարների կողմից ճանաչված անցագիր-վկայականներ է տրամադրել դեպի հայրենիք մեկնող իր հայրենակիցներին:

Երվանդ Մեսիայանի բնորոշմամբ, «յառաջդիմող իմաստութեան կատարեալ մարմնացում», հմուտ դիվանագետ Միրան Սվազյանի ղեկավարած՝ Ամերիկայի հայ ազգային միությունն իր հետամտած հայանպաստ լուրջ խնդիրների իրականացումը համազաղութային, մինչև անգամ միջազգային և հատկապես ամերիկյան կառավարական ու հասարակական մակարդակներով կազմակերպելու կարողությունների համար ամերիկյան պաշտոնական շրջանների կողմից ճանաչվել է որպես ամերիկահայ գաղութը ներկայացնող մարմին՝ դառնալով հայկական առաջին լրբիստական կազմակերպությունը ԱՄՆ-ում:

**ՔՆԱՐԻԿ ԱՎԱԳՅԱՆ**  
Պատմական գիտությունների թեկնածու



Գիտնականը՝ Ն.Ս.Օ.Տ.Տ. Վազգեն Ա. կաթողիկոսի մոտ:

Ռուբեն Սահակյանը ծնվել է 1929թ. հոկտեմբերի 15-ին, Թիֆլիսում: 1948-ին ընդունվել է ՊԳ միջազգային հարաբերությունների ֆակուլտետ, որն ավարտել է 1953-ին՝ ստանալով պատմաբան-միջազգայնագետի որակավորում: Տիրապետելով արևմտյան և արևելյան մի շարք լեզուների՝ նա 1954-ին ընդունվում է Պատմության ինստիտուտի ասպիրանտուրայի բաժին և ձեռնամուխ լինում թուրքագիտության հիմնավոր ուսումնասիրությանը:

Հետագա տարիներին նա աշխատել է Պատմության ինստիտուտում, ՊԱ արևելագիտության սեկտորում, իսկ 1961-63թթ. ստանձնել Գիտությունների ակադեմիայի հրատարակած հասարակական գիտությունների «Տեղեկագրի» պատասխանատու քարտուղարի պարտականությունը: 1975-1981թթ. աշխատել է Ֆրանսիայում՝ որպես ԽՍՀՄ դեսպանության առաջին քարտուղար:

Վերադառնալով Խորհրդային Հայաստան՝ Ռ. Սահակյանը 1981թ. աշխատանքի է անցնում ՊԱ Արևելագիտության ինստիտուտում, նախ՝ զբաղեցնում է Իրանի բաժնի վարիչի պաշտոնակատարի (1981-1983թթ.), իսկ 1983թ. մինչև կյանքի վերջը, այն է՝ 1998թ. սեպտեմբերի 12-ը՝ Թուրքիայի բաժնի վարիչի պաշտոնները:

Ռ. Սահակյանի աշխատությունները նվիրված են նոր և նորագույն ժամանակաշրջանի Թուրքիայի ներքին և արտաքին քաղաքականությանը, թուրքական և արևմտյան պատմագրության լուսաբանմանը, թուրք-ֆրանսիական հարաբերություններին, Հայկական հարցին ու Հայերի ցեղասպանությանը, հայ - ֆրանսիական պատմամշակութային առնչություններին:

Նրա թեկնածուական ատենախոսությունը, որը նվիրված էր 1925-1935թթ. Խորհրդա-թուրքական դիվանագիտական հարաբերությունների պատմությանը, թեպետ չհրատարակվեց առանձին գրքով, այնուհանդերձ հիմք հանդիսացավ նրա «Սովետա-թուրքական հարաբերությունների պատմության հակագիտական լուսաբանումը ժամանակակից պատմագրության մեջ» մեմագրության համար (լույս է տեսել 1964թ.): Հիշյալ աշխատության մեջ գիտնականն անդրադառնում է Թուրքիայում, ինչպես նաև ԱՄՆ-ում լույս տեսած թուրք հեղինակների՝ պատմաբանների, քաղաքական, պետական և ռազմական գործիչների այն աշխատություններին, որոնցում զգալի տեղ է հատկացված սովետա-թուրքական հարաբերությունների պատմության հարցերին: Հենվելով արխիվային և հրապարակված դիվանագիտական փաստաթղթերի վրա՝ նա հիմնավորապես բացահայտում է թուրք պատմաբանների ձեռնարկած պատմական անցյալի մեկնաբանման աղավաղման փորձերը: Այս համատեքստում նշեմ, որ Ռ. Սահակյանը այդպիսի հարուստ փաստագրական վկայաբերումներով ու վերլուծություններով մի աշխատություն էր հրատարակել դեռ 1957-ին՝ «Թուրքիան երկրորդ համաշխարհային պատերազմի տարիներին և հետո»:

Իր «Թուրք-ֆրանսիական հարաբերությունները և Կիլիկիան 1919-1921թթ.» (1970թ.) և «Թուրք-ֆրանսիական հարաբերությունները և Կիլիկիան 1918-1923թթ.»

## Հ Ա Յ Ղ Ա Տ Մ Ա Ղ Ա Ր ՈՒ Թ Յ Ա Ն Ե Ր Ա Խ Տ Ա Վ ՈՐ Ը

(«Турецко-французские отношения и Киликия в 1918-1923гг.», 1985թ.) մենագրություններում, որոնցից վերջինը Ռ. Սահակյանը 1985թ. պաշտպանեց իբրև դոկտորական ատենախոսություն, Կիլիկիայում տեղի ունեցած իրադարձությունների լայն հենքի վրա, մանրագին վերլուծության է ենթարկել թուրք-ֆրանսիական դիվանագիտական կապերի զարգացումը, քեմալականների սանձազերծած հայկական կոտորածների, հայերի ինքնապաշտպանական մարտերի պատմությունը: Նա միաժամանակ խորությամբ բացահայտել է ֆրանսիական կառավարական շրջանակների վարած թուրքամետ քաղաքականության բնույթն ու դրա կործանարար հետևանքները կիլիկիաբնակ հազարավոր հայերի համար:

1990թ. հրատարակած «Ցեղասպանության պատմությունից» ժողովածուում հեղինակը զգալի տեղ է հատկացրել 1915թ. եղեռնի միջազգային արձագանքներին, որը հույժ կարևոր ու արդիական է Հայոց եղեռնի պատմության համակողմանի լուսաբանման դիտանկյունից:

Ռ. Սահակյանը մեծ ավանդ ունի Հայերի ցեղասպանությանը, Հայկական հարցի պատմությանը նվիրված «Հայոց ցեղասպանությունը Օսմանյան կայսրության մեջ» («Геноцид армян в Османской империи», 1966թ.), «Հայաստանը միջազգային դիվանագիտության և սովետական արտաքին քաղաքականության փաստաթղթերում (1828-1923)» 1972թ. ժողովածուները հրատարակության պատրաստելու գործում: Նա ոչ միայն այդ ժողովածուները կազմող հեղինակներից էր, այլև դրանցում ընդգրկված նյութերի ծանոթագրողը: Անուրանալի է նրա ներդրումը «Հայկական հարց» («Армянский вопрос») հանրագիտարանի հրատարակության գործում, (1991թ.), որի հիմնական հեղինակներից էր և խմբագրական կազմի անդամ: Նրա գրչին են պատկանում հիշյալ հրատարակության մեջ զետեղված մեծ թվով ֆրանսիացի գործիչներին և պատմաբաններին նվիրված հոդվածները:

Տասնամյակներ շարունակ ուշադրության կենտրոնում պահելով թուրքական, ինչպես նաև եվրոպական պատմագրության զարգացման փուլերն այս ասպարեզում՝ Ռ. Սահակյանը 1990-ականներին նախաձեռնեց հոդվածների մի արժեքավոր ժողովածուի հրատարակությունը, որը լույս տեսավ 1993թ. իր իսկ խմբագրությամբ՝ «Հայաստանի նոր պատմությունը արտասահմանցի ժամանակակից հեղինակների աշխատություններում» («Новая история Армении в трудах современных зарубежных авторов») խորագրով:

Ռ. Սահակյանն առանձնահատուկ ուշադրություն էր դարձնում ֆրանսիական պատմագրության նվաճումներին: Նրա թարգմանությամբ 1991թ. հայերենով լույս տեսավ ֆրանսահայ պատմաբան Սերժ Աֆանասյանի «Սարդարապատի հաղթանակը» ուսումնասիրությունը (1994թ. Ռ. Սահակյանը պարզևատրվում է ֆրանսիական «Ակադեմիական դափնիներ» շքանշանով):

Նա բազմիցս ներկայացրել է հայ պատմագրությունը միջազգային գիտաժողովներում, ակտիվորեն մասնակցել է մեր հանրապետության հասարակական կյանքին, ղեկավարել «Հայաստան - Ֆրանսիա» ընկերությունը, միաժամանակ մեծ հոգածություն է դրսևորել երիտասարդ պատմաբանների պատրաստման կարևոր գործում:

Ռուբեն Սահակյանը թողել է գիտական ծանրակշիռ ժառանգություն, որի շնորհիվ իր ուրույն տեղն է ապահովել հայ պատմագրության երախտավորների շարքում:

ՍԱԲԱՏ ՀՈՎՀԱՆՆԻՍՅԱՆ





# ԱԶԳԱՅԻՆԸ ԲՆԱՎՈՐՈՒԹՅՈՒՆ Է՝ ԱԶԳԻ ՏԵՍԱԿ

Հայկական կինոն 1960-ականներից սկսեց զարթոնք ապրել: Մինչև այսօր քանի-քանի սերունդ դաստիարակվեց այդ տարիներին ստեղծված ֆիլմերով: Ֆիլմեր, որոնք միշտ հաճույքով ես դիտում: 90-ականներին երկրի ճգնաժամի հետ միասին, ինչպես մյուս ոլորտներն,

այնպես էլ կինոն, անկում ապրեց: Այսօր այդ ոլորտը փորձում է վերածնվել: Կինեմատոգրաֆիստների միության նախագահ Ռուբեն Գևորգյանցի հետ մեր գրույցի ընթացքում խոսեցինք երեկվա և այսօրվա կինոյի մասին:

**- Պարոն Գևորգյանց, Դուք շփվել եք մեր մեծ ռեժիսորների հետ, մի փոքր խոսեք հին ու նոր ֆիլմերից:**

- «Նահիրի» կինոթատրոնից վերև կա մի շենք, որտեղ ապրում էին լավագույն հայ կինոգործիչները: Իմ ընտանիքը նույնպես ապրում էր այդ շենքում. հայրս 50-ականներին «Հայֆիլմ»-ի տնօրենն էր: Բոլորին էլ հիշում եմ. մանկությունս անցել է «Հայֆիլմ»-ում, որտեղ ամբողջ օրը վազվզում էի: Այն ժամանակ «Հայֆիլմ»-ը նոր-նոր էր ոտքի կանգնում.

հետպատերազմյա շրջան էր: 60-ականներին տարեկան նկարահանվում էր 4-5 ֆիլմ: Այդ ժամանակ աշխատում էին այնպիսի ռեժիսորներ, ինչպիսիք էին Գևորգ Կարամյանը (նկարահանեց Կամոյի մասին շարքը), Մելիք Ավագյանը (ստեղծեց փայլուն վավերագրական և խաղարկային ֆիլմեր): Զետո եկան համեմատաբար ավելի երիտասարդները՝ Ֆրունզե Դովլաթյան, Զենրիկ Սալյան, ...: Այդ ժամանակաշրջանում նկարահանված յուրաքանչյուր ֆիլմ այսօր մեզ համար պատմական վերհուշի նշանակություն ունի: Ամենակարևորն այն էր, որ կար կինոարտադրություն, ինչն այսօր չկա: Այն ժամանակ պետությունը գիտակցում էր, որ կինոն անհրաժեշտություն է ժողովրդի դաստիարակության համար և հատկացնում էր անհրաժեշտ ամեն ինչ: Զիմա այդ ամբողջը մատնվել է ինքնահոսի, ով ինչ ուզում նկարում է: Ֆրունզե Դովլաթյանից ու Զենրիկ Սալյանից հետո եկան Բագրատ Զովհաննիսյանն ու Ներսես Զովհաննիսյանը, ...: Զիմա էլ ունենք լավ ռեժիսորներ՝ Վիգեն Զալրոյանյան, Միքայել Դովլաթյան, Սուրեն Բաբայան, Զարություն Խաչատրյան, ...: Եթե այսօր ֆիլմ է նկարահանվում և արտասահմանում մրցանակ է արժանանում, դա արդեն մեր ազգին է օգուտ: Ես դեմ եմ, երբ գումարներ է վատնվում, ֆիլմ է նկարահանվում, որը շատ շուտ մոռացվում է:

**- 90-ականների ճգնաժամից հետո՝ այսօր, հայ կինոն կարելի՞ է համարել հաստատված:**

- Այո՛, հայ կինոն արդեն հաս-

տատվել է. մարդիկ ֆիլմեր են նկարահանում ու առաջ ընթանում: «Հայֆիլմ»-ը գնվեց և սեփականատերերն, անշուշտ, հենց այնպես չեն գնել: Գնվեց, որպեսզի ֆիլմեր ստեղծվեն և արդյունք ունենանք: Դեռևս մեծ գումարներ պիտի ծախսվեն, որ շենքն ամբողջությամբ վերակառուցվի ու համապատասխանի միջազգային չափանիշներին:

Պետությունը մեզ ֆինանսավորել է 700 հազար դոլարով, որը նույնիսկ մեկ ֆիլմին չի բավականացնի, բայց



կարողանում ենք տարեկան գոնե երկու-երեք ֆիլմ նկարահանել: Այս ամենից բացի ուզում ենք ստեղծել կինոկենտրոն, որն իր մեջ կընդգրկի այն ամենն ինչ կապված է ֆիլմի հետ՝ փառատոներ, կինոարտադրություն, մամուլ...: Կինոկենտրոնը կունենա ղեկավարություն, որը և կթելադրի ազգային գաղափարախոսություն:

**- Այսօր դաստիարակչական ֆիլմեր չունենք, մատաղ սերունդը դաստիարակվում է էժանագին տեսաֆիլմերով, ի՞նչ են մտածում հայ կինոգործիչներն այդ ուղղությամբ:**

- Հայկական կինոյում էժանագին ֆիլմեր չեն նկարահանվում: Այսօր մեզ անհրաժեշտ են հեղինակային, ժողովրդական, դաստիարակչական ֆիլմեր: Ճիշտ է, դրանք տարբեր են, բայց՝ անհրաժեշտ:

**- Տաղանդավոր հայ կինոգործիչներին կա՞ն փոխարինողներ:**

- 80-ականներին սերնդափոխությունը հարթ էր ընթանում, բայց 90-ականների անկախությունից հետո եղան մարդիկ, ովքեր հեռացան Հայաստանից: Դրա համար արդեն եր-

կու տարի է, ինչ կազմակերպում ենք «Ես եմ» միջազգային փառատոնը, որպեսզի ասպարեզ բերենք տաղանդավոր կինոգործիչների: Փառատոնն արդեն տվել է 7-8 անուններ, ովքեր այժմ մասնակցում են միջազգային փառատոների: Ցավոք, այսօր կինոն ավելի քիչ է վճարում, քան հեռուստատեսությունը: Դժբախտաբար, բոլորը գնում են այնտեղ, և փոքր բյուջեով նկարահանում էժանագին ֆիլմեր:

**- Այս տարի ավելի շքեղ անցկացվեց «Ոսկե ծիրան» փառատոնը, ի՞նչ կասեք այս մասին:**

- «Ոսկե ծիրանը» դեռ երբեք է, նոր-նոր է, բայց կամաց-կամաց այդ քայլերն ավելի ամուր են դառնում: Փառատոնի շրջանակներում Հայաստան են գալիս հետաքրքիր ռեժիսորներ, համաշխարհային դեմքեր, այդ այցերն ու հանդիպումները մեծ նշանակություն ունեն թե՛ մեր երկրի և թե՛ մեզ՝ արվեստագետներիս համար:

**- Ինչո՞վ է զբաղվում կինեմատոգրաֆիստների միությունը:**

- Այն այսօր կինեմատոգրաֆիստների ակումբն է ու տունը: Մենք ֆինանսական օգնություն ենք ցուցաբերում մեր բոլոր թոշակառուներին, անցկացնում ենք զանազան հանդիպումներ, փառատոներ, մասնակցում համաշխարհային կինոյի գործընթացին:

**- Ըստ Ձեզ, այսօր նկարահանվող ֆիլմերում պահպանվո՞ւմ են ազգային ոգին ու ավանդությունը:**

- Եթե դա վերաբերում է կարպետին, դուդուկին ու դիդիկին, դա դեռ ազգային չէ: Ազգայինը բնավորություն է՝ ազգի տեսակ: Ազգայինը և ոչ ազգայինը բարդ հարց է: Օրինակ, հարավսլավացի ռեժիսոր Կուստրոֆցան ամեն տեղ մրցանակներ է ստանում իր ֆիլմերով՝ ցուցադրելով իր ազգի բնավորությունը, շարժումներ, մտքերը, ինտելեկտը: Նմանատիպ ֆիլմի մասին է խոսքը, որը և կոչվում է ազգային:

ԼԻԼԻԹ ՄԱԿԱՐՅԱՆ



**Սփյուռքը Հայաստանով է իմաստավորվում. Հայաստանը հզոր է Սփյուռքով:** Այս տողերի իմաստը լավ է ըմբռնել Մեծ եղեռնի ականատես - վերապրողների ժառանգ, մտավորական Ավետիս Կալայջյանը:

Բեյրութում՝ 1975թ. հունվարի 20-ին, նորագույն զինյալ ազատագրական պայքարի առաջին ռունքը պայթեց Եկեղեցիների համաշխարհային խորհրդի շենքում: Միաժամանակ պայթեց Լիբանանի քաղաքացիական պատերազմը: Կալայջյանները տեղափոխվել են Սիրիա: Հալեպում ստեղծվել է «Հայդուկներ» ընդհատակյա կազմակերպությունը, որի գործունեությանը ակտիվ մասնակցել է երիտասարդ Ավետիսը:

Տարիներ անց մայր հողի կարոտով ոգեշնչված վերադարձել է Հայրենիք, ընդունել ՀՀ քաղաքացիություն: ՀՀ զինված ուժերի պահեստի սպան ստեղծել է «Հայոց հաղթական ուղի» հասարակական կազմակերպությունը և փորձում է ամրացնել Հայաստան - Սփյուռք կապերը:

Նրա ցանկությունն է մասնակցել Հայաստանի հզորացմանը, դառնալ նրա արժանի զավակը: Այդ նպատակով ազգային մշակույթի քարոզչությանը է զբաղվում:

«Հայոց հաղթական ուղի» կազմակերպության նպատակն է ծառայել հայրենիքին: Կազմակերպության ան-

## ԳՈՐԾՈՎ ԿԱՍՐՁԵՆՔ ՍՓՅՈՒՌԸ ՀԱՅԱՍՏԱՆԻՆ

դամներն են՝ մտավորականներ, լրագրողներ, ուսանողներ և այլոք: Կազմակերպությունը իրականացրել է մի շարք ծրագրեր. բարեգործական համերգներով եղել է Հայոց բանակի տարբեր գորամասերում, Երևանի Հարավ-Արևմտյան թաղամասի թիվ 220 մանկապարտեզին նվիրել է հագուստ, խաղալիքներ, դեղորայք: Կազմվել է մի նոր ծրագիր՝ «Հաղթարշավ դեպի Սփյուռք» անվանումով:

Իր հեղինակած «Տիգրան Մեծի պատգամը» դրամայի կենտրոնական գաղափարը պայքարն է: Նրա «Թուրք - թուրանական ծավալողապաշտությունը և 70 նահատակ ազգերը» գրքում հավաքված են թուրք-թուրանական ցեղերի բոլոր ջարդերի և ցեղասպանությունների մասին պատմություններ ու տեղեկություններ: Գիրքը պատրաստ է հրատարակության արաբերեն, ֆրանսերեն և անգլերեն տարբերակներով:

Մենք ունեցանք նորագույն պատմության մեր առաջին Արցախյան հաղթանակը, որը պետք է ամեն գնով պահպանենք, գտնում է Կալայջյանը: Վտանգի պահին նա՝ որպես ՀՀ քաղաքացի, իր նման բազում սփյուռքահայերի հետ Հայաստանի կողքին է լինելու՝ հոգով, բազկով և կարողություններով:

ԳԱՅԱՆԵ ՀՈՎՀԱՆՆԻՍՅԱՆ


## ԴԱՐԻ ՃԱՆԱՊԱՐՀ

Երբ գրողը երևում է հեռուներից, և ոչ թե միայն իր տանն ու ընկեր-բարեկամների շրջապատում, ուրեմն նա ճանապարհ է ելել: Խորեն Արամունին ճանապարհին է...

Խ. Արամունին իր մանկությունն ու պատանեկությունը անցկացրել է Իրանում (ծնված՝ 1948թ.) երիտասարդությունը՝ հայրենիքում, ավարտել է Երևանի պետական համալսարանի բանասիրության ֆակուլտետը, աշխատել է գիտական ու մշակութային օջախներում, 1980-ին տեղափոխվել ԱՄՆ: Կարճ լռությունից հետո գիտական ու հրապարակախոսական հոդվածներով հանդես է եկել տեղի պարբերականներում:

Առաջին գիրքը՝ «Հետմահու հարսանիք» պատմվածքների ժողովածուն, տպագրել է 1991-ին: Նրա գրչին են պատկանում «Մահվան պար» և «Մի բուռ առօրյա» պատմվածքների ժողովածուները: Լոս Անջելեսում բեմադրվել է «Հարութ պապը», «Պողոս քեռու այցը» երկու գործողությամբ դրամաները: 2001-ին Հենրիկ Մալյանի անվան թատրոնը Երևանում և Լոս Անջելեսում ներկայացրել է «Երթ ու դարձի տոմս դրախտի համար» կատակերգությունը:

Թատերագրությունը, պոեզիայի և արձակի զուգահեռում համեմատաբար «երիտասարդ» ժանր է մեր գրականության մեջ: «Անվերադարձ ապագա» պիեսների ժողովածուում հեղինակը ներկայացնում է հինգ պիես, որոնք ասելիքի արդիականու-



թյամբ մի ընդհանրություն ունեն: Գործողությունների աշխարհագրական տեղավայրն Ամերիկան է, իսկ գործող կերպարները՝ աշխարհի տարբեր անկյուններից հիմնականում այստեղ վերաբնակված հայեր: Երեք սերնդի ներկայացուցիչներ, որոնք նոր կյանքի հենքին, կենցաղին ու բարքերին հարմարվելու ընթացքը դժվարությամբ են անցնում: Իրականությանը բախվող հիշողության անցյալն ու ներկան համալրող իր հերոսներին՝ Խ. Արամունին ողբերգա-կատակերգական միջավայր-մթնոլորտում հոգևոր պեղումների ենթարկվելու հնարավորություն է ստեղծում: Հիշողությունը, որը մի դեպքում գնալով աղոտանում և, նոր իրականությանը մերվելով, լռության մեջ է ընկղմվում, մեկ այլ դեպքում՝ հայացքի մշուշը պատռելով, անորոշություն-

նից դուրս բերող ելք է փնտրում: Խ. Արամունին հենց այդ խաչմերուկներում դարձավ իր և մեր ժամանակի հասարակական ու ազգային կյանքի կենսագիրը:

Խ. Արամունու արձակը ժամանակակից է, թե՛ բովանդակությամբ, թե՛ գեղարվեստական ձևով ու կառուցվածքով: Նրա ստեղծագործություններ նման են կինոժապավենի. գործողությունն ընթանում է սրընթաց, երկխոսությունները հնչում են կրակոցի նման, զգացմունքը զուգահեռ է տրամաբանությանը, նա հաճախ նպատակասլացորեն խախտում է պատումի հերթականությունը. դեպքերը հետ ու առաջ է անում՝ հասնելու ամբողջական պատկերի լարվածության:

«Քսանհինգ սենթանոցը» վեպը այս ամենի խտացումով նորություն է ժամանակակից հայ արձակում. քսանհինգ սենթանոց դրամն անցնում է գրպանից գրպան, տնից տուն, փողոցից փողոց, խանութից խանութ, բանկից բանկ՝ իր ճանապարհին ճանաչելով կյանքի տարբեր երևույթները, մարդկանց, նրանց լույսն ու ստվերը: Ի վերջո թաղվում է իր վերջին տիրոջ հետ: Թվում է՝ աշխարհին վարագույր է իջնում: Իրականում, այստեղ և այլ պատմվածքներում ու վիպակներում, Արամունին կյանքի ու մարդկանց վրայից բարձրացնում է վարագույրը, և մենք տեսնում ենք մեր ժամանակի թատրոնը՝ լի լաց ու ծիծաղով:

ՀԱՍՄԻԿ ՄԵԼՔՈՆՅԱՆ



## ԵՍ ԻՆՉ ԿՈՐՑՐԵՑԻ ԹԱՏՐՈՆՈՒՄ...



Թատրոնը եղել և մնում է իմ մեծ սերը. կինոյում նկարահանվելու մասին երբեք չէի մտածում: Իմ առաջին համդիպումը թատրոնի հետ կայացել է փոքր հասակում. մայրս թատերասեր կին էր և ինձ հաճախ տանում էր օպերա, թատրոն: Առաջին օպերան, որ տեսել եմ, եղել է «Բաղչիսարայի շատրվանները»:

Հիշում եմ, մի անգամ մայրս ինձ տարավ Հայաստանի պարի պետական անսամբլի ելույթը դիտելու. դահլիճում կորցրեցի մորս, այդ ժամանակ հինգ տարեկան էի: Մթության մեջ փնտրում էի մորս ու գոռում. «Մամա՛, մամա՛...»: Անցել են տարիներ, ես այդ դեպքի մեջ խորհրդավորություն եմ տեսնում. ես ինձ կորցրեցի թատրոնում, փնտրում եմ, և մինչ օրս չեմ գտնում:

Թատերական կյանքս շատ կարճ եղավ: Հանդիպեցի Հենրիկ Մալյանին և ընդունվեցի Երևանի Մանկավարժական ինստիտուտի կուլտուրայի ֆակուլտետ: Երբեք չէի մտածում խաղալ կինոյում: Ուսանողական տարիներին Յուրի Երզնկյանը նկարահանեց Ակսել Բակուցի «Միրհավի» հիման վրա Հրանտ Մաթևոսյանի սցենարով «Այս կանաչ-կարմիր աշխարհը» ֆիլմը, որտեղ առաջին անգամ խաղացի՝ ստանձնելով երկրորդական դեր: Հետո նկարահանվեցի Հ. Մալյանի «Նահապետ» ֆիլմում, որտեղ մարմնավորում էի Նուբարի դերը, ապա՝ «Խնձորի այգին», «Որտե՞ղ էիր մարդ Աստծո՞», «Անուրջներ» ֆիլմերում: Շեքսպիրի «Համլետ»-ն ինձ համար մնաց որպես անհաս երազանք, ես չէի վախենում

և զգում էի, որ կարող եմ խաղալ: Կուրսեցիներս խնդրում էի, որ բեմադրենք «Համլետ»-ը, այդպես էլ չբեմադրեցինք:

Անմեկնելի էին զգացնումներս ու հույզերս, երբ առաջին անգամ հանդիպեցի Վիլյամ Սարոյանին, Հրանտ Մաթևոսյանին, Սերգեյ Փարաջանովին, Ֆրունզիկ Մկրտչյանին: Կյանքիս անմոռաց օրերն էին դրանք: 30 տարիների ընթացքում 25-ից ավելի ֆիլմեր կան իմ կենսագրության մեջ, որոնք կինոյի պատմության մեջ ավելի մեծ հետք են թողել, քան իմ անձնական կյանքում: Այդպես էլ է լինում:



Կինոն կախարդական աշխարհ է: Հիշողություններս ոչ թե իմ դերի հետ են կապված, այլ այն միջավայրի, որտեղ ֆիլմն է ստեղծվել: Ֆիլմերս նախելիս ոչ թե փորձում եմ գնահատել դերս, այլ ընկնում եմ հուշերի գիրկը. ինչ էր կատարվում դրա նկարահանման ժամանակ կապված Ֆրունզիկ Մկրտչյանի, Սոս Սարգսյանի, Հենրիկ Մալյանի, Ֆրունզե Դովլաթյանի և այլոց հետ...:

Հայ կինոն ապրում է և պիտի ապրի: Անցյալ տարին ինձ համար բեղմնավոր էր. «Հայֆիլմ»-ում նկարահանվեցի «Յարխուշտա» կարճամետրաժ ֆիլմում, «Սոսֆիլմ»-ի «Փարոս» ֆիլմում: Նկարահանվեցի ֆրանսահայ մեր հայրենակից Ռոբերտ Գեդիկյանի «Արմենիա» ֆիլմում, որը, հավանաբար, այս տարի կներկայացվի «Ոսկե ծիրան» փառատոնին:

Ես ուրախ եմ, որ ունենք այնպիսի մի սերունդ, որը սեր ու պատկառանք է տածում թատրոնի ու նրա մեծերի հանդեպ:

## ՎԱՋՐԱՄ ՓԱՓԱԶՑԱՆ. ՆՇԽԱՐՆԵՐ

...Աշխարհը տեսնող աչքեր ունենալ: Իր ներքինը ճանաչել այնքան, որ հնարավոր լինի ամենահեռու և ամենախոր արահետներով ինքն իր մեջ մտնել, անսայթաք քայլել առանց լապտերի: Անդուլ, անդադար սովորել, սիրել նրան, հասկանալ, ներել, հավատալ նրա գալիքին, և այդ ուսումը դարձնել հոգու միակ սնունդը...

Կշռի բրևույթները իրականության նժարով: Ժամանակը միշտ ապացուցում է այս հին ճշմարտությունը:

Գիտեմ, որ սահմաններն են բաժանում մեզ, ինչ-որ գծեր աշխարհի քարտեզի վրա, բայց հազիվ թե ման գծերը կարենան երբևիցե սահման դնել մի հին ու տաղանդավոր ազգի հեռավոր գավառների սրտերում, եթե նույնիսկ նրանք ապրելիս լինեն տարբեր մոլորակների վրա: Եվ կարենալ մնալու համար թեև հեռու, բայց միշտ մոտ իր ազգին, իր ժողովրդին, պետք է ամեն գնով պահել լեզուն, միակ անշեղ ճանապարհը, անքակտելի կապը իրարից հեռու ապրող սրտերի համար, միակ բևեռային աստղը դեպի նավահանգիստ բերելու համար հեռու ծովերում բախտի բերմամբ մոլորված ուղեկորույս սրտերին:

Մաղթում եմ ձեզ զվարթ լինել, առողջ և ուղիղ ու անվարան աչքերով նայել ապագային, երբեք չընկճվել և սիրել ձեր հայրենիքը, տունը, ամեն մի հայ մարդու, և երբեք չմոռանալ, որ լայն են մեր դռները...



## ՏԱՐՎԱ ՀՈՐԵԼՅԱՆՆԵՐԸ ՊԵՏԱԿԱՆՈՐԵՆ ԿՆՇՎԵՆ

ՀՀ կառավարության որոշմամբ 2006թ. պետականորեն նշվելու են ինը հայ նշանավոր արվեստագետների հոբելյանները: ՀՀ մշակույթի և երիտասարդության հարցերի նախարարության արվեստի վարչությունից հայտնեցին, որ կնշվեն գեղանկարիչներ Հակոբ Հովնաթանյանի 200, Դմիտրի Նալբանդյանի 100 և Գրիգոր Խանջյանի 80-ամյակները, գրող Մկրտիչ Արմենի 100-ամյակը, քանդակագործ Հակոբ Գյուրջյանի 125-ամյակը, անվանի դերասանուհի Մետաքսյա Միմոնյանի 80-ամյակը, երգահան և խմբավար Մակար Եկմալյանի 150-ամյակը, երգչուհի, ԽՍՀՄ ժողովրդական արտիստուհի Տաթևիկ Սազանդարյանի 90-ամյակը և տաղանդավոր օպերային երգիչ, մենակատար Տիգրան Լևոնյանի 70-ամյակը:

Բացի այդ, 2006թ. պետականորեն կնշվեն Հայաստանի պետական ֆիլհարմոնիկ նվագախմբի 80 և Թաթուլ Ալբունյանի անվան երգի-պարի պետական անսամբլի հիմնադրման 70-ամյակը:



Արևելահայերի լուսավորական շարժման կենտրոնը Թիֆլիսն էր, որի դերն ավելի էր շեշտվում Հայաստանին մոտ լինելու հանգամանքով: Դարասկզբին այստեղ արդեն գործում էին մի քանի փոքր դպրոցներ: 1815թ. Ներսես Աշտարակեցին Վանքի եկեղեցուն կից դպրոց է ստեղծում: Այդ տարիներին երևան եկան մի շարք դպրոցներ ևս: Սակայն հայ դպրոցի պատմության մեջ եզակի երևույթ դարձավ Ներսես Աշտարակեցու և Թիֆլիսի հայության ջանքերով 1824-ին բացված դպրոցը, որը սկզբնապես կոչվել է Թիֆլիսի հայոց ուսումնարան, իսկ 1861-ից կրել է Ներսիսյան անունը: Այդ նույն ժամանակ դպրոցի շուրջ ծավալվել է հասարակական պայքար կղերականների և ժողովրդի միջև: Վերջինս պահանջել է դպրոցի նյութական միջոցների տնօրինությունն անկախ դարձնել հոգևոր իշխանությունից, ավարտողների համար եկեղեցական ծառայությունը պարտադիր չանել և դպրոցը կառավարել հոգաբարձուների խորհրդի միջոցով: Պայքարը, որ տևել է մեկ տասնամյակից ավելի, 1861-ին ավարտվել է ժողովրդի հաղթանակով, և կառավարման հոգաբարձական սկզբունքը հետագա տարիներին աստիճանաբար տիրապետող է դարձել արևելահայ բոլոր դպրոցների համար: Այս շրջանի մասին խոշոր գիտնական-հայագետ Ստեփան Մալխասյանը գրում է. «Սա մի երկունքի շրջան էր, որտեղ մանկավարժական նոր սկզբունքների առարկաների լայն ծրագիր, իրավունքների ու պարտավորությունների սահմանադրություն՝ առաջին անգամ երևան եկան՝ հին դպրոցի ու նորան հատուկ կարգերի տեղը բռնելու»:

Այս օրերին Ներսիսյան դպրոցը կոչվել է «դար Ալամդարյանի»: Դպրոցը հիմնադրման օրից ունեցել է տպարան: Առաջին ուսումնական տարուն ունեցել է 3 դասարան, 80 աշակերտ, հաջորդ երկու տարիներին բացվել են 4-րդ և 5-րդ դասարանները, սովորողների թիվը հասել 360-ի: 1826-37թթ. Ներսիսյան դպրոցը կոչվել է Թիֆլիսի Ներսիսյան հայոց ուսումնարան (դպրոց)՝ որոշակիորեն կրելով աշխարհիկ բնույթ: 1835-ին ունեցել է 7 ուսուցիչ, 70 աշակերտ:

Ն. Աշտարակեցու և Հ. Ալամդարյանի հեռանալուց հետո դպրոցն անկում է ապրել, 1836-ին փակվել է, 1837-ից վերաբացվել որպես հոգևոր սեմինարիա՝ 4 դասարանով: Դպրոցի նոր վերելքը սկսվել է 1850-ականներից, երբ այն դարձել է հայերի կրթական-լուսավորական

## ՆԵՐՍԻՍՅԱՆ ԴՊՐՈՑ



շարժման դրոշակակիրն Անդրկովկասում:

Դպրոցական կյանքի համեմատական աշխուժացումն առաջ է քաշել կրթության գործը բարելավելու ժամանակակից մանկավարժության նվաճումները կիրառելու խնդիրները: Դրանց լուծմանն է նվիրվել եվրոպական (Պիզա, Պարիզ, Փարիզ) և ռուսական (Դորպատ, Մոսկվա, Պետերբուրգ) համալսարանների բովով անցած նոր սերունդը: Մշակվել և ազդարարվել են ազգային կրթության կազմակերպման սկզբունքները, հասարակական եռանդուն պայքար է ծավալվել կրթական հարցերի շուրջ, որոնք մեծ չափեր են ընդունել 1850-60թթ.: Կրթական-լուսավորական խնդիրների առաջաշունքը խիստ ժամանակին էր և բխում էր հայ ժողովրդի ազգային ազատագրության պահանջներից:

Նշանավոր մանկավարժ Պ. Շանշյանի ջանքերով 1852-57թթ. Թիֆլիսի Ներսիսյան դպրոցում մի շարք փոփոխություններ են կատարվել (մտցվել են բանասիրական առարկաներ, որոնց ավանդունքը տարվել է հայերենով, արգելվել են մարմնական պատիժները, կատարվել են դաս-դասարանային բաժանում), որոնց հետևանքով

դպրոցը շուտով վերածվել է միջնակարգի:

Իր տեսչության ընթացքում 1874-79թթ. մեծ բարեփոխումներ է կատարել Ս. Մանդինյանը: Նրա նախաձեռնությամբ ու ծրագրով 1877-ին բացվել է 6-րդ դասարան, որով դպրոցը դարձել է լրիվ միջնակարգ, 1878-ին՝ մասնագիտական

մանկավարժական 7-րդ դասարան հայկական ծխական դպրոցների համար ուսուցիչներ պատրաստելու նպատակով: 1885-86թթ. ուստարուն դպրոցն ունեցել է 7 դասարան, 27 ուսուցիչ, 487 աշակերտ: 19-րդ դարի վերջում աշակերտների թիվը հասել է 712-ի: 3 նախապատրաստական և 7 հիմնական դասարաններում (Հավլաբարի և Սոլուլակի բաժանմունքների հետ միասին) սովորել է 1071 աշակերտ: 1908-ին փակվել է Սոլուլակի բաժանմունքը, 1910-ին՝ Հավլաբարի: 1914-15թթ. ուստարուն դպրոցի ուսման տևողությունը 11 տարի էր (4 նախապատրաստական, 7 հիմնական): 1924-ին Ներսիսյան դպրոցը տվել է իր վերջին 25 շրջանավարտները: 1925-ից կոչվել է աշխատանքային դպրոց:

Ներսիսյան դպրոցում սովորել են՝ Խաչատուր Աբովյանը, Ստեփան Նազարյանը, Սկրտիչ Թաղիադյանը, Պերճ Պռոշյանը, Ղազարոս Աղայանը, Հովհաննես Թումանյանը, Դերենիկ Դեմիրճյանը, Հայկ Բժշկյանը (Գայ), Անաստաս Միկոյանը և հայ մշակույթի շատ երախտավորներ: Տարբեր ժամանակներում այնտեղ դասավանդել են Ղազարոս Աղայանը, Ստեփան Պալասանյանը, Պերճ Պռոշյանը, Գաբրիել Սունդուկյանը, Ծերենցը (Հովսեփ Շիշմանյան), Առաքել Բահաթրյանը, Լեոն (Առաքել Բաբախանյան), Ստեփան Լիսիցյանը, Գարեգին Լևոնյանը, Մանուկ Աբեղյանը, Ստեփան Մալխասյանը, Հակոբ Մանանդյանը և ուրիշներ:

ՆԱՆԵ ՍԵՎԱՆ



Դավիթ Անհաղթը հինգերորդ դարի հայ խոշորագույն փիլիսոփա է, հայ իրականության մեջ հիմնադիրն է իմացաբանության, տրամաբանության, բարոյագիտության, փիլիսոփայության և այլ մասնաճյուղերի: Նրա աշխատություններն են՝ «Սահմանք իմաստասիրութեան», «Վերլուծութիւնը ներածութեան Պորփիրի», «Մեկնութիւն ի վերլուծական Արիստոտելի», «Մեկնութիւն ստորագութեանց Արիստոտելի»:

Դ. Անհաղթի փիլիսոփայությունը, որն իր արմատներով կապված է անտիկ աշխարհի գիտության հետ, գիտական ուղղության համար ճանապարհ հարթեց հին հայ հասարակության մտավոր կյանքում: Նա նորալատոնական փիլիսոփայական ուսմունքի հետևորդ էր. մի ուսմունք, որի մեջ Պլատոնի հայացքները միաձուլվում էին Արիստոտելի, Պյութագորասի և ստոիցիզմի գաղափարների հետ՝ իդեալիստական հիմքի վրա: Սակայն Ալեքսանդրյան դպրոցը, ուր կրթություն էր ստացել Անհաղթը, հետևում էր նեոպլատոնիզմի նոր ուղղությանը, որի մեջ առանձնապես զորեղ էր Արիստոտելի փիլիսոփայության ազդեցությունը:

Կենսագրական տեղեկությունները Դ. Անհաղթի մասին քիչ են: Օտար աղբյուրները քիչ բան են հաղորդում նրա մասին, նշելով միայն, որ նա հայ էր, Ալեքսանդրիայում ուսանել էր Օլիմպիոդորոս Կրտսերի մոտ, գրել էր մի քանի փիլիսոփայական երկ: Հայկական աղբյուրների համաձայն նա Տարոնից էր, ծնվել է Ներգին գյուղում, մոտավորապես 70-ականներին, ուսանել է Ալեքսանդրիայում, եղել է Աթենքում, Կ. Պոլսում, ուր մասնակցել է հրապարակային վեճերի, բազմիցս հաղթանակներ տարել և ճանաչվել որպես եռամեծ և Անհաղթ փիլիսոփա: Մահացել է Հայաստանում, թաղվել՝ Մշո Աբ. Առաքելոց վանքում: Դասվել է սրբերի շարքը:

Դ. Անհաղթը հայ փիլիսոփայության պատմության մեջ որակական բեկում կատարեց՝ հստակորեն սահմանազատելով իմաստասիրությունն աստվածաբանությունից: Նա տվեց փիլիսոփայության որպես գիտության սահմանումը, որոշեց նրա խնդիրները և նպատակները: Դ. Անհաղթի շնորհիվ հայ փիլիսոփայությունը ձեռք բերեց սեփական դեմք, ձևավորվեց որպես գիտելիքի մի ուրույն բնագավառ և որոշեց իր տեղը հին և միջնադարյան Հայաստանի գիտությունների բնագավառում: Դ. Անհաղթի փիլիսոփայությունը համապարփակ է: Այն ընդգրկում է այդ գիտության գրեթե բոլոր բնագավառները՝ գոյաբանություն, իմացաբանություն, տրամաբանություն, հոգեբանություն, գեղագիտություն, հասարակագիտություն, բարոյագիտություն: Անհաղթը, ապացուցելով աշխարհի ճանաչման հնարավորությունները, դրա հետ միասին ապացուցում է փիլիսոփայության որպես բնության ընդհանուր օրինաչափությունները և էությունը ճանաչող գիտության գոյության անհրաժեշտությունը:

Ըստ Անհաղթի՝ ճանաչումը սկսվում է նյութական գոյերի, իրերի ճանաչումից և, անցնելով աննյութ ձևերի ըմբռնման աստիճանով, ավարտվում է բացարձակապես աննյութ Գոյի՝ Աստծո ճանաչումով: Մարդու հոգին օժտված է երկու տեսակի ընդունակություններով՝ ճանաչողական և

## ԴԱՎԻԹ ԱՆՀԱԳԹ

կենդանական: Ճանաչողական ընդունակություններն են՝ զգայություն, երևակայություն, կարծիք, տրամախոտություն, միտք (բանականություն): Սրանք մարդկային ճանաչողության իրար հաջորդող վերասլաց աստիճանների հիմքն են հանդիսանում: Դրանք են՝ փորձը, փորձառությունը, արվեստը, գիտությունը, փիլիսոփայությունը: Իրար նախապատրաստող և իրար հաջորդող այդ փուլերն անցնելով՝ մարդն աստիճանաբար բարձրանում է անգիտությունից դեպի իմաստություն, եզակի գոյերի ըմբռնումից դեպի համընդհանուր գոյի ճանաչում: Իսկ հոգու կենդանական հատկություններն են՝ կամքը, ընտրողությունը, հոժարությունը, ցանկությունը, ցատումը: Սրանք հիմք են հանդիսանում առաքինության ձեռքբերման համար, որն իրականացվում է կրթերի սանձահարման, այդ հինգ կենդանական հատկություններից երկուսի՝ ցանկության և ցատման, հաղթահարման միջոցով:

Անհաղթն առաջադրում է փիլիսոփայության վեց սահմանումներ, որոնք, ըստ նրա, տալիս են փիլիսոփայություն առարկային էության և նպատակի սպառնիչ ըմբռնում՝ փիլիսոփայությունը գիտություն է Գոյի մասին, գիտություն է աստվածային և մարդկային իրերի մասին, հոգածություն է մահվան մասին, Աստծուն նմանվելն է, ըստ մարդկային կարողության, արվեստների արվեստն է և գիտությունների գիտությունը, փիլիսոփայությունը սեր է իմաստության հանդեպ: Փիլիսոփայության յուրացման և նրա սկզբունքների կիրառման շնորհիվ է, որ հնարավոր է ազատվել մեղքերից, հաղթահարել մահը և անմահանալ:

Դավիթ Անհաղթի փիլիսոփայական համակարգում հատուկ տեղ է զբաղում բարոյագիտությունը: Որոշելով փիլիսոփայության նպատակը՝ Անհաղթը հիմնականում դրան տալիս է բարոյական ուղղվածություն: Գիտելիքը, չնայած իր կարևորությանը և անհրաժեշտությանը, օժանդակ դեր է խաղում: Այն օգնում է մարդուն հասնելու հոգեկան կատարելության, հնարավորություն է տալիս տարբերելու ճշմարիտը ստից, չարը՝ բարուց և խուսափել չարից: Իսկ դա անմիջականորեն ծառայում է այն գերագույն նպատակին՝ աստվածանմանությանը, ըստ մարդկային կարողության Աստծուն նմանվելուն, որի համար էլ գոյություն ունի փիլիսոփայությունը: Աստված հոգուն է բոլորի մասին: Ձգտելով նմանվել նրան՝ մարդը նույնպես հոգատար պետք է լինի ուրիշների նկատմամբ, նպաստի, որ նրանք ազատագրվեն չարից ու հասնեն կատարելության, գիտության: Ըստ Անհաղթի՝ արդար մարդը երջանիկ է, եթե նույնիսկ նա չի հարգվում և անտեսվում է, իսկ չարը թշվառական է, նույնիսկ եթե հարգվում է: Եթե մարդը չլիներ, տիեզերքում ամեն ինչ անկատար կլիներ: Մարդը բնության և Աստծո միջնորդն է, կապակցող օղակը, աշխարհի փոքրագույն նմանակը: Մարդը կենդանական աշխարհի անբաժանելի մասնիկն է, նրա այն աստիճանը, որին հատուկ է բանականությունը: Ի տարբերություն կենդանիների, մարդու մեջ բանականության իշխանությունը ապահովում է հոգու բաղադրամասերի և առաքինությունների ներդաշնակությունը՝ առաջացնելով արդարությունը:

Ըստ ավանդության՝ Անհաղթը եկեղեցու համար հորինել է բազմաթիվ երգեր, սակայն նա ավելի հայտնի է երգերաժողության վերաբերյալ իր տեսական ըմբռնումներով:

Անհաղթի փիլիսոփայությունն ուսումնասիրող մասնագետներից մեկն ասել էր. «Նա հայ մշակույթի պատմության մեջ խաղացել է նույն դերը, ինչ Արիստոտելը՝ համաշխարհային մշակույթի պատմության մեջ»:

ԱՇԽԵՆ ԳՐԻԳՈՐՅԱՆ




# ՀԱՅՈՑ ԹԱԳԱՎՈՐՆԵՐԻ ՏՈՂՄԱՆՇԱՆՆԵՐԸ ՆԵՐՍԵՍ ՇՆՈՐՀԱԼՈՒ ՄԵԿՆԱԲԱՆՈՒԹՅԱՄԲ

Աղերսախառն մեկնաբանություն հայոց թագավորների տոհմանշանների:

Արիաբար բազում քաջություն անող մեր ազգը բարձրացնողը Տիգրան, յոթնագլուխ վիշապ Աժդահակին սպանելը սեփական դարձնելով մեզ համար իբրև հատուկ նշան, արթնացի՛ր, արթնացի՛ր, մտավոր իմաստություն ունեցողդ և բերանունդ երկսայրի սուր կրողդ, և այնպես արա, որ ոչ միայն չառողջանա նրա մահացու վերքը, այլև՝ ողջանդամ ծծմբով այրվող հրե լիճը գցվի:

Բարեկարգված գեղեցկության հայոց աշխարհը համայն և թագավորությունը օրինադրող Արշակունիներ, արժանանա սլացքով հայրենիքի համար մարտի մրցակցության հաղթող պատկազարդ պայծառացուցիչներ, հատկապես միազվիստի արծվանիշ դրոշակով փառագարդված, արդ հիմա է ժամը, բարձրացրեք ձեր ձայնը և արծվի նման ընթացք ձեր թևերը տարածելով՝ ժողովելու երկրի ծագերով մեկ ցրվածներին:

Տիրոջ խոսքով ցնծացող և սքանչելի ավար գտնողը, անձնուրաց նախահավատ, պանծալիղ Աբգար, որ ընդունելով Տիրոջից փրկչական պատկերն ունեցող աստվածավայել սիրո թաշկինակն իբրև հատուկ նշան, հայոց ազգին շքեղազարդեցիր ի ցնծություն մեր սրտեր բարձ-



րացնելու հաղթող նշան իբրև արդի ժամանակների և ապագայի, որպեսզի վերապրենք տիեզերական դատաստանից:

Լուսազարդ ճանապարհի նախաշավիղը, հսկայազուն Տրդատ, սուրբ հոգուց մկրտությամբ ծնունդով հեզ գառ՝ Հովհաննես վերակոչված, Սիոն լեռան վրա Գառան նշանով կուռքերին ձուլված բազիլները քաջությամբ կործանող, մեր ազգին թագազարդողը, գազանի երկրպագուներին, որ նրա դրոշմն են կրում իրենց ճակատին, Աստծո և Գառի առջև հանդերձալում տանջվելու և մեր անունները պատարագված Գառան կյանքի գրքում գրելու համար դու մաղթիր:

Արտաբուստ փոքր, բայց երկառ-

յուծ հոգեկորով ապաստան գտած մեծամեծ քաջարիությամբ անհաղթ ավելի հզոր քան արքան գազանների, Ռուբինյանների աստվածատես որդիներ, որոնցից առաջինը Լևոն պանծալի անունով կայսրերից պսակված, առյուծանշան տոհմանվամբ, իմաստուն թագավորներ, որ իբրև առյուծներ արիացաք ամբարիշտներին ցրելու, ում ոչ ոք չէր կարող հարություն տալ, բայց միայն նա, որ չի ննջում ու ոչ էլ քուն է մտնում՝ պահապանը Իսրայելի:

Արարատյան թագավորության բուն նշանակ հատկապես առանձին տեղիք պարծանքի, լեռդ Մասիս, լեռդ պարարտ և լեռդ օժված, ասա քո առջև կանգնած մեծամեծ լեռներին, դու որ ընդունողդ ես առհասարակ բոլոր շնորհների, թե զորապատերի ձեռքերը հիմքը դրեցին այս տան թագազարդ և նրա ձեռքերն են կանգնեցնելու սա, քանզի դու ես այն յոթնակնանին, որ նախ էս ամբողջ երկրին:

**Ընդհանրական թուղթ սրբոյն  
Ներսեսի Շնորհալոյ, Յերուսաղեմ,  
Սրբոյ Յակոբեանց, 1871, էջ 331-332:**

**Թարգմանությունը՝  
ԱՐԱ ՋՈՂՐԱԲՅԱՆԻ**

## ՄԲ. ԷՋՄԻԱԾԻՆ - ԱՆԹԻԼԻԱՍ

### «ՄԵԿ ազգ, մեկ եկեղեցի» կարգախոսը կյանքի կոչելու համար

Գարեգին Բ Ամենայն հայոց կաթողիկոսի և Արամ Ա Մեծի տանն Կիլիկիո կաթողիկոսի բարձր տնօրինությամբ դեռ 2005թ. ստեղծել է երկկողմանի հանձնաժողով, որի նպատակն է քննարկել երկու կաթողիկոսությունների հակասությունները և նպաստել հայ եկեղեցու միասնականությանը:

Հանձնաժողովը նույն թվականի մարտին գումարել է իր առաջին նիստը և հանդես եկել հայտարարությամբ:

Հանձնաժողովում երկու կաթողիկոսությունները ներկայացված են չորսական մասնակիցներով: Ամեն կողմից ներկայացված են երկուական հոգևորական և աշխարհական: Ժողովն ատենապետում են Ամենայն հայոց կաթողիկոսությունից Տ. Խաժակ արք. Պարսամյանը, իսկ Կիլիկիո կաթողիկոսությունից՝ Տ. Օշական արք. Չոլոյանը:

2006թ. հունվարի 31-ին տեղի ունեցավ այդ հանձնաժողովի երկրորդ նիստը, որից առաջ հանձնաժողովի անդամներին ընդունել և իր հայրապետական օրհնությունն է տվել Գարեգին Բ Ամենայն հայոց կաթողիկոսը: Իր հերթին Տ. Օշական արք. Չոլոյանը Արամ Ա կաթողիկոսի մաղթանքներն է հաղորդել պատվիրակությունների աշխատանքին:

Պատվիրակությունները «Հայ եկեղեցու վերանորոգության հրամայականը» թեմայի լույսի ներքո ճշտել են հետագա աշխատանքային գործնախադր: Նախորդ ժողովին ստեղծված և Վեհափառ հայրապետների կողմից հաստատված ուղեգծի համաձայն՝ ժողովականները հանգամանորեն մշակել են հետագա աշխատանքների ռազմավարությունը, ճշտել են ստեղծվելիք հանձնախմբերի թիվը և նրանց քննարկման բնագավառները:



# Խ Ն Չ Ո Ր

## Կալախնձոր

Կալվորը գնաց Աստղիկ աստվածուհու մոտ ու ասաց.

- Արևի տակ օրնիբուն տանջվում եմ, որ մարդիկ ծննան ուտելու հաց ունենան: Սիրտս մեկ-մեկ խնձոր է ուզում, իսկ դու խնձորը հասունացնում ես այն ժամանակ, երբ կալերը վերջանում են:

Աստվածուհին ժպտաց և պատասխանեց.

- Գնա, այսուհետև կալվորներիդ խնձորը ժամանակին կհասնի:

Եվ Հայաստանում առաջինը սկսեցին ուտել փոքր փխրուն խնձորը, որ կոչվեց կալախնձոր, որովհետև հասնում է կալերի ժամանակ:



բակեղև ու փխրուն խնձորի մի մաստ փորում կորիզները շարժվում են, շնչակցոց հանելով, ինչպես ցամաք ընկած ծովային խխունջախեցին է նմանակում հսկա ծովի մռչյունի արծազանքը:

Հայոց աշխարհում շրջագայելիս՝ Աստղիկը մի խնձոր է գցում իր ծոցը: Սիրահար Վահագնը առնում է խնձորի զգլխիչ բուրմունքը և վազում ու գտնում



Աստղիկին: Աշխարհում ոչ մի խնձորի բուրմունք այնքան երկարակյաց չէ, որքան Արտամետինը: Դրա համար էլ ասում են՝ Վանի հարսանեկան սնդուկներում խնձորահոտը մնում է քառասուն տարի:

Աստղիկի ժամանակներից սկսած՝ խնձորը Հայաստանում դարձել է սիրո ցուցանիշ:

## Խ Ն Չ Ո Ր Ե Կ

Երբեմն խենթութեամբություն է անում նաև հայոց երկնքից իջնող

կարկուտը: Այդպիսի բան արեց նա Երզնկայի դաշտի մի անկյունում ծվարած գյուղում: Շղակտոր արեց ծառերն ու հասկերը գետին տապալեց: Բայց խնձորենուն չդիպավ: Շինականների այդ տարվա ապրուստը մնաց միայն խնձորը: Դրա համար էլ գյուղը կոչվեց խնձորեկ:

## Հայկական խնձորենին Ֆրեզնոյում

Ֆրեզնոյաբնակ Պերճ Պերճյանը, որպես ամերիկացի զբոսաշրջիկ, 1970 թվականին հասավ Վան և հետո Ֆրեզնո տարավ Արտամետի խնձորենու մի ոստ: Ֆրեզնոյում ոստն արմատակալեց, ծառ դարձավ և մի քանի տարի հետո սկսեց բերք տալ: Փխրուն, նրբակեղև, ամուշաբույր ու քաղցրահամ խնձորներ էին: Պերճի ուրախությանը չափ չկար: Հայրենիքը կորցրած այս մարդու համար խնձորենին ասես հայրենիքի մի մասն էր դարձել:

Շուտով Ֆրեզնոյում բնակվող բոլոր վանեցիները իմացան Պերճի խնձորենու մասին և շտապեցին նրա մոտ: Պերճի խնձորը դարձավ մի թանկագին մասունք:

- Պերճ, քո խնձորենին Վանը հասցուց Ամերիկա: Ասիկա մեծ երջանկություն է ամենուս համար, ասում էին տարագիր հայերը:

Հետո նրանց աչքերը արցունքոտվում էին, և խնձորը կուլ չէր գնում...

ՀԱՅԿ ԽԱՉԱՏՐՅԱՆ  
«Սոսյաց անտառ», 1988թ.

## ՀԱՅՐ ԴԵԻՈՆԴ ԱԼԻՇԱՆԸ ԵՒ ՎԱՃԱՌԱԿԱՆԸ

Այս պատմությունը ինձի Տօթթ. Պարգև Պալըմեանը պատմած է, ես ալ հիմա ձեզի պիտի պատմեմ:

Կիլիկիոյ Սիս քաղաքի շրջակայ գիւղերէն վաճառական մը կու գայ Վեներտիկ եւ կ'ուզէ Հայր Ալիշանին հետ տեսնուիլ: Ալիշանը, այդ այցելութենէն գոհ, վաճառականին կը հարցնէ:

-Ձեր գիւղին հանդիպակաց բլուրին մօտ գտնուող ձորին վրայ կամուրջ մը կայ, դեռ կանգո՞ւն է:

- Վարդապետ,- կ'ըսէ վաճառականը զարմացած,- քառասուն-յիսուն տարիէ ի վեր հոն կ'ապրին, բայց ոչ մէկ կամուրջի հանդիպած եմ: Կը սխալիք երեւի:

- Չէ, չէ,- կ'ըսէ Ալիշան,- հոն անպայման կամուրջ մը ըլլալու է, երբ որ երթաք, ստուգեցէք:

«Յնդա՞ծ է, ի՞նչ է,- կը խորհի վաճառականը,- յիսուն տարուան մարդուս իմ գիւղս կը սովորեցնէ»:

Վաճառականը, երբ Կիլիկիոյ իր գիւղը կը վերադառնայ, կը տեսնէ, որ թուփերուն մէջ քանդուած կամուրջի մը հիմերը կան, եւ Հայր Ալիշանին խօսքերը կը յիշէ:

Տարիներ վերջ վաճառականին ճամբան վերստին Վեներտիկէն կ'անցնի: Կու գայ Հայոց վանք, եւ հայր Ալիշանի քով կ'ելլէ, ծունկի գալով կ'ըսէ.

- Չգէ, ձգէ, որ քու ոտքերդ համբուրեմ. դուն մեծ մարդ ես...

- Ի՞նչ եղաւ,- կ'ըսէ Ալիշանը զարմացած:

- Չե՞ս յիշեր զիս, ո՞վ մեծ Վարդապետ, գացի, նայեցայ եւ քու ըսած կամուրջը տեսայ, թէւ միայն հիմերը կային, բայց դուն ճիշտ էիր, ժամանակին հոն կամուրջ մը եղեր է:

ՎԵՐԺԻՆԵ ՍՎԱԶԼՅԱՆ

Պոլսահայոց բանահիւուսութիւնը, 2000թ.





# ՃԱՊՈՆԱԿԱՆ ԵՎ ՀԱՅ ՀԵԹԱՆՈՍԱԿԱՆ ԱՍՏՎԱԾՆԵՐԸ

Դեռևս շատ-շատ վաղուց, ինչպես Հայաստանում, այնպես էլ ճապոնիայում և այլ երկրներում, մարդիկ, ինչոր գործ ձեռնարկելիս՝ բերք ցանելիս, որսի դուրս գալիս, հարևան տոհմի կամ երկրի հետ պատերազմելիս, հաջողություն ունենալու ակնկալիքով դիմել են աստվածներին: Նրանք հավատում էին, որ աստվածներն ամենուր են՝ գետերում և ծովերում:

Եվ երբ փոթորիկ էր բարձրանում, շանթում էր կայծակը, հեղեղ էր տեղում, մարդն անգոր էր պայքարել առեղծվածային և զորեղ բնության դեմ՝ նա մոգական ուժերից իր կյանքի փրկությունն էր աղերսում՝ հաճախ զոհաբերելով կենդանիների և անգամ իրեն հարազատ մարդու:

Ըստ ճապոնական սինտոական դիցաբանության՝ շատ-շատ վաղուց, երբ դեռ երկիրը չէր ձևավորվել, երկնքում ապրում էին աստվածները, որոնք կոչվում էին երկնային աստվածներ: Նրանք պատկանում էին աստվածների ամենաբարձր դասին: Այնուհետև, ավելի ցածր դիրք էին զբաղեցնում Երկրային աստվածները, որոնց ուժի գոյությունն արտահայտվում էր բնության տարերքների և այլ երևույթների միջոցով:

Ըստ ճապոնական դիցաբանության՝ Երկնային աստվածները երեքն են՝ Անե Նո Մինականուսին, Տակամիմուսուբին և Կամիմուսուբին: Ի տարբերություն մյուս աստվածների, որոնք զույգերով են հանդես գալիս, այս երեք աստվածները չունեն սեռ և որևէ արտաքին հատկանիշներ: Այս եռյակից հետո հանդես են գալիս չորս միայնակ աստվածներ: Այնուհետև ծնվում են հինգ զույգ աստվածներ: Հինգերորդ զույգը շատ կարևոր տեղ է զբաղեցնում ճապոնական դիցաբանության մեջ: Նրանք են՝ ամուսիններ Իձանակին և Իձամանին:

Երբ ծնվեցին Իձանակին և Իձամանին, «երկիրը դեռ դուրս չէր եկել իր մանկությունից»՝ հաված յուրի նման հոսում էր ծովի ալիքներով: Այդ պատճառով Երկնային աստվածներն այդ զույգին հանձնարարում են Երկրի արարման գործը: Ըստ դիցաբանության՝ նրանք կանգնում են «Երկրային հեղեղի» տակ գտնվող կամրջի վրա և Երկնային աստվածներից ստացված միզակով սկսում են հեղուկը խառնել: Այնուհետև, երբ բարձրացնում են միզակը, նրանից աղի կաթիլ է ընկնում հեղուկի մեջ, և հեղուկը կարծրանում է, որից էլ ձևավորվում են ճապոնական կղզիները:

Այս գործողությունից հետո սիրային երկխոսությամբ տեղի է ունենում Իձանակիի և Իձամանիի հարսանեկան ծիսակատարությունը: Սակայն երկխոսությունը հակառակ արտաբերելու պատճառով նրանց երեխաները թերի են ծնվում: Իձանակին և Իձամանին կրկին ամուսնանում են, այս անգամ՝ բարեհաջող, և ահա ծնվում են ճապոնական կղզիները և ոգի-աստվածները, որոնք էլ բնակություն են հաստատում կղզիներում: Ամենավերջում ծնվում է կրակի աստված Կագուցուժին: Երբ նա ծնվում է, Իձամանին այրում է կուճքը և մահանում: Նա գնում է անդրշիրիմյան թագավորություն, որը կոչվում է Յոմիսուկունի: Իձանակին մնում է միայնակ և ծնում է բազում աստվածներ: Վերջում ծնվում են երեք գլխավոր աստվածներ:



Ճապոնական աստվածները և՛ նման են հայ հեթանոս աստվածներին, և՛ տարբեր:

Ըստ հին հայկական դիցաբանության՝ երկիրն ու երկիրը արարել է Արամազդը: Ի տարբերություն ճապոնական դիցաբանության՝ հին հայերի ամենագլխավոր աստվածը Արամազդն էր, և նրանից առաջ աստվածներ չեն եղել: Արամազդը երկնքի և երկրի արարիչն էր, բոլոր աստվածների հայրը: Արամազդը, ինչպես Իձանակին և Իձամանին, ծնել է հին հայկական երեք գլխավոր աստվածներին:

Ճապոնական երեք գլխավոր աստվածներն են՝ արևի աստվածուհի Ամատերասուն, լուսնի աստված Ցուկույոմին և փոթորկի աստված Սուսանոոն:

Հին հայկական երեք գլխավոր աստվածներն են մայրության, բերքի և պտղաբերության աստվածուհի Անահիտը, սիրո և գեղեցկության աստվածուհի Աստղիկը և արևի աստված Միհրը:

Անահիտը մայր աստվածուհին էր: Նա կոչվում էր «Մեծն տիկին Անահիտ», բոլոր տեսակի խոհեմությունների և պարկեշտությունների մայր, մարդկանց բարերար, հայ ժողովրդին պահող և փառաբանող: Հավատում էին, թե նրա շնորհիվ միշտ եղել է, կա, ու գոյություն կունենա Հայոց աշխարհը: Հայ թագավորները, որևէ գործ ձեռնարկելիս, Մեծն տիկին Անահիտից էին հովանավորություն և առողջություն հայցում:

Ամատերասուն արևի աստվածուհին, համարվում է ճապոնիայի մայր աստվածուհին, քանի որ ճապոնիան ծագող արևի երկիր է:



Ամատերասուն, ինչպես Անահիտը, համարվում է ճապոնիայի կայսրերի նախամայրը և հովանավոր աստվածուհին: Ամատերասուն հանդես է եկել նաև որպես քրմուհի, և ըստ հին ճապոնացիների հավատքի՝ քրմուհիները համարվել են աստվածների կանայք: Այստեղից եզրակացություն, որ առաջ գոյություն է ունեցել տղամարդ արևի աստվածը, և Ամատերասուն համարվել է նրա կինը: Հետագայում այդ երկուսը միաձուլվել են

և դարձել մեկ պաշտամունքի առարկա:

Հին հայկական արևի աստվածը Միհրն էր:

Ճապոնական դիցաբանության մեջ Իձանակիի որդի Սուսանոոյի կերպարը մի քանի աստվածների մարմնացում է: Նա հանդես է գալիս որպես ժլատ, չար արարքներ գործող աստված:

Ըստ ավանդույթի՝ Իձանակին իր կարողությունը բաժանում է երեք զավակների միջև և Սուսանոոյին է տալիս ծովը: Սուսանոոն դժգոհ մնալով՝ սկսում է բարձրաձայն հեկեկալ այնքան, մինչև մորուքը երկարում-հասնում է կրծքին, իսկ նրա լացից կանաչ լեռները չորանում են, ծովերն ու գետերը՝ ցամաքում: Իձանակին բարկանում է և Սուսանոոյին վտարում անդրշիրիմյան աշխարհ՝ Յոմի Նո Կունի: Հուսահատված Սուսանոոն որոշում է հրաժեշտ տալ քրոջը՝ Ամատերասունին և հենց այդ ժամանակ առաջարկում է նրան միասին երեխաներ ունենալ: Արդյունքում ծնվում են շատ աստվածներ ու աստվածուհիներ: Այս իրադարձությունից չափից ավելի ուրախանալով և





ոգևորվելով՝ Սուսանոն իրեն թույլ է տալիս այնպիսի արարքներ, որոնք հին ճապոնիայում կարող էին դասվել «ութ մեղքերի» թվին. ավերում է Ամատերասուկի մշակած հողերը, ապականոն է սրբատեղիները: Այդ պատճառով Սուսանոն համարվում է փոթորկի աստված: Մյուս կողմից նա հանդես է գալիս որպես խիզախ հերոս, որը փրկում է մարդկանց ութ գլխանի և ութ պոչանի հրեշից: Սակայն աստվածները չեն ներում Սուսանոյին իր հասցրած վնասների համար և վտարում են Յոմի նո Կունի: Այդ պատճառով Սուսանոն համարվում է նաև անդրշիրիմյան աստված:

Հին հայերի Ստորերկրյա թագավորության աստվածն էր Սպանդարամետը, որը հաճախ նույնանուն էր ստորգետնյա աշխարհի, մեռելների թագավորության կամ ուղղակի դժոխքի հետ:

Հին հայկական դիցաբանության մեջ նշանակալի տեղ է զբաղեցնում Վահագն աստվածը: Նա ծնվելուն պես կռվի է բռնվում սև, ամեհի վիշապների դեմ. ինչպես Սուսանոն, սպանում է նրանց, ազատում տիեզերքը կործանման սպառնալիքից: Ըստ ավանդության՝ ամպրոպի ժամանակ երկրի անդունդից վիշապներ են դուրս գալիս, երկինքն ու երկիրը ամբողջովին մթագնում է, իսկ երկնքի ջրերը՝ ցամաքում: Վահագնը խիզախորեն կռվում է, սպանում նրանց և ազատում արևին ու երկնքի ջրերը: Արևը կրկին սկսում է լուսավորել աշխարհը, իսկ երկնքի ջրերը վերածվում են անձրևի և կաթիլ առ կաթիլ թափվում երկրի վրա:



Ի տարբերություն Սուսանոյի, Վահագնը շատ խիզախ և ժողովրդի կողմից շատ սիրված աստված էր, որից թագավորներն ու զորավարները քաջություն էին աղերսում: Վահագնին հետագայում ժողովուրդը մարդեղենացրել է և դարձրել իր սիրած և մեծարած Տիգրան Մեծ թագավորի երրորդ զավակը:

Վահագնի տարփածուն էր Աստղիկ դիցուհին՝ հայոց սիրո և ջրի աստվածուհին: Աշտիշատում գտնվող նրա տաճարը կոչվում էր «Վահագնի սենյակ», ուր Աստղիկը հանդիպում էր իր սիրած Վահագնին: Աստղիկի և Վահագնի ամուսնությունը համարվում էր սրբազան. այդ ամուսնության հետևանքով անձրև էր տեղում երկրի վրա, ծաղկեցնում երկիրը, բերք ու բարիք տալիս մարդկանց:

Ըստ ավանդության՝ Աստղիկը սիրում էր երեկոյան ժամերին լողալ Եփրատ գետում: Նրա սիրով տարված երիտասարդ տղաները սարի վրա գիշերները խարույկներ

էին վառում, որպեսզի դրանց լույսի տակ կարողանային տեսնել Եփրատում լողացող դիցուհուն, հիանալ նրա չքնաղ գեղեցկությամբ: Բայց Աստղիկը ամեն գիշեր դաշտը մշուշով էր պատում, որպեսզի իրեն ոչ մի օտար աչք չկարողանար տեսնել: Այդ պատճառով էլ այդ տարածքը կոչվեց Մուշ:

Վարդավառը նվիրված է Աստղիկ աստվածուհուն, քանի որ նա համարվում է նաև ջրի աստվածուհի: Այդ տոնակատարության ժամանակ Աստղիկին վարդեր էին նվիրում, աղավաղներ թռցնում, և սիրահարները իրար վրա ջուր էին ցողում և ուրախանում:



Ըստ ճապոնական դիցաբանության՝ Տա նո Կամի կոչվող բրնձի դաշտի աստվածը Աստղիկ աստվածուհու նման հանդես է գալիս նաև որպես ջրի աստված: Դա պայմանավորված է նրանով, որ բրնձի հարուստ բերք ստանալու համար մեծ քանակությամբ ջուր է հարկավոր: Բրնձի դաշտի աստծո տոնակատարությունը կատարվում է մայիս ամսին՝ բերքահավաքի ժամանակ: Հնուն մարդիկ Տա նո Կամիին մարդկային զոհաբերություններ են կատարել. լիառատ բրնձի դաշտում ողջ-ողջ թաղել են երիտասարդ աղջիկների: Սակայն, հետագայում այդ սովորույթը վեր է ածվել զուտ խորհրդանշական արարողության: Այժմ աղջիկներին պատում են բրնձի դաշտից վերցված ցեխով:

Հին հայերի համաժողովրդական սիրո և ճանաչման արժանացած աստվածներից մեկն էր Ամանորը: Ամանորը, որ հին հայերենում նշանակում է նոր տարի, հին հայերի նոր տարին անձնավորող աստվածն էր և համարվում էր «Նոր պտուղների ամենաբեր»: Նրա տոնն ու պաշտամունքը կատարվում էր հայոց նոր տարվա օրերին՝ նավասարդին, որ հայոց հին տոմարով համընկնում էր հուլիսի վերջերին և օգոստոսի սկզբներին, երբ հասունանում էին նոր մրգերն ու պտուղները: Ճապոնական դիցաբանության մեջ ևս գոյություն ունի նոր տարվա աստված, որը կոչվում է Օ տոսի նո Կամի: Նա նույնպես համարվում է բերքատվության աստված:

Իրարից այդքան հեռու, շատ տարբեր, բայց շատ հարուստ մշակույթ ունեցող երկրներ, տարբեր հավատալիքներ, կրոն, սովորույթներ..., բայց միևնույն ժամանակ որոշակի հատկանիշներով նման աստվածներ: Հետաքրքիր է, այդպես չէ՞:

ՄԵԼԻՆԵ ՄԵՍՐՈՊՅԱՆ

### ՀԱՅԿԱԿԱՆ ՄՇԱԿՈՒՅԹԸ ՀՆԴԿԱՍՏԱՆՈՒՄ ԵՎ ԲԵԼԱՌՈՒՍՈՒՄ

15 երկների համալսարանականների ու հոգևորականների մասնակցությամբ հունվարի 28-ին Հնդկաստանի Կոտայամ քաղաքի Եփրեմի կույմեմիկ գիտահետազոտական ինստիտուտում կայացած «հայկական օրեր» խորագրով համաժողովում ներկայացվել են «Հայկական մանրանկարներ և բյուզանդական սրբապատկերներ» թեման, հայ մանրանկարչությունն ընդհանրապես և հայ-հնդկական հարաբերությունների ակունքները: Ելույթ ունեցողները կարևորել են հին լեզուները՝ առանձնացնելով հայոց լեզվի ուսուցումը:

Մինսկի Բարեկամության տանը հունվարի 31-ին հայ գրականությանը նվիրված գրական-երաժշտական երեկո է կազմակերպել Բելառուսում ՀՀ դեսպանությունը:

Ն. Պ.



# ՀԱՅՈՑ ԱՌՆՉՎԱԾ ԱՐԱԲԵՐԵՆ ՀՐԱՏԱՐԱԿՈՒԹՅՈՒՆՆԵՐ 2003-2005ԹԹ.

Վերջին տարիներին արաբ ընթերցողի մոտ մեծացել է հետաքրքրությունը հայերի նկատմամբ: Դրա արտահայտություններից են իրար հաջորդող արաբերեն հրատարակությունները:

Հատկանշական է, որ արաբերեն հրատարակությունների մի մասը ուրիշ լեզուներից թարգմանություններ են, սակայն կան այնպիսիք, որոնք հեղինակվել են հենց արաբերենով, ընդ որում՝ վերջիններիս մի մասի հեղինակները հայեր են, իսկ որոշ մասինը՝ արաբներ: Քաղաքական տեսակետից, հատկապես, մեծ նշանակություն ունեն ամենավերջին դասի մեջ մտնող հրատարակությունները:

Մեր կատարած ոչ խորը ուսումնասիրությամբ հանգել ենք այն եզրակացության, որ միայն Հայկական հարցի և Հայոց ցեղասպանության մասին արաբերեն հրատարակությունների ցուցակը գերազանցում է 125 անունը:

Ստորև շատ սեղմ կներկայացնենք մի մասը հայոց առնչված արաբերեն այն հրատարակությունների, որոնք լույս են տեսել 2003-2005 թվականներին (նկատի ունենք այն հրատարակությունները, որոնք կամ անհայտ են հայրենի ընթերցողին, կամ էլ քիչ հայտնի): Դրանք դասակարգել ենք երկու խմբում.

### 1. Հայկական հարցին ու Հայոց ցեղասպանության վերաբերող հրատարակություններ.

- Բաղդադում, 2003թ. սահմանափակ տպաքանակով լույս է տեսել Նաջլաա Ադնան Հասան ալ-Ուբեյլի մագիստրոսական ատենախոսությունը՝ «Ալ-Դաուլա ալ-Օսմանիյա ուալ-մուշքիլա ալ-արմանիյա 1894-1916» («Օսմանյան տերությունը և Հայկական հարցը 1894-1916թթ.») խորագրով:



- Կահիրեի «Դար ալ-Բուստան» հրատարակչությունից և տեղի «Նուպար» տպարանից 2004թ. լույս է տեսել եգիպտացի արաբ վիպագիր Մուհամմադ Գիբրիլի «Սայդ ալ-Ուսարի» («Փոշթաթախ որս») վեպը, որտեղ հեղինակը զուգահեռներ է տանում հայկական և պաղեստինյան ազգային հարցերի միջև:



- Սիրիական աշխարհագրական ընկերությունը Դամասկոսում 2004թ. լույս է ընծայել, ավելի շուտ՝ վերահրատարակել է դոկտ. Ավետիս Կարապետ Սանջյանի 1956թ. Միջիգանի համալսարանում պաշտպանած մագիստրոսական ատենախոսությունը՝ «Լիուաա ալ-Իսկանդարունա - Դիրասա ֆիլ-ալաքաթ ալ-ֆարանսիյա-ալ-թուրքիյա-ալ-սուրիյա» («Աղեքսանդրեսի սանջակը. ֆրանսա-թուրքա-սիրիական հրատարակությունների մասին հետազոտություն») խորագրով: Տեղին է նշել, որ այս աշխատությունը արաբերենով առաջին անգամ լույս է տեսել 1980թ., Դամասկոսում, «Ռազմական հետազոտությունների կենտրոնի» կողմից, 239 էջ ծավալով և, որպես ներքին օգտագործման դասագիրք, շրջանառվել Սիրիայի Ռազմական ակադեմիայում:

-Դամասկոսի «Դար էլ-Յանաբի» հրատարակչությունից 2005թ. լույս է տեսել լիբանանահայերին և լոնդոնահայերին ծանոթ հայրենակից Իսրայել Վահան Փիլիկյանի «Ալ-Շահեդ ալ-ախիր լիլ-մազաբեհ ալ-արմանիյա» («Հայկական ջարդերի վերջին վկան») հուշերը, որոնք հավաքել և կազմել է սիրիացի արաբ հեղինակ դոկտ. Ահմադ Հասան Սբանուն:



-Բեյրութում, «Համազգային»-ի «Վահե Սեթյան» տպարանում 2005թ. լույս է տեսել դոկտ. Սեդա Քիլեջյանի «Շահադաթ նաջին» («Փրկվածների վկայություններ») գիրքը, որը արաբերեն է թարգմանել պատմագիտության թեկնածու, դամասկոսաբնակ Նորա Արիսյանը:



-ՀՅԴ Զավարյան ուսանողական միության Ռազմավարական հետազոտությունների հանձնախումբը Բեյրութում, 2005թ. լույս է ընծայել թուրք-իսրայելական հարաբերություններին նվիրված նյութերի մի հավաքածու՝ «Ալ-աալաքաթ ալ-թուրքիյա ալ-իսրաիլիյա. մին ալ-սիրրիլալ-աալան 1948-2002» («Թուրք-իսրայելական հարաբերությունները. գաղտնիությունից բացահայտում 1948-2002թթ.») խորագրով:

- 2005թ. վերջին օրերին, «Հայկա-



կան ցեղասպանության 90-ամեակի ոգեկոչման Լիբանանի կեդրոնական մարմինը՝ Բեյրութում լույս ընծայեց ԱՄՆ-ի հայկական «Կալիֆոռնիա կուրիեր» թերթի խմբագիր Յարութ Սասունյանի հավաքած ու կազմած և Հայոց ցեղասպանության միջազգային ճանաչմանը վերաբերող նյութերի հավաքածուն՝ «Ալ-իբադա ալ-արմանիյա. իիթիրաֆ ալ-աալամ աալանան 1915-2005» («Հայոց ցեղասպանությունը. աշխարհի ճանաչումը 1915-2005թթ.») խորագրով: Նշենք, որ նույն տարվա մայիս ամսին, նույն մարմինը Բեյրութում հրատարակել էր այս նյութերի անգլերեն բնօրինակը: Անգլերենից արաբերեն է թարգմանել պատմագիտության թեկնածու Նորա Արիսյանը:

**2. Հայոց առնչվող արաբերեն այլ հրատարակություններ.**

- «Գալուստ Գյուլբենկյան» հիմնարկության հովանավորությամբ 2003թ., Հալեպում լույս տեսավ վաղանշանկ արաբագետ Արամ Տեր-Ղևոնդյանի «Ալ-իմարաթ ալ-արաբիյա ֆի Արմինիա ալ-Բագրադունիյա» («Բագրատունյաց Հայաստանի արաբական իշխանությունները») ուսումնասիրությունը: Հայերեն բնագրից թարգմանել է Արաբ գրողների միության անդամ Ալեքսանդր Քեչիշյանը:


- Արաբական Միացյալ Եմիրությունների Շարժա Եմիրության Տեղեկատվության և մշակույթի տնօրենությունը 2004թ. լույս ընծայեց պատմագիտության դոկտոր, ԱՄԷ-ում ՀՀ արտակարգ և լիազոր դեսպան Արշակ Փոլադյանի «Սաֆահաթ մին թարիխ ալ-աալաբաթ ալ-արմանիյա ալ-արաբիյա» («Էջեր հայ-արաբական առնչությունների պատմությունից») պատմագիտական արժեքավոր աշխատությունը:



- Բեյրութում սահմանափակ տպաքանակով 2004թ. լույս է տեսել

Ռիտա Պերճ խաչատուրյանի իրավագիտության հատուկ դիպլոմայինատենախոսությունը՝ «Ալ-ահուալ ալ-շախսիյա լի-թաֆիթաթ ալ-արման ալ-օրթոդոքս» («Հայ առաքելական համայնքի անձնական իրավունքը») խորագրով: Հեղինակը ատենախոսությունը պաշտպանել է նույն թվականին՝ Բեյրութի արաբական համալսարանի իրավագիտության ֆակուլտետում: Այս գիրքը առ այսօր լիբանանահայության անձնական իրավունքին վերաբերող արաբերեն միակ աշխատությունն է:

- Քուվեյթի համալսարանի հրատարակած «Ռազմավարական և ապագայի ուսումնասիրություններ» մատենաշարի 5-րդ՝ 2004թ. հոկտեմբերի նշումը կրող համարը ամբողջությամբ հատկացվել է միջազգային հարաբերությունների մասնագետ Պողոս Սարտիրոսյանի «Քուեյթ ուս Արմինիա. ալ-մասիր ալ-մուշթարաթ լիլ-դուալ ալ-սադիրա ֆիլ-աալաբաթ ալ-դուալիյա» («Քուվեյթը և Հայաստանը. փոքր պետությունների ընդհանուր ճակատագիրը միջազգային հարաբերություններում») ուսումնասիրությունը: Նույնը լույս է տեսել նաև անգլերենով՝ մատենաշարի՝ նույն թվականի նշումը կրող անգլերեն տարբերակում:



- Կահիրեի «ալ-Ահալի» և Դամասկոսի «Դար ալ-Ուաթանիյա» հրատարակչություններից 2005թ. գրեթե միաժամանակ լույս տեսավ հայրենի արաբագետ, նախկին հայրենադարձ, ներկայումս Բեյրութում հաստատված Եղիա Նաջարյանի «Ալ-Նահդա ալ-քաումիյա-ալ-սաքաֆիյա ալ-արաբիյա» («Արաբական ազգային-մշակութային զարթոնքը») խորագրով գիրքը, որը հայերեն բնագրով լույս էր տեսել Երևանում, 1988թ.: Արաբերեն է թարգմանել արաբագետ, դոկտ. Պողոս Սարաջյանը: Ձուգահեռ հրատա-

րակությունների մեկենասն է դամասկոսահայ բարերար Վարուժան Սալաբյանը:



- Արաբ գրողների միության (Սիրիա) օրգան «Ադաբ աջմաբիյա» («Օտար գրականություն») հանդեսի «2005թ. ամառ» նշումը կրող համարը, որը լույս է տեսել հոկտեմբերի վերջին, Դամասկոսում, ամբողջությամբ նվիրված է հայ գրականությանը: Համարը պատրաստել է անցյալ տարի հիմնված «Սուրիահայ գրողներու համախմբումը» (արժե ավելացնել, որ հոկտեմբերի նույն օրերին լույս տեսավ համախմբումի «Երթ» տարեգրքի առաջին համարը):

- Վերջին երկու տարիներին երկու կարևոր հրատարակություններ էլ լույս են տեսել Հորդանանի մայրաքաղաք Ամմանում: 2004թ. լույս աշխարհ եկավ Ռազմիկ Սիմոնյանի «Ալ-արման ֆի բիլադ ալ-արաբ» («Հայերը արաբական երկրներում») գիրքը:

- Իսկ 2005թ. Ամմանի «Դար ուարդ» հրատարակչությունից հորդանանյան «Ալ-Ահալի» բանկի հովանավորությամբ լույս տեսավ ընկերաբան (սոցիոլոգ) Արդա Վրեժ Կարապետյանի «Ալ-արման ալ-օրդոնիյուն. ալ-ուաքեհ ալ-իջդիմաֆի ուալ-հաուիյա» («Հորդանանահայերը. սոցիալական վիճակը և ինքնությունը») սոցիոլոգիական, էթնոմշակութային և էթնոմշակութաբանական հույժ կարևոր ուսումնասիրությունը:

Այս հոդվածի համար հիմնական աղբյուր է ծառայել Բեյրութում լույս տեսնող «Սփիւռք» պարբերականը:

**ԳԵՎՈՐԳ ՅԱԶՆՅԱՆ**  
**Պատմական գիտությունների թեկնածու**



# Ա Յ Ե Թ Ա Պ



Կիլիկիայի հարավ-արևելքում՝ Մարաշ-Յալեպ ուղեգծի վրա, Եփրատ գետի վտակ Սարուջի

ափին է գտնվում Այնթապը: Քաղաքը փռված է դաշտանձ բարձրադիր հովտում, շրջապատված է կրաքարային, կավճային և մարմարի կազմություն ունեցող բլուրներով: Ունի գեղեցիկ դիրք, առողջարար, ցամաքային կլիմա, խմելու և ոռոգման առատ ջուր: Այնթապը հայտնի է ընտիր խաղողով, ծիրանով, խնձորով, ընկույզով և այլ պտուղներով, այստեղ մշակվել է հացահատիկ և բամբակենի: Այն հռչակված էր որպես առևտրաարհեստավորական կենտրոն. արտադրվող և արտահանվող ապրանքների մեջ կարևոր տեղ են գրավել ծխախոտը, չամիչը, դոշաքը, օղին, բամբակե գործվածքները:

Այնթապը հին բնակավայր է, նրա մասին առաջին պաշտոնական տեղեկությունները հաղորդել են խաչակիրները (11-12-րդ դդ.), ովքեր այստեղ կառուցել են ամուր բերդ և այն դարձրել են իրենց ռազմական հենակետը: Հայերը քաղաքի տնտեսական ու ռազմական կարևոր տարրն էին:

Խաչակիրներն այստեղ գտան հայկական կազմակերպված մի գաղութ: Միջին դարերում Այնթապը մտնում էր Եդեսիայի կոմսության մեջ, հետո անցել է Փիլարտոսի, ապա՝ Կիլիկիայի հայոց իշխան Գող Վասիլի ձեռքը: Սակայն հույն կայսրերը և խաչակիրները մեկիկ-մեկիկ ոչնչացրեցին Եփրատի շրջանում հաստատված փոքրիկ հայ իշխանություններին: Գող Վասիլը ևս դարձավ նրանց ընչաքաղցության զոհը: 1140-ին Այնթապը ճոսլին իշխանի ձեռքում էր, որի վրա 1152-ին հարձակվում է Հալեպի Նորեստին սուլթանը և առանց դժվարության գրավում է այն: Երկար ժամանակ Այնթապը նրա իշխանության տակ էր: Եվ այդ ընթացքում հայերը խաղաղ էին ապրում: 1266թ. Կիլիկիայի Հեթում 1-ին թագավորը երկու անգամ անհաջող փորձ է արել Այնթապն ազատագրելու համար: 14-15-րդ դդ. այն գրավել են եգիպտացիները: 1404-ին քաղաքն ավերվել է Լենկթեմուրի կողմից: Այնթապը 1516-ին գրավել են թուրքերը: Այստեղ, դեռևս հին ժամանակներում, զգալի թիվ են կազմել հայերը, որոնք զանգվածա-



բար Այնթապ են տեղափոխվել սկսած 14-րդ դարից Հայաստանի և Փոքր Հայքի տարբեր շրջաններից (Մուշ, Մալաթիա, Մարաշ, Բեհեսնի, Ադյաման, Բիրեջիկ, Ուրֆա): 18-րդ դարում Մարաշի գավառի մեջ մտնող Այնթապը շրջապատված է եղել ավելի քան 100 հայաբնակ գյուղերով: 1822-ին երկրաշարժից Այնթապի բերդն ավերվել է:

Ոմանք գտնում են, որ քաղաքը այդպես են անվանել Ալաշկերտի հովտի Այնթապ բնակավայրից ներգաղթած հայերը: 19-րդ դարի վերջերին Այնթապն ուներ 43.000 բնակիչ, որից 16.900-ը հայեր: 20-րդ դարի սկզբներին Հալեպի նահանգի համանուն գավառի Այնթապ գավառակի կենտրոնն է եղել՝ ունենալով 50.000 բնակիչ (մոտ 36.000 հայեր էին): Հայերի հիմնական զբաղմունքը առևտուրն ու արհեստագործությունն էր. ոսկերիչների, որմնադիրների, ներկարարների, կաշեգործների, գորգագործների մեծ մասը հայեր էին: Հայ կանանց նուրբ ու ճաշակով ասեղնագործությունները հայտնի էին հատկապես Եվրոպայում ու ԱՄՆ-ում: Մինչև 1915թ. Այնթապում կար հայկական վեց եկեղեցի, 17 ուսումնարան, դպրոց ու վարժարան (1870-80-ական թվականներին այստեղ հիմնվել ու գործել են Վարդանյան, Մեսրոպյան սանուց և Աղենական որբախնամ դպրոցները, Հայկանուշյան, Այդինյան, Հոխիսիմյան վարժարաններն ու «Կեղոռնական թուրքիո կոլեջը», 1912-ին հիմնվել է Կիլիկիայի ճեմարանը): Այնթապում հրատարակվել են «Ենի Յոմուր» և «Հագիզաթ» հայատառ թուրքերեն թերթերը: 1886թ.

Վարդանյան կրթարանը հրատարակում էր «Մենտոր» կիսամյա հանդեսը՝ հայերեն և թուրքերեն լեզուներով:

Այնթապի հայերը բարեկազմ, գեղեցկադեմ, ուրախ ու զվարթ մարդիկ էին: Նրանք 1915-ին տեղահանվեցին, քշվեցին Դեր Ջորի անապատ և զանգվածաբար կոտորվեցին: 1918-ին մազապուրծ այնթապցիները վերադարձան հայրենի քաղաք, բայց շուտով ինպերիալիստական տերությունների կողմից կրկին մատնվեցին բախտի քմահաճույքին: 1920-21թթ. այնթապցիները 314 օր հերոսական ինքնապաշտպանական մարտեր մղեցին թուրք ջարդարանների դեմ: Կենդանի մնացածները տարագրվեցին Սիրիա, Լիբանան, ԱՄՆ, նրանց մի մասը հետագայում հայրենադարձվեց Սովետական Հայաստան:

Այնթապում է ծնվել բանասեր, Կիլիկիայի կաթողիկոս Բաբկեն Կյուլեսերյանը (1868-1936թթ.):

Կիլիկիայի ծաղկուն այս քաղաքն վերանվանվել է Ղազիանթեպ, որը համանուն վիլայեթի կենտրոնն է:

Հայաստանի Հանրապետությունում Այնթապ անունը այժմ կրում է Արարատի մարզի Մասիս քաղաքի նախկին Թագագյուղը:

**ՋԵՄՍԱ ԲԱՂՈՒՅԱՆ**

## ՎԱՆԱ ԿԱՏՈՒՆ ՎԵՐԱԴԱՐՁԵԼ Է



Վանա կատուն իրավամբ համարվում է Հայկական լեռնաշխարհի հնագույն բնակիչներից մեկը (10-12 հազար տարի): Կատվի այս տարատեսակը գրանցված է Կարմիր գրքում՝ որպես հազվագյուտ և անհետացող տեսակ:

Փափկամազ, արտակարգ գեղեցիկ, կապտականչավուն աչքերով, ինչպես Վանա լճի կապուտակ ջուրը: Նա կատվագիների միակ ներկայացուցիչն է, որ սիրում է լողալ:

Պարզվում է, որ վանեցիները նրան իրենց հետ ձկնորսության էին վերցնում: Սուզվելով՝ նա իր տիրոջ համար ձուկ էր բերում խորքերից: Մինչև վերջին ժամանակները Հայաստանում ոչ մի հատ Վանա կատու չկար: Առաջին նմուշները Հայաստան բերեց Կարեն Մանվելյանը: Էգի անունը Արփի է, իսկ արուինը՝ Միփան: Նրանցից և նրանց սերունդներից՝ Վանից և Սևանից, ծնվեցին սերունդներ, որ այժմ էլ աճում են և բազմանում, ուսիտությամբ հայտնեց Կարենը: Վանա կատուների սելեկցիան Հայաստանում սկսված է:

**ԼԵՎ ՕԳԱՆԵՁՈՎ**




# ԱՅՍ ԱՇԽԱՐՀԻ ՄԷՋ ՎԱՆ, ՄԻՒՍ ԱՇԽԱՐՀԻ ՄԷՋ ԴՐԱԽՏ

**Ուխտագնացութիւն դէպի Վան  
Սրբազանի 1997 թուականի ուխտագնացութեանն.**

Յետոյ Վան գացինք, քանի մը օր անցուցինք Վասպուրական աշխարհը: Անշուշտ, Վանը ինծի անծանօթ չէ, Այգեստանը, Վան քաղաքը...: Պեյրուքէն չեն գիտեր, սակայն անպայման Նիւ Եորքէն շատ անելի գիտէի Վանը: Վանն անծանօթ չէր, սակայն աներակ էր: Տխուր էր իմ քաղաքը: Յետոյ գացինք Շուշանց, յետոյ՝ Վարազայ վանք: Ամենածանր վայրկեաններէն մէկը այնտեղ էր. եկեղեցին գոմի վերածուած էր, երկու-երեք կամար մնացած էր: Բայց երբ կառքը շրջադարձ ըրաւ եւ յանկարծ նորակառոյց մզկիթ տեսանք, ահաւոր ցնցուեցանք, եկեղեցիէն մէկ մեթր այն կողմ, գրեթէ անոր փակած, մզկիթ մը բարձրացած է:

**Կ**արելոր թիւեր Վանայ նահանգի մասին. Վանայ նահանգին 450 գիւղերը, Կ. Պոլսոյ պատրիարքարանի 1913-14թթ. վիճակագրութեան համաձայն, ունէին 457 եկեղեցի եւ վանք: Միայն Վան քաղաքին եւ Այգեստանին մէջ 1914-ին կային 7 եկեղեցիներ՝ Սբ. Նշան, Պօղոս-Պետրոս, Սբ. Աստուածածին, Սբ. Վարդան, Սբ. Ծիրանաւոր, Սբ. Սահակ եւ Առաքելոց: Վասպուրականը եղած է մեր ձեռագրական մշակոյթի ամենամեծ կեդրոններէն մէկը: Ձեռագիրներու ընդօրինակման նշանաւոր կեդրոններ էին Կտուցի, Լիմի, Վարագի, Մեծոփի եւ յատկապէս Աղթամարի վանքերը: Յիշատակարանի մը համաձայն Լիմի մէջ կը պահուէր 3.124 ձեռագիր:



Վան՝ Խաչ փողոց

Ըստ Ալեքսանդր Երիցեանի՝ 1876թ. Վան քաղաքը ունէր 18.460 հայ բնակչութիւն: Վանի առաջնորդարանի կողմէ կատարուած մարդահամարի համաձայն՝ 1914թ. Վանի մէջ կը բնակէր 4.132 հայ ընտանիք կամ 22.470 անձ, մինչդեռ թուրքերը, ըստ Լինչի փոխանցած տուեալներուն, ընդամենը 10.000 էին:

**Ս**րբազանի 2000 թուականի ուխտագնացութեանն. Բագրեւանդի դաշտը թողուցինք մեր ետին եւ Բերկրիի վրայով՝ հիւսիսարեւելեան կողմէ, մօտեցանք Վանայ լիճին: Յետգիտէտէ մեր աչքերուն բացուեցաւ Յրաշք լիճը՝ իր աննման եզերքներով, ամէն բոլորով տարբեր երանգ ստացող կապոյտով: Մինչ այդ՝ մենք հազիւ կը հասնէինք մեր պատմաբաններուն եւ աշխարհագէտներուն բացատրութեանց, որոնք մէկը միւսին ետեւէն մեզ կը գնդակօծէին մեր պատմութեան դրուագներով, լեռներով, գետերով, դէմքերով: Վասպուրական աշխարհ, Վան, «Գալ տարի Վան», Խրիմեան Յայրիկ, Արամ Մանուկեան: Յրաշք աշխարհ է, եւ իզուր չէ, որ վանեցին համեստօրէն կ'ըսէ՝ «Այս աշխարհի մէջ Վան, միւս աշխարհի մէջ դրախտ»:

Վասպուրական աշխարհի մեր առաջին կանգառը եղաւ Կտուցի հանդիպակաց ափը. փոքրիկ կղզի մըն է, ուր հեռուէն շատ բան ալ չնշմարեցինք: Բայց ի՞նչ վանք էր եղած: Սենաստան, 100-ի չափ միաբան, օրը 7 անգամ

ժամերգութիւն: Հիմա՞...

Յաջորդ հանգրուանը Վարագն է: Երրորդ ուխտագնացութիւնս է այս, ու թէեւ գիւղի մոլլան մեկնած է, տեղացիք զիս կը յիշեն, գիւղապետը կու գայ, կը բարեւենք զիրար, գիւղի երեխաներուն խաղալիք ու շաքար կը բաժնենք: Ներսը՝ Սբ. Աստուածածնայ եկեղեցւոյ մէջ, մեր աղօթքն է, ու անգամ մը եւս կը յիշենք Խրիմեան Յայրիկը, Գարեգին Եպիսկոպոս Սրուանձտեանցը, Վարագի պատմութիւնը, ու կ'երգենք Վարագայ Սուրբ Խաչին նուիրուած շարականը. «Նշանաւ ամենայաղթ խաչի թոյ...», ու միւս շարականը՝ ուր աղօթքը այլեւս Յայոց պատմութեան է, քանի Վարագայ Սբ. Խաչի պատմութիւնն է, այսինքն խաչը՝ «...Թռուցեալ եկաւորի ի լեռն Վարագայ բնակիլ ի սմա...»: Ո՞ւր է արդեօք, այսօր Վարագայ Սուրբ Խաչը, եւ արդեօք Յովել, Թեոդիկ ճգնաւորները դարձեալ պիտի չյայտնուին, որպէսզի Աստուած մեզի ալ յայտնէ իր Միածին Որդւոյն Խաչի մատուցին թաղուած տեղը: Ե՞րբ, արդեօք, արժանի պիտի ըլլանք այդ օրուան: Մինչ մեր ուխտաւորներէն շատեր տրտում եւ հետաքրքիր կը նկարեն, կը դիտեն, կ'արձանագրեն ամէն քար ու խաչքար՝ ես, քանի մը ընկերներով, գիւտ կ'ընեմ երրորդ եկեղեցիի մը, քանի առաջին առիթներուն՝ եղեր էի Սբ. Գեորգ եւ Սբ. Աստուածածնի մէջ: Հիմա գտանք Սբ. Գեորգին կից Սբ. Նշան մատուռը, որ գրեթէ կանգուն է, գմբէթը փայտերով ծածկուած: Բայց ներսը ուրիշ տխրութիւն մը կայ: Հաւանաբար երկար տարիներ յարդանոց է եղած. հիմա շատ խոնաւ է, կարծես քարայր մըն է, ու միայն սարդի ոտայնները ամբողջ եկեղեցին գրաւած են, կարծեք պալատ մը ըլլայ, ուր հարկու տարի մարդ կոխած չըլլայ: Բայց յոյս կայ, յոյս միշտ պիտի ըլլայ, ու հիմա լուսանկարներու մէջ կը դիտեմ, թէ ինչպէս լոյսի ճառագայթներ կը պատռեն մութն ու ոտայնները:

**Վարագայ վանք.** Հռիփսիմեանց կոյսերը Հռոմէն փախչելով Յայաստան, մինչեւ Վաղարշապատ հասնիլը, կ'ապաստանին Վարագայ լեռան արեւելեան կողմը գտնուող ամենաբարձր գագաթին վրայ: Խորեմնացի Ռիփսիմեանց նուիրուած պատմութեան մէջ կ'ըսէ, թէ Ռիփսիմեանց թագաւորական ծագում ունէր եւ Կողոզիա կայսրուհիի տոհմէն էր: Այդ օրերուն տեղի ունեցած էր խաչափայտի գիւտը: Կողոզիայի անբասիր վարքի համար Յակոբոս առաքեալը անոր մատուցը մը տուած էր Տիրոջ խաչափայտէն: Այս մատուցը, սերունդէ սերունդ անցնելով, կը հասնի Հռիփսիմէին: Վարագէն իրենց ճանապարհը շարունակելու ժամանակ, Հռիփսիմէն Նշանը կը հանէ իր վիզէն եւ կը պահէ այստեղ: Քանի մը դար ետք՝ 660-ին հոս ուխտաւոր եկած Թեոդիկ կրօնաւորն ու անոր աշակերտ՝ Յովելը աստուածային տեսիլքով մը կը յայտնաբերեն Սբ. Նշանը: Այս առիթով Սեւեք երիւմ թագաւորը



Նարեկի քարայր



հոս կը շինէ եկեղեցիներ եւ անոնց վրայ կը կարգէ հաւատարիմ մարդիկ:

Խաչի այս մատուցը, որ հետագային պիտի կոչուր վարազայ Սբ. Նշան, Գագիկ Արծրունիին կը զետեղէ թանկագին պահարանի մը մէջ:

Ամիջապէս վարազայ խաչը կը դառնայ վասպուրականի եւ ամբողջ Հայաստանի սրբութիւններէն մէկը: Երբ Արծրունիներու վերջին թագաւոր Սենեքերիմ, իր ամբողջ պետութիւնը տալով յոյներուն, ինք փոխադրուեցաւ Սեբաստիայ, ան յօժարեցաւ զրկուիլ իր ամբողջ թագաւորութենէն, բայց Սբ. Նշանը տարաւ իրեն հետ: Սենեքերիմ, երբ կը մահանայ, եւ անոր մարմինը, եւ Սբ. Նշանը կը բերեն վարազ:

Ինչպէս Լուսաւորիչի տեսիլքին համաձայն եւ անոր տեսած լոյսի տեղերուն վրայ շինուեցան Ս. Էջմիածնի Սայր Տաճարն ու Հռիփսիմէն, Գայանէն եւ Շողակաթը, այնպէս ալ վարազայ լեռան վանական համալիրը եւ հոն գտնուող եկեղեցիներու թիւն ու կառուցման տեղերը կը բխին վարազայ խաչի ու անոր երեւման պատմութենէն:

Վարագի առաջին Ուրբաթայրք մատուռ-եկեղեցին կը շինուի Լուսաւորիչի օրով, պպա յաջորդ եկեղեցին կը շինուի Թէոդիկ ճգնաւորի եւ վարդ Պատրիկի ժամանակ, իսկ միւսները, այսինքն մնացեալ տասն, շինուած են այն վայրերուն մէջ, ուր իջած են երկինքին մէջ ճաճանջող Սբ. Նշանի 12 ցուքերը:

Վարազայ վանքը եղած է գրչութեան նշանաւոր կեդրոն, ուր բազմաթիւ ձեռագիրներ ընդօրինակուած են, ինչպէս նաեւ ունեցած է իր մատենադարանը:



Վարագայ վանք 19-րդ դ.

1850-ական թթ. վանքը կը դառնայ կրթական կեդրոն, վանահայր Խրիմեան Հայրիկի շնորհիւ: Խրիմեան այստեղ կը իրատարակէ «Արծուի Վասպուրական»-ը: Ան ոչ միայն մանուկներու համար դպրոց կը բանայ, այլեւ ժողովուրդին կը ծանօթացնէ գիւղատնտեսութեան նորագոյն նուաճումներուն, հողը հերկող նոր արօրներ կը բերէ:

Վարագան աւանդաբար եղած է Վասպուրականի եւ ամբողջ Հայաստանի նշանաւոր սրբավայրերէն մէկը, ուր ամեն տարի եկած են հայ ուխտաւորներ:

Լալայեան կ'ըսէ, թէ տեղւոյն ժողովուրդը հաւատալիք մը ունի, ըստ որուն, ով որ մէկ օր ծոմ պահելով քառասուն անգամ կը բարձրանայ Վարագի Գալիլեան, անոր կեանքը միշտ յաջողութիւններով կը պսակուի:

1896-ի կոտորածներուն վանքը վնասի կ'ենթարկուի: Նարեկայ վանքէն ոչ մէկ հետք գոյութիւն ունի այսօր: Վանքին տեղ կառուցուած է մզկիթ մը: Նարեկավանքի երբեմնի հսկայ համալիրի տեղ կը տեսնուի նորակառոյց մզկիթ մը, իսկ Նարեկացիի շիրիմին վրայ՝ ախոռ:

Ապա վայրէջքն է դէպի Վան, եւ մինչ Լուս Անճելըսէն, Օր. Փառիկը կ'ողբայ «Այն Վասպուրական» երգը, մենք մեր աչքերուն մէջ կը դրոշմենք Վանայ լճի վերջալոյսը: «Ով չի տեսել Արարատեան դաշտի արշալոյսը՝ ոչինչ չի տեսել»: Մեղայ, մեղայ հայ գրականութեան թուխ Արամազդին, կ'երեւի Ահարոնեան չէր տեսած Վանայ լճի վերջալոյսը՝ երբ արեւը դանդաղ, խաղաղ, վսեմ քուն կը մտ-

նէ ծովու գիրկը:

Յաջորդ առաւօտ բոլորս կը պատրաստուինք դէպի Աղթամար ուղեւորութեան: Բայց առտնին հոգեր ալ ունինք: Հարսանքատը եմք: Այդ օր, կէսօրը յետոյ՝ ժամը 3-ին, ուխտաւորները հրաւիրուած են... Երկու զոյգերու Սուրբ Պսակի արարողութեան: Այդ, հիմա որ այս տողերը կը մրտտեմ՝ ես ալ չեմ հաւատար թէ այդ ինչպէ՞ս եղաւ: Շաբաթներ առաջ Աշոտն ու Լուսինէն խնդրէր էին, որ զիրենք եկեղեցական կարգով պսակեմ՝ Առաքելոց վանքին մէջ: Բայց ահա ամսի 21-ի երեկոյեան ինծի մօտեցան Վոլոյան եւ Հռիփսիմէն, խնդրելով որ զիրենք պսակեմ Աղթամարի մէջ: Երկմտեցայ եւ յետ խորհրդակցութեանց, որոշեցի Աղթամարի Ս. Խաչ եկեղեցւոյ մէջ երկու զոյգե-



Վարագայ վանքն այսօր

րը միաժամանակ պսակել: Յաջորդ առաւօտուն ամենուն իմաց տուինք: Ես, որ մանկուց լուսարար եմ եղեր, սիրէր Հայ Ե կ ե ղ ե ց ւ ո յ կարգն ու կանոնը, պարտականութիւն համարեցի ամեն բան կատարել օրի-

նական կերպով, աւանդութեամբ, սրբութեամբ: Շուկայէն կրցայ գտնել կարմիր-կանաչ ժապաւէն՝ փեսաներուն համար: Սպիտակ «հարսնիքի նուշ» ալ ճարեցի: Աւելի դժուար եղաւ գինի ճարել, այդ ալ գտայ, ու ճամբայ ինկանք դէպի Աղթամար: Ճամբու ընթացքին մեր վարորդին՝ Սաշային պատուիրեցի որ պարտեզով տուն մը որ տեսնէ՝ կանգնի: Շա՛տ կ'ուզէի Արտամետէն գնել ծաղիկ ու խնձոր. կարծեմ յաջորդ գիւղին, պատմական Ոստանի մէջ ինքնաշարժը կանգ առաւ, տան մը պարտեզը մտայ, խնդրեցի, թեթեւ գունար մըն ալ վճարելով կարմիր-դեղին ծաղիկներ գնեցի: Նարոտի համար ուռենիի ոստեր ալ վերցուցի եւ յանկարծ մտածուն մը արթնցաւ: Չէ՞ք յիշէր «Նահապետ» ֆիլմը, Սօս Սարգսեանը, այն դրուագը, երբ Նահապետը կ'ըսէր «... ինչ տնից, որ նորածինի ձեն ընկնի իմ ականջ, էդ տան դուռը Արտամետի խնձորի ծառ եմ տնկելու...»: Համոզեցի եւ տանտէրը աթոռի մը վրայ բարձրացաւ ու հսկայ ոստ մը՝ վրան 25-30 խնձոր կտրեց, տուաւ ինծի ու այսպէս՝ կազմ ու պատրաստ, փութացինք Աղթամար:

Մետրոպ արք. Աշխանի հուշերը տպագրւոյան պատրաստեց ՀՈՎԻԿ ՄԿՐՏՉՅԱՆԸ





Վանա լիճը ծնունդ,  
Ներքևի նկարում` հեռվում, Սիփան լեռն է





# Մեղքաւերկիւ

## Էտրամ

Դրբեմք աքծիք աւախանեմ թա յեռ ու խառ,  
 Պաշարանեմ թա երկիւնք, զեղբիւնք քեռնաւախա,  
 Առք աւանդ պիտի կիջի զարեղաք,  
 Հախ յեղբիւնք իտ ապաւաքաւ, Մեղքաւերկի'կ:

Պշարեղեղեղ երբ զեռն ին աւանդ,  
 Օջեղի պա պիտ առաւ իրեղաք բուղեղ,  
 Երաւեղեղեղ ապիւնք իտ աքծիւնք  
 Զաւաւիք իտ ապիւնք, Մեղքաւերկի'կ:

Հառաք կուսաւեղ զաւախա պաւկ իտ կռուաւեղ,  
 Զեղեղ զեռաւք ին իտաւաք պաւկեղ,  
 Գոհաւեղեղեղ աւախա կուսաւեղ զարեղաւեղ,  
 Կեղեղեղ ապիւնք իտ, աւախաւեղ Մեղքաւերկի'կ:

Հառաւաքաւեղ աքծիւնք իտ աւախա  
 Պառ զարեղաւեղ զիտ-յեղեղեղ աւախաւեղ,  
 Մեղաւեղ իտա իտ իտ, կուսաւեղ աքծիւնք,  
 Հառեղեղեղեղ քեռն ու ապաւաքաւեղ Մեղքաւերկի'կ:

Դր - բե աք Զիւ աւ - իտ եռն թա ու խառ  
 իտա իտա եռն թա եր կիւնք զե - պիւն քեռն - աւա - իտ  
 ապաւ ա - իտ երբ պի պի կիւնք իտ իտ իտ  
 իտա իտ զե - պիւն իտ ապաւաքաւ Զեղ իտ Զիւ: